

सेःक्युक्मिबाहाऱे खुनिऱ याःम्बक्हाऱ निःसुम्

कन् साप्पन्निन् लुका मेप्पनाबा येसु ख्रिस्तरे याङ्सिबा कुहुऱसाम्बाल्ले साप्तुबारो ॥ कन् साप्पन्निङ्ग तगि साप्तुबा “लुकारे कुसुनाइङ्गडिल्ले” कुजक्लो ॥ कन् साप्पन् साप्माल्लेन् कुजेक् निङ्वाऱसोःक्किङ्ग आक्खेलऱरिक् हुऱसाम्बाहाऱे सेसेमाङ्गडिल्ले कुमुक्साम् नु कुलाम्लोःमान् मेघोःसु हेक्क्याङ् खेङ्हाऱे “यरुसलेम्मो, यहुदिया नु सामरिया थुम्मो, हेक्क्याङ् काक् इक्सादिङ् खाम्बेःक्मो” सुनाइङ्ग इङ्मेभोःसु केलऱबान् पोधक् चोःक्मारो (१.८) ॥ कन् हिन्दोःक्हाऱग आक्खेलऱरिक् ख्रिस्तानि साम्योःन् काक् इक्सादिङ् खाम्बेःक्माल्ले कुलागि साम्यो पोःक्खे केलऱबा मुन्धुम्मो ॥ ख्रिस्तानि साम्यो केनाःप्पाहाऱ रोमि हाङ्गुम्मो हाङ्गिप्पुङ्केजोःक्पा मेःन्छि, कर ख्रिस्तानि नसाःन्निङ्ग यहुदि साम्योःन् कुलिङ्धो केगेप्पा साम्यो फाऱआङ् हेन्निःप्पाहाऱे कुसिङ्ग मेनिःत्तुर केलऱबा निङ्वाऱ चोगुआङ्कन् साप्पन्निन् साप्तुबारो ॥

कन् साप्पन्निन् सुम्सि लक्को हाःमा सुक्तेत्तो-

- (१) येसुःन्साङ्गाम्पेदाङ्गो पेआङ्ग यरुसलेम्मो ख्रिस्तानि नसाःन्निन् इङ्गसेःरेबा
- (२) प्यालेस्ताइन् लाजेऱरे वेऱ तेङ्गप् हेङ्गघाःत्ति सुनाइङ्ग सेःरेबा
- (३) लुम्बा वरःङ् कुयाबा लाजेऱ, हाङ्गुप्हाऱ नु रोम लाजेऱ थारिक् सुनाइङ्ग सेःरेबा पोधक् ॥

कन् साप्पन्नोबा केयेक्पा पाःन्निङ्ग सेसेमाङ्गडिल्ले कुयाःम्बक्लो ॥ खुनेऱग पेन्तिकोस्त येन्नो मुक्साम्नु यरुसलेम्मो केवाऱबा नसानिबाहाऱओ थ्ये हेक्क्याङ्ग सेसेहुप्पलक् नु

लाम्लोःबाहाऱ कन् साप्पन्नो पोधक् पोःक्खेबा हिन्दोःक्हाऱओ
लाम्लोसुसिर खुनिऱ नसाःन्निन् केधुम्बा चोगु हेक्क्याङ् हाङ्हाङ्
मेत्तुसिऱरो ॥ कन् साप्पन्नो साप्तेबा पाःन्हाऱरे नसानिबाहाऱरे
हिङ्मन् नु खुनिऱ सेसे चुम्लुङ्ङो सुनाइङ्ङिल्ले कुमुक्साम्मिल्ले
कुर्याःम्बेओ पोधक् चोगुऱरो ॥

थामिङ्

तोःन्दिरे लागि यारिप् १.१-२६

येसुरे एगाङ्बा कुइङ्जाःङ् नु कुमाङ्हुप् १.१-१४

यहुदारे कुलेक्वाओ सेःक्युक् १.१५-२६

यरुसलेम्मो तोःन्दि २.१-८.३

यहुदिया नु सामरियाओ तोःन्दि ८.४-१२.२५

काक्इक्सादिङ् खाम्बेःक्को तोःन्दि १३.१-२८.३१

पावलरे चोगुबा थिक्सिगेःक्पा इङ्भन् १३.१-१४.२८

यरुसलेम्मो केबोःङ्बा चुम्लुङ् १५.१-३५

पावलरे चोगुबा निसिगेःक्पा इङ्भन् १५.३६-१८.२२

पावलरे चोगुबा सुम्सिगेःक्पा इङ्भन् १८.२३-२१.१६

यरुसलेम, कैसरिया नु रोम्मो पावलेन् साक्पा थाबा २१.१७-
२८.३१

निङ्वाऱफुमाङ्ङिल्ले माङ्हेक् चोगुबा सेसेमाङ्

1-2 आमिःम् थियोफिलसे, इङ्गाऱ तगिबा आसाप्पन्नो* येसुरे
इङ्जाःङ् पिरुसिआङ् साङ्ग्राम्पेदाङ्ङो मेन्देऱए थारिक् खुनेऱ

* **1:1-2** ॐॐॐॐ ॐॐॐॐॐॐ-ॐॐॐॐॐॐ ॐॐॐॐॐॐॐॐॐ ॐॐॐॐॐॐ
ॐॐॐॐॐॐॐॐ ॐॐॐॐॐॐॐॐ ॐॐॐ ॐॐॐॐॐॐॐ ॐॐॐ ॐ
ॐॐॐॐॐॐॐॐॐॐॐॐॐॐॐ ॐॐॐॐ ॐॐॐॐॐॐॐॐॐॐ ॐॐॐॐॐॐॐ
ॐॐॐॐॐॐॐॐ ॐॐॐॐॐॐॐॐॐॐॐॐॐॐ ॐॐॐॐॐॐॐ ॐॐॐॐॐ ॐॐॐॐॐ
ॐॐॐॐॐॐ ॐॐॐॐॐॐॐॐॐ ॐ ॐॐॐॐॐॐॐॐ ॐॐॐ ॐॐॐॐॐॐॐ ॐॐॐॐॐॐॐ
ॐॐॐॐॐॐॐॐ ॐॐॐॐॐॐ

चोगुबा याःम्बक्हाः नु हुःरुसिबा काक् पाःन्हाः साप्तुङ् पिनेआङ् पत्तो ॥

3 येसुःन् तुक्खे च्येआङ् स्ये, हेक्क्याङ् सिःमेन्लाम् याम्मो हिङ्गेआङ् लिबोःङ्(४०) येन् थारिक् खुनेः सेक्खाए कुहिङ्गेत् पोःक्खेबा पाःन्निन् ओसेःन्धाक्सिङ्मा फाःआङ् एत्तेङ् ओसेःन्धाक्सिङ्, हेक्क्याङ् निङ्वाःफुहाङ्जुम्मिल्ले कुयाःम्बेओ च्चेक्तुसिरो ॥

4 थिक्केङ् खुनेः खेङ्हाःनु चर युङ्गेल्ले अक्खे मेत्तुसि, “यरुसलेम लेःरेम्मेःआङ् आल्लोसा मेबेगेम्मिन्नेःओ, कर साङ्ग्राम्पेदाङ्ङोबा पानुदिङ् आम्बारे सेसेमाङ् पिनिङ् लःरिक् चोगुबा माङ्हेक्किन्हाङ्घेम्मेः ॥ कङ्ग तगि मेत्तिङ्बा केघेप्सुम्माङ् केवयिःरो ॥

5 युहुन्नारेग च्वाःत्तिल्ले बप्तिस्मा केबिरि, कर कुभा येन् एगाङ् सेसेमाङ्लाम् बप्तिस्मा केबोःक्खिःरो ॥”

येसुःन् साङ्ग्राम्पेदाङ्ङो तेः

मत्ति १६.१९-२०, लुका २४.५०-५३

6 थिक्क्येन् खेङ्हाःरे खुनेःनु सोरिक् मेवयेल्ले मेमेत्तु “आदाङ्बे, बा कन् येम्मोए इस्राइलिहाः चोःक्युम्भो केबिरुसिआङ् आनिः हाङ्जुम्मिन् याम्मो केजोगुःबि?”

7 येसुरे खेङ्हाः मेत्तुसि, “आप्फाल्ले कन् पाःन्हाः केत् केलःबान् निःमा थाःमा खिनिः याःम्बक् मेःन्लो ॥ खेङ्ग पानुदिङ् पाःल्ले आबाडे कुनिङ्वाःओ निःन्धो चोगुःरो ॥

8 कर खिनिः थेमा निङ्वाः खोःमा पोःङ् फाःले सेसेमाङ्ङिन् खिनिःओ ताःल्ले मुक्कसाम् केघोःसुम्माङ् खिनिः यरुसलेम्मो, यहुदिया नु सामरिया थुम्मो हेक्क्याङ् काक् इक्सादिङ् खाम्बेःक्को खाराक् इङ्गाः आदोःन्दि केबोःक्खिःरो ॥”

15 खेन् येम्मो पत्रुसेन् किप्थिक्काड् निबोःङ् यारिक् (१२०)
नसानिबा लुम्मो येम्मिसिङ्काड्

16-17 खेङ्हाऱ मेत्तुसि, “फुऱनुसाऱसे, यहुदा इस्करियोतिन्
आनिऱनुए वये, हेक्क्याड् कन् माङ्सेवा चोःक्मा लक्किन्
दाङ्बालाम् खोःसुआङ् वयेरो॥ कर खेल्ले अक्खेलऱरिक्
येसुरे कुदेम्से केदाःबाहाऱ लाम्लोसुसिऱ केलऱबा पाःन्निन्
सेसेमाङ्ङिल्ले तगिसा दाउद हाङ्लाम् साम्योसाप्लाओ साप्तेबा
पाःन्निन् केप्मा पोःक्खेरो॥”

18 (कन् मनाःल्ले फेन् याःम्बक्कलाम् थगुबा याङ्ङिल्ले
प्याङ्सिगेन् इक्ताप् इङ्कुआङ् वये॥ खुनेऱ खेप्पो फोःन्छिङ्ङिल्ले
मक्थ्येआङ् कुसाप्पोःक्किन् तेस्सेआङ् कुहिदुत् लःन्देआङ्
स्ये॥

19 हेक्क्याड् यरुसलेमबा मनाहाऱरे कन् पाःन्निन् निङ्वाऱ
मेघोःसुआङ् खेन् प्याङ्सिगेन् इक्ताप्पिन् “अक्केल्दामा” मिङ्
मेवाःत्तुरो॥ खेन् फाऱङ्गन् माक्खिऱ इक्ताप् पोःङ्लो॥)

20 पत्रुसरे पाःत्तु, “अक्खेलऱरिक् कन् पाःन्निन् साप्पन्नो
साप्तेआङ् पत्,

‘खेल्ले कुहिम्धाःङ्हाऱ कुघालेम् पोःङ्लरो॥’

हेक्क्याड् ‘खेप्पो केयुङ्बा हाःत्ताङ् मेहोःप्लरो॥’

हेक्क्याड् ‘माङ्सेवा चोःक्मा कुलक्किन्वेऱ मनाःल्ले खोःसुररो॥’*

21 हेक्केःल्ले दाङ्बा येसुःन्नु सोरिक् आवयेल्ले आनिऱनुए
केवाऱबा मनाःल्ले कुलेक्वा लत्थिक् सेःक्माए पोःङ्॥

22 खुनेऱ यहुन्नारे चोगुबा बप्तिस्माआङ्धो दाङ्बा येसुःन् आनिऱ
लुम्मोनु साङ्ग्राम्पेदाङ् पेबा थारिक् केनिःबा पोःङ्मा पोःङ्॥ खुनेऱ
आनिऱनुए दाङ्बा येसुःन् सिःमेन्लाम् याम्मो कुहिङ्वेत् पोःक्खेबा
पाःन्निन्नेन् तोःन्दि पोःङ्मा पोःङ्लो॥”

* 1:20 00000000000000000000 0000 00.२५, १०.९८

23 हेक्केःल्ले खेड्हाऱरे नेप्फु मनाहाऱ मेदोःन्दुसि-बरसाबास मेप्मनाबा युसुफ (खेल्ले कुमिड्डिन् युस्तसआड् वये) हेक्क्याड् मत्तियास ॥

24-25 हेक्क्याड् खेड्हाऱरे अक्खेलऱरिक् मेबाःत्तुर तुवा मेजोगु, “आदाड्बे, खेनेऱग मेन्छाम्मेन् याप्पिरे खुनिऱ सिक्कुड्मोबा पाःन्निन् केनिःसुरो ॥ कन् सेःक्युक्मिबा माड्सेवा लक्किन् चोःक्का फाऱआड् यहुदाःल्ले कुलेक्वा कन् नेप्फुओ केसेगुबा मनाःन् ओसेःन्दाड् चोगेऱओ, थेआड्भेल्ले यहुदाःल्ले खेन् लेरुआड् लाऱरुबा कुलाम्मो पेरो ॥”

26 हेक्केःल्ले खेड्हाऱरे सिड्जेःक् मेएक्खुल्ले खेन् मत्तियासरे कुमिड्डो थ्येरो ॥ हेक्क्याड् खुनेऱ थिक्-थिक् (११) सेःक्युक्मिबाहाऱओ योऱसिड्डो ॥

2

पेन्तिकोसओ सेसेमाड्डिन् ताः

1 पेन्तिकोस* तड्नाम्मो यरुसलेम्मो नसानिबाहाऱ थिक् तेन्नो मेजुप्सेआड् मेवये ॥

2 हक्चघत् खेप्पो यम्बा सुरित् केजड् केहुबा कुडिसिःक् इक्काधिक् साड्ग्राम्पेदाड्डलाम् येआड् खेड्हाऱ मेयागेबा हिम्मिन् सिदाक् थिम्सुरो ॥

3 हेक्क्याड् मिराःक्काम्केसेबा मिसाड् हेक्कडाः मिःन्केरेक्के खुनिऱ थेगेःक्को चुक्तेबा खेड्हाऱरे मेनिःसुरो ॥

4 हेक्क्याड् सेसेमाड्डिल्ले थुक्तुसिआड् सेसेमाड्डिल्ले पिरुसिबा कुडिसिःक् वेऱ वेऱ मेल्लेस्सुम्बा पाःन्दाड्डो पाःप्पा मेहेःक्तेरो ॥

* 2:1 ००००००००००-०००००००००००००००००० ००००००००००
 ००००००००००००००००००० ००००००(५०) येन्ऱगाड्केदाःबा तड्नाम्लो ॥

5 आल्ल यरुसलेम्मो इक्सादिङ् खाम्बेःकमोबा काक् लाजेऱओनु केदाःबाआङ् केवाऱबा यहुदि साम्योबा मनाहाऱआङ् मेवयेरो ॥

6 यरिक् मनाहाऱरे कन् इक्लाःन् मेघेप्सुआङ् खेन् तेन्नो खुनिऱ निङ्वाऱ मयेऱ मेजुप्से, थेआङ्भेल्ले केदाःबाहाऱरे खुनिऱ आबाडे पेलिगेन् पाःन्दाङ्डो खेन् नसानिबाहाऱरे मेबाःत्तुबा मेघेप्सु ॥

7 हेक्क्याङ् खेङ्हाऱरे खुनिऱ निङ्वाऱ मयेआङ् सेःन्मेदोसुसि, “मेःम्बे! कन् काक् केबाःप्पाहाऱग गालिलिसि मेःन्छिबि?

8 हेक्केःल्ले कङ्हाऱरे आबाडे आनिऱ पाःन्दाङ्हाऱओ आक्खेलऱरिक् पाःप्पा मेसुक्तुबाबे?

9 आनिऱग पर्थिया, मेदिया, एलामि, मेसोपोतामिया, यहुदिया, काप्पादोकिया, पोन्तस, एसिया,

10 फ्रिगिया, पाम्फिलिया, मिस्र नु लिबिया कुबेसाङ्बा साइरेनि येक्यक्, हेक्क्याङ् रोमलाम् केदाःबा (यहुदिहाऱ नु यहुदि साम्यो केनाःप्पा थिम्मेन्दङ् सुवाङ्हाऱ),

11 क्रेतिहाऱ हेक्क्याङ् अरबिहाऱआङ् आवाऱ ॥ करसाङ् खेङ्हाऱरेग आनिऱ आबाडे पाःन्दाङ्डो निङ्वाऱफुमाङ्डिल्ले चोगुबा निङ्वाऱ केमाबा याःम्बक्हाऱ मेजेक्खुर मेबप्पा आघेप्सुम्लो ॥” 12 खुनिऱ निङ्वाऱ मये हेक्क्याङ् हःन्दा मेलेक्तेआङ् अक्खेलऱरिक् सेःन्मेदोःसिङ्, “कन् फाऱङ्ङ थेमाःन्बे?”

13 कर कुभारे किनाःन्दि मेबिरुसिर चेल्लेक्सेऱ थिःल्ले मयुसिआङ् वाऱ लऱरिक् मेमेत्तुसिरो ॥

पत्रुसरे कुङ्ङघङ्

14 कर पत्रुसेन् वेऱ थिक्-थिक् (११) सेःक्युक्मिबाहाऱनु येम्सिङ्ङाङ् यम्बा इक्लाओ काक्ले मेघेप्सुर मेत्तुसि, “यहुदियालाम् केदाःबा यहुदि तेःङ्जुम्हाऱ नु यरुसलेम्मो

केयुङ्बासे, कन् थे पोःक्खेबा फाऱआङ् मेत्तिङ्लो, आबाःन्निन् खेप्सेम्मैऱओ!

15 कन् मनाहाऱ नु इङ्गाऱ खिनिऱ केङ्ःतुम्बा कुइसिःक् चेल्लेक्सेऱ थिःल्ले मयिगेबा मेःन्लो ॥ तानाम्बा कुमुक् फाङ्सिओसाग (९) आत्तिन्हाऱरेआङ् चेल्लेक्सेऱ थिः मेन्धुङ्न्लो ॥

16 कर कङ्ग माङ्निङ्वाऱपाःन् केबाःप्पा योएलरे अक्खेलऱरिक् पाःतुबा पाःन्निन् केरेबारो-

17 'निङ्वाऱफुमाङ्डिल्ले पाःतुआङ् वाऱ, कन् इक्सादिङ् खाम्बेःक्माल्ले कुनुप्पा येन्हाऱओ इङ्गाऱ आसेसेमाङ्डिन् काक् मेन्छाम्गेन् सुवाङ् सम्दाङ् पाङ्घुङ्डाङ् खिनिऱ येम्बित्छाऱ नु मेन्छुमाऱसाहाऱरे माङ्निङ्वाऱपाःन् मेबाःतुऱ,

खिनिऱ नालिङ्गेन् थाङ्बेन्साहाऱरे सुफो मेनिःसुऱ, हेक्क्याङ् खिनिऱ खदाक्मिहाऱरे तादिगेन् सेप्माङ् मेमाक्तुऱरो ॥

18 खेन् येन्हाऱओ इङ्गाऱ आसेवा केजोःक्पा केजोःक्माहाऱओ आसेसेमाङ्डिन् पाङ्घुङ्

हेक्क्याङ् खेङ्हाऱरे माङ्निङ्वाऱपाःन् मेबाःतुऱरो ॥

19 हेक्क्याङ् इङ्गाऱ थो ताङ्साक्पो निङ्वाऱ केमाबा पाःन्हाऱ चोगुङ्

हेक्क्याङ् यो इक्सादिङ् खाम्बेःक्मोआङ् मिक्सेःन् चोगुङ्- माक्खिऱ, मि हेक्क्याङ् हाःङ्गुहाःङ्गु केलऱबा मिःक्खुऱइन् ओसेःन्धाक्किङ्लो ॥

20 हेक्क्याङ् थो ताङ्साक्पो नाम्मिल्ले नाम्साङ् पिमा लेरुआङ् खादाम्लो

हेक्क्याङ् लाबान् माक्खिऱ हेक्के हेःत्लऱरिक् लेङ्सिङ्लो ॥ कन् काक् पाःन्हाऱ दाङ्बान् नुःङ् युःबा पयम् यम्बा नु निङ्वाऱ केमाबा येन्निन् ताःमानुःल्ले तगि पोःङ्लो ॥

21 हेक्क्याड् हाःतले दाड्बेल्ले कुमिड्डिन् लोःक्खुऱ खेन् ताड्सेःप्लो ॥*

22 इस्राइलिसे, कन् पाःन्निन् खेप्सेम्मेऱओ-नासरतस्मा येसुःड्ग निड्वाऱफुमाड्डिल्ले निड्वाऱ केमाबा याःम्बक्हाऱ हेक्क्याड् मिक्सेःन्हाऱनु खिनिऱ लुम्मो पाड्घुरो ॥ खिनिऱ लुम्मो याःम्बक्हाऱ चोगुबाड्ग, खिनिऱआड् केनिःसुम्मरो ॥

23 निड्वाऱफुमाड्डिल्ले खुनेऱ आबाडे कुनिड्सेःक् नु तगि निड्वाऱओ हेक्के येसुःन् खिनिऱ हुक्को पिरेआड् फेन् सुवाड्हाऱरे खुनिऱ हुक्कोलाम् खुनेऱ सिलाम्साक्मा सिड्सम्दाड् केभोःन्दुम्माड् केसेरुम्लो ॥

24 कर निड्वाऱफुमाड्डिल्ले सिःमेल्ले तुक्खेवालाम् चोःक्युम्भो पिरुआड् कुहिड्वेत् चोगुरो, थेआड्भेल्ले सिःमेल्ले खुनेऱ थेःक्मा मेसुक्तुन्लो ॥

25 दाउद हाड्डिल्ले खुनेऱ कुयाःम्बेओ अक्खेलऱरिक् साप्तुआड् पत्, 'सदादिड् इड्गाऱ आन्दाड्बेड्ग आदगाड् निःसुड्लो ॥

खुनेऱ आजुप्साड् लेप्माड् वाऱबाल्ले चोगुल्ले इड्गाऱ मेगिआन्लो ॥

26 खेल्ले चोगुल्ले इड्गाऱ सःत्ताआड् निड्वाऱफुमाड्डिल्ले कुनारा फोःसुड्लो ॥

नासिड्गेन् आधक्लाओ इड्गाऱ सिःआसाड् याम्मो हिड्डा केलऱबा निड्साड्डो हाड्हाड् वाऱआरो ॥

27 थेआड्भेल्ले निड्वाऱफुमाड्डे,

इड्गाऱ आयाम्साम्मिन् खेमायड्सड्डो पक्केन्धनेन्लो ॥

हेक्क्याड् सेसे केसेवारोबाल्ले कुधक्किन् इप्पुड्डो किःमा यःप्मा केम्बाड्घुन्लो ॥

28 याम्मो हिड्डा फाऱआड् खेनेऱ ओसेःन्गेधाक्ताड्डाड् वाऱरो ॥

हेक्क्याड् खेनेऱ केदगाड्वाऱआल्ले सःप्पाल्ले केधिम्माऱरो ॥'

* 2:21 ०००० ०.२८-३२

29 फुऱनुसाऱसे, आल्ल इङ्गाऱ नऱस्सेआङ् अक्खे पाःप्मा सुक्कुतुङ्गुलो-आनिऱ ताक्थेबा दाउदेङ्ग स्ये हेक्क्याङ् मेलुप्पुआङ् कुङ्गुप्पुङ्गुडिन् आल्लो थारिक्काङ् नेरो ॥

30 हेक्केसाङ् खुनेऱ माङ्निङ्वाऱपाःन् केबाःप्पा चोगेबाल्ले कुमुऱइदाङ्साओ बा खुनेऱ हेक्कतङ्बा हाङ् पोःङ् केलऱबा माङ्हेक् निङ्वाऱफुमाङ्डिल्ले चोगुबान् खुनेऱ कुसिङ् निःतु ॥

31 हेक्क्याङ् दाउदेरे तगिनुसा ताःन्दि थे पोःङ् केलऱबान् निःसुआङ् निङ्वाऱफुमाङ्डिल्ले सेःन्दुबा ख्रिस्तेरे कुसिःमेःन्लाम्याम्मो हिङ्गुमाऱे कुयाःम्बेओ अक्खे पाःत्तुरो, ‘खुनेऱग खेमायङ्गसङ्गो पक्कमधानेन्, हेक्क्याङ् खुनेऱ नासिङ्गेन् कुधक्किन्नाङ् मेगिनेःन्लो ॥’*

32 बा कन् येसुःन् निङ्वाऱफुमाङ्डिल्ले याम्मो कुहिङ्गेत् चोगुबा पाःन्नो आनिगे केरेक् केनिःबा तोःन्दि वयिगेरो ॥

33 हेक्क्याङ् खुनेऱ पानुदिङ् पाः निङ्वाऱफुमाङ्डिल्ले कुजुप्साङ् लेप्माङ् युक्खु ॥ खुनेऱ निङ्वाऱफुपाःलाम् सेसेमाङ्डिल्लेन् माङ्हेक्किन्खोःसुआङ् आनिगेओ थाःसुबान् खिनिऱ आबाडे केनिःसुम् केघेप्सुम्माङ् केवयिऱरो ॥

34-35 दाउद हाङ्गुङ्गु साङ्गाम्पेदाङ् थाःङ् मेबेनेःन्छाङ् खुनेऱग आबाडे अक्खे पाःत्तु,

यहवे दाङ्बाल्ले आन्दाङ्बान् अक्खे मेत्तु, ‘खेनेऱ केनिङ्गुमिहाऱ मेनाःन्दुङ्गुसिङ्गुडिल्ल थारिक् आजुप्साङ् लेप्माङ् युङ्गेओ ॥’

36 हेक्केःल्ले खिनिऱ नु काक्इसाइलस्मा हिम्सयङ्गुहाऱे सिलाम्साक्कमा सिङ्गुसम्माङ् केभोःन्दुम्बा येसुःन् निङ्वाऱफुमाङ्डिल्ले कन् दाङ्बा नु सेःन्दुबा ख्रिस्त चोगुआङ् वाऱ केलऱबान् कुसिङ् निःप्पाए पोःङ् ॥”

* 2:31 0000000000000000 0000 00.१०

37 आल्ल कन् पाःन् केघेम्बाहाऱरे खुनिऱ योःम् पुऱरेआङ् पत्रुस नु वेऱ सेःक्युक्मिबाहाऱ सेःन्मेदोसुसि, “फुऱनुसाऱसे, आल्ल आनिगे थे चोगुम्बेबाबे?”

38 हेक्क्याङ् पत्रुसरे मेत्तुसि, “खिनिऱ केरेक् लायोलाम् हिन्देम्मेऱआङ् दाङ्बाओ नुःक्खेम्मेऱ, हेक्क्याङ् लायोलाम् लेप्पि खोःमा फाऱआङ् येसु ख्रिस्तरे कुमिङ्डो बप्तिस्मा पोःक्खेम्मेऱओ! हेक्क्याङ् सेसेमाङ्डिल्लेन् पऱर्धाःम् केघोःसुम्लो ॥

39 थेआङ्भेल्ले कन् सेसेमाङ्डिल्लेन्माङ्हेक्किङ्ग खिनिऱ लागि नु खिनिऱ मुऱइदाङ्साहाऱरे लागि, हेक्क्याङ् दाङ्बा आनिऱ निङ्वाऱफुमाङ्डिल्ले उःत्तुसिबा माःङ्घा माःङ्घाबा केरेक् मनाहाऱरे लागिरो ॥”

40 हेक्क्याङ् खुनेऱ यरिक् पाःन् पाःत्तुर साम्दिङ् पिरुसिआङ् “कन् फेन् याप्पिहाऱरे मेघोःसुबा खुम्दिङ्गलाम् सेःप्पासिम्मेऱओ” मेत्तुसिर खाहुन् पिरुसिरो ॥

41 हेक्केःल्ले कन् पाःन्जान् नसाःन् केजोःक्पाहाऱ बप्तिस्मा मेबोःक्खेआङ् बा खेन् येन्नो हेन्छिङ् सुम्सि (३०००) यारिक् मनाहाऱ खेङ्हाऱओ मेयोऱसिङ्लो ॥

42 हेक्क्याङ् खेङ्हाऱ सेःक्युक्मिबाहाऱरे खुनिऱ निसाम्मिन् नु सेसे तङ्जुम्मो, हेक्क्याङ् तुवा चोःक्मा नु मिःम् साभाङ्जा चामाओ* चक्मेल्लऱए मेबल्छेरो ॥

नसानिबाहाऱरे खुनिऱ सेसे तङ्जुम्

43 सेःक्युक्मिबाहाऱरे यरिक् मिक्सेःन्हाऱ नु निङ्वाऱ केमाबा याःम्बक्हाऱ मेजोगुबाल्ले केरेक् मनाहाऱरे खुनिऱ निङ्वाऱ मयेरो ॥

* 2:42 00000 00000000 00000-00000 0000000000
0000000000000000 0000000000 000000000000
0000000000000000 000000000, खेङ्ग खरेःङ् चामा नु चेल्लेक्सेऱ थिः
थुङ्मा थिम्लो ॥

44 हेक्क्याड् नसाःन् केजोःक्पाहाः सोसोरिक् मेयुडे मेवये ॥
हेक्केलरिक् खुनिः चिगोःक्वाहाःआड् सोरिक् ओगप् मेजोगुरो ॥

45 हेक्क्याड् कुभारे खुनिः याड्साकुन्धेहाः चिगःक्वाहाः
मेसङ्घुर चायोःम्बोओ केवाःबा मनाहाः याड्डिन् मेहाःतुसिरो ॥

46 खेड्हाः थिक्हुप् मेबोःक्खेआड् थिक्याःन्धक् माड्हिम्मो
मेबेर खुनिः हिम् हिम्मो मिःम् साभाड्जा मेजरो ॥ हेक्क्याड् खेड्हाः
मेसःत्तेर खुनिः निड्वाः त्येआड्

47 निड्वाःफुमाड्डिल्ले कुनारा मेभोःसुआड् केरेक् मनाहाःरे
खेड्हाः नुःरिक् मेमेत्तुसिरो ॥ हेक्क्याड् दाड्बाल्ले थिक्याःन्धक्
सेन्लप् केघोःबा मनाहाः खुनेःओ फोःसुसिर तेःरुसिरो ॥

3

पत्रुसरे लाड्सक्काःन् नुसुः

1 थिक्येन् लेन्दिक् कुमुक् सुम्सिबा तुवा चोःक्मा येम्मो पत्रुस नु
युहुन्नाःन् माड्हिम्मो पेसि ॥

2 खेप्पो, कुघेम्सिड् नुःबा मेप्मनाबा लाम्धेःप्पो, मनाहाःरे
सावाःन्छिड्डाड्धोए कुलाड् केसक्पा मनाःन् माड्हिम्मो तुवा
चोःक्से केबेःक्पाहाः याड् नाःक्तुसिर फाःआड् थिक्याःन्धक्
मेबक्खु मेदारुआड् मेयुक्खुर मेवयेरो ॥

3 खेल्ले पत्रुस नु युहुन्नाःन् माड्हिम्मो पेसिर पत्छेत्छिबा
निःसुसिआड् याड् नाःक्तुसिरो ॥

4 हेक्केःल्ले पत्रुस नु युहुन्नाःन् खुनेःलेप्पाड् नुःरिक्काड्
ओमयेत्छि हेक्क्याड् पत्रुसरे मेत्तु “आन्छिगे याप्मि ओआमेत्तेः ॥”

5 खेल्लेआड् थेःन्नि खोःसुड्डिया फाःआड् ओमेत्तुसि ॥

6 पत्रुसरे मेत्तु, “इड्गाः थेआड् मेगत्तान्लो, कर इड्गाः थेःन्
क्तुड् बाखेन्ने पिने-नासरतस्मा येसु ख्रिस्तेरे कुमिड्डो खेनेः
पोगेःआड् लाड्घेगेः ॥”

7 हेक्क्याङ् पत्रुसरे खेन् लाङ्सक्पेल्ले कुजुप्साङ् हुक्किन् तेम्सुआङ् फोःक्खु॥ हेक्केःल्ले खेन् मनाःल्ले कुलाङ् नु कुलाङ्मिक्को थुम् लाःसेआङ्

8 पिच्चाक् पिन्देर तक्पेत् येम्सिङ् हेक्क्याङ् लाङ्घेःक्मा हेःक्तेरो॥ हेक्क्याङ्ग खेङ्ग लाङ्घेगेर, पिच्चाक् पिन्देर, निङ्वाऱफुमाङ्डिल्ले कुनारा फोःसुर पत्रुस हेक्क्याङ् युहुन्नाःन्नु माङ्हिम्मिगाङ् पेरो॥

9 खेप्पोबा काक् मनाहाऱरे खेन् लाङ्घेगेबा नु निङ्वाऱफुमाङ्डिल्ले कुनारा फोःसुबा मेनिःसुल्ले

10 खेङ्ग माङ्हिम्मिल्ले कुघेम्सिङ् नुःबा मेप्मनाबा लाम्धेःप्पो सदादिङ् चानाःक्नु केयुङ्बा नु लाङ्घेःक्मा मेन्छुक्मनाबा मनाःन्ने फाऱआङ् कुसिङ् मेनिःतुआङ् साऱरिक् खुनिऱ निङ्वाऱ मयेरो॥

पत्रुसरे माङ्हिम्मो सुनाइङ् इङ्भोःसुऱ

11 हेक्केःल्ले खेन् मनाःल्ले पत्रुस नु युहुन्नाःन् तेम्सुसिर माङ्हिम्मोबा सोलोमनरे* कुआःम्भो मेप्मनाबा तेन्नो वये॥ खेप्पो मनाहाऱ मेलोःक्तेर मेदयेआङ् खुनिऱ खिरि मेजुप्सेरो॥

12 हेक्क्याङ् पत्रुसरे खेङ्हाऱ ओमेत्तुसिर मेत्तुसि, “इसाइलिसे, कन् पाःन्नो थेआङ् खिनिऱ निङ्वाऱ मयेबाबे? थेआङ् कन् मनाःन् आन्छिगे मुक्साम् नु साम्योबाल्ले लाङ्गेघेःक्पा चोगुबा फाऱआङ् याप्पि ओगेमेत्तिबाबे?

13 अब्राहाम, इसहाक नु याकुब हेक्क्याङ् आनिऱ वेऱ पाधेबाहाऱरे खुनिऱ निङ्वाऱफुमाङ्डिल्ले कुसेवारोबा येसुःन् मिमिदिङ् चोगुआङ् वाऱरो॥ खुनेऱ केदेम्सुम्माङ् हाङ्गुक्पाहाऱरो सेऱछे हुक्केसुप्तुम्॥ सुहाङ्गेम्बा पिलातसरे खुनेऱ लेप्पा निङ्वाऱ चोगुसाङ् खिनिऱ केनाऱरुम्लो॥

* 3:11 0000000000 00000000-00000000000000000000 0000000000
00000000 0000000000 0000000000 000000

14 खिनिऱ सेसे नु साम्योनिबा मनाःल्ले कुलेक्वा मना केसेप्पेन् लेरेम्आबिरेम्मेऱ फाऱआड् केनाःक्तुम्लो ॥

15 अक्खेलऱरिक् खिनिऱ नेत्तिगेन् हिड्मन्ले कुबुन्निन् सेप्पा केबाड्घुम्मिसम्, कर निड्वाऱफुमाड्डिल्ले खुनेऱग् कुसिवेत्लाम् कुहिड्वेत् चोगुरो ॥ खेन् पाःन्निल्लेन् तोःन्दि आनिगे वयिगेरो ॥

16 हेक्क्याड् येसुओबा नसाःन्निल्ले चोगुल्ले कन् कुसिड् केनिःत्तुम्बा मनाःन् केधुम्बा पोःक्खेबा केनिःसुम्माड् केवयिऱरो ॥ खेन् येसुओबा नसाःन्निल्ले कन् मनाःन् बा खिनिऱ तगिए वेःत्तेआड् वाऱरो ॥

17 आल्ल फुऱनुसाऱसे, खिनिऱ सुहाड्युकपाहाऱरे येसुःन् ताप्फेःल्लिक् मेमेत्तुबा हेक्के खिनिऱग् थेआड् मेन्निए मेल्लेए कन् केजोगुम्बरो फाऱआड् इड्गाऱ निड्वाऱ क्तुड्लो ॥

18 कर निड्वाऱफुमाड्डिल्ले सेःन्दुबा ख्रिस्तेल्लेग तुक्खे चामाआड् सिःमाए पोःड् फाऱआड् निड्वाऱफुमाड्डिल्ले माड्निड्वाऱपाःन् केबाःप्पाहाऱलाम् पाःत्तुबान् केरेबारो ॥

19 खेल्ले चोगुल्ले आल्लो खिनिऱ लायोलाम् हिन्डेम्मेऱआड् दाड्बाओ नुःक्खेम्मेऱओ ॥ हेक्केलऱरिक् खिनिऱ लायो लासोःत्हाऱ माबेःक्विन्, हेक्क्याड् निड्वाऱफु दाड्बालाम् याम्साम्मो केधुम्बा पोःड्मा येम् तानिरो ॥

20 हेक्केलऱरिक् खुनेऱ तगिसा सेःन्दुबा ख्रिस्तेन्खिनिऱओ याम्मो केबाड्घि केबिरिऱरो ॥

21 हेक्क्याड् निड्वाऱफुमाड्डिल्ले तगिनुसाए कुसेसे माड्निड्वाऱपाःन् केबाःप्पाहाऱरे मेबाःत्तुबा कुडिसिःक् केरेक् पाःन्हाऱ याम्मो कुसड् मेन्जोःक्के थारिक् येसु ख्रिस्तेन्साड्ग्राम्पेदाड्डो वाऱमा पोःड् फाऱआड् पाःत्तुआड् वाऱ ॥

22 मोसारेआड् माड्धुक्नाःल्ले कुर्याःम्बेओ अक्खे पाःत्तुआड् वाऱ,

‘निड्वारफुमाड्डिल्ले इङ्गाऱ हेक्तड्बा माड्निड्वारपाःन्
केबाःप्पेन्खिनिऱ फुऱनुसारलाम् फोःक्खुरो ॥

कुबाःन्निन् खिनिऱ केघेप्सुम्ल पोःड्लो ॥

23 खेन् माड्निड्वारपाःन् केबाःप्पेल्ले कुबाःन्निन्
मेड्घेम्मनाबाहार

निड्वारफुमाड्डिल्ले कुमनाहारलाम् मेसेन्नाड् मेमेक्लो ॥’

24 हेक्क्याड् सामुएल्लाड्धो याड्सिबा काक् माड्निड्वारपाःन्
केबाःप्पाहाररे हाबा कन् येन्हाररे कुयाःम्बेओ माड्निड्वारपाःन्
मेबाःत्तुआड् मेवारो ॥

25 हेक्क्याड् निड्वारफुमाड्डिल्ले खिनिऱ पाधेबाहारनु
चोगुबा माड्हुप्पिन् खिनिऱआड् केघोःसुम्माड् केवयिरो ॥ खुनेऱ
अब्राहाम्मिन्अक्खे मेत्तु, ‘खेनेऱ केमुऱइदाड्सालाम्मे इक्सादिड्
खाम्बेःक्मोबा काक् सुवाड्गेन्सयड्हाररे मुऱइसाम् मेघोःसुरो ॥’

26 हेक्केलरिक् निड्वारफुमाड्डिल्ले खिनिऱ फेन्
याःम्बक्कोलाम् नुःक्मासिआड् मुऱइसाम् पिमासि फाऱआड्
खुनेऱ आबाडे कुसेवारोबान् काक्नु तगि खिनिऱ इसाइलिहारो
पाड्घुआड् वारो ॥”

4

पत्रुस नु युहुन्नाःन् यहुदि येजुम्भो तगि

1 पत्रुस नु युहुन्नारे मनाहार इड्भोःसेत्छुर यागेत्छिल्ले
निड्वारफुसाम्बाहार, माड्हिम् केगोःबा थक्सुबाहाररे खुनिऱ
थक्तुम्बा नु कुभा सदुकिहार* खेप्पो मेद्वेरो ॥

2 खेड्हाररे येसुःन् कुसिःमेन्लाम् याम्मो हिडेबा हेक्केए वेऱ
मेन्छाम् याप्पिरेन् सिःमेन्लाम् याम्मो हिड्मन् वार फाऱआड् पाःन्

* 4:1 □□□□□□□□-□□□□□□□□ □□□□ □□□□ □□□□□□□□ □□□□□□
□□□□□□ □□□□□□□□□□□□ □□□□□□ □□□□□□□□□□□□□□□□□□□□□□
□□□□□□ □□□□□□□□□□□□ □□□□□□ □□□□□□□□□□

इङ्भोःसेत्छुबा मेघेप्सुबाल्ले खेङ्हाऱरे खुनिऱ साऱरिक् सिक्चिगे लऱरे,

3 खेङ्हाऱरे पत्रुस नु युहुन्नाःन् मेदेम्सुसि हेक्क्याङ् खादामे पेबाल्ले* चोगुल्ले नाम्दाःत्ताःत् पुङ्लाहिम्मो मेसाक्तुसि ॥

4 कर खेन् पाःन्जाक् केघेम्बाहाऱओ यरिक् मनाहाऱरे नसाःन् मेजोगु ॥ नसाःन् केजोःक्पा मनाहाऱ मेबोःरेआङ् येम्बित्छाहाऱरक्हेन्छिङ् डासि (५०००) यारिक् मेगेरेरो ॥

5 हेक्क्याङ् कुदाःन्दिक्मा सुहाङ्क्युक्पाहाऱ, यहुदि तुम्लाम्लोःबाहाऱ नु साम्योथिम्साम्बाहाऱ यरुसलेम्मो चुम्लुङ् मेजोगे ॥

6 खेप्पोआङ् मानिङ्वाऱफुसाम्बा हन्नास, हेक्क्याङ् कैयाफास, युहुन्ना, अलेक्जेन्दर हेक्क्याङ् मानिङ्वाऱफुसाम्बाल्ले कुहिम्सयङ्डो केवाऱबा वेऱ मनाहाऱआङ् मेजुप्सेआङ् मेवयेरो ॥

7 हेक्क्याङ् खेङ्हाऱरे युहुन्ना नु पत्रुसेन् खुनिऱ तगि मेदारुसिआङ् अक्खे मेमेत्तुसिऱ सेःन्मेदोसुसि, “आत्तिन् मुक्साम्लाम् इग्र हाःत्ले कुयुक्को अक्खेलऱरिक् निङ्वाऱ केमाबा याःम्बक् केजोगेत्छुबाबे?”

8 हेक्क्याङ् सेसेमाङ्डिल्ले कुमुक्साम्मिल्ले थुक्तुआङ् पत्रुसरे खेङ्हाऱ मेत्तुसि, “मनाहाऱरे खुनिऱ सुहाङ्क्युक्पाहाऱ नु तुम्लाम्लोःबासे,

9 आइन् आन्छिगे कन् लाङ्सक्पा मनाःन् लुङ्माऱ तुक्तेछुगेआङ् वेःत्तेबा नुःबा याःम्बक्किल्ले लागि खिनिऱ तगाङ् सेःन्दोःसे याप्मि केदारिबाने फाऱग्र,

10 आल्ल खिनिऱ नु वेऱ इस्राइलबा काक् मनाहाऱरे कन् कुसिङ् निःत्तेम्मेऱओ, नासरतस्मा येसु ख्रिस्तेरे कुमुक्साम्लाम् कन् मनाःन् खिनिऱ तगि वेःत्तेआङ् येप्लो ॥ येसुःङ्ग खिनिऱ

* 4:3 □□□□ □□□□□□□□□□ □□□□□□ □□□□□□ □□□□□□ □□□□□□ □□□□□□ □□□□□□

सिलाम्साक्मा सिङ्सम्दाङ् फोःम्मा सेप्मा केबाङ्घुम्मिसम्, कर
निङ्वाऱफुमाङ्ङिल्ले खुनेऱग कुसिवेत्लाम् कुहिङ्वेत् चोगुआङ्
फोःक्खुरो ॥

11 खुनेऱ कुमेन्नो साम्योसाप्लाःल्ले अक्खेलऱरिक्पाःतुआङ्
वाऱ,
'खिनिऱ लुङ् केगाम्बाहाऱरे केनाऱरुम्बा लुङ्ङिन् खुनेऱएरो,
कर आल्लो मालुङ् पोःक्खेरो ॥'*

12 येसुलाम्लक् सेन्लप् वाऱ, थेआङ्भेल्ले आनिऱ मेन्छाम्गेन्
याप्मिहाऱ सेन्लप् याप्मि केबिबा इक्सादिङ् खाम्बेःक्मो वेऱ
हाःत्ताङ् होःप्लो ॥”

13 आल्ल यहुदि येजुम्भोबा पासिङ्पादाङ्लाहाऱरे पत्रुस नु
युहुन्नाःन् साप्ला मेन्निःप्पना मेन्जोबा वयेत्छिसाङ्खुन्छिऱ
आःन्छिङ्मान् मेनिःसुआङ् खुनिऱ निङ्वाऱ मयेरो ॥ हेक्क्याङ्
खेङ्हाऱरे कन् मनाहाऱ येसुःन्नु वयेत्छिबा निङ्वाऱ मेघोःसु ॥

14 कर खेन् केवेःप्पा मनाःन्नाङ् खेङ्हाऱनुए येबेबा
मेनिःसुबाल्ले चोगुल्ले खेङ्हाऱरे खुनिऱ तक्लेङ्वाओ थेआङ्
पाःप्मा मेन्छुक्तुन्लो ॥

15 हेक्केःल्ले खेङ्हाऱरे पत्रुस नु युहुन्नाःन् येजुम्भोलाम्
लाःक्कात् मेलःत्तुसि हेक्क्याङ् अक्खेलऱरिक् पाःन् मेधक्तेरो,

16 “आल्ल कन् मनाहाऱ थे मेप्मासिबे? कङ्हाऱरेग निङ्वाऱ
केमाबा याःम्बक्हाऱ मेजोगुबान् यरुसलेम केयुङ्बा काक् मनाहाऱरे
मेनिःसुआङ् मेवाऱ ॥ खेल्ले चोगुल्ले आनिऱआङ् कन् मेःन्
फाऱआङ् पाःप्मा सुक्मेदेत्तेन्लो ॥

17 कर कन् पाःन्निन् मनाहाऱओ मेसेनेन्ल फाऱआङ् खेङ्हाऱ
आल्लआङ्धो येसुरे कुयाःम्बेओ हुऱमा लेरेछेऱ फाऱआङ् साम्दिङ्
पिमासि पोःङ्लो ॥”

* 4:11 0000000000000000 0000000.२२

18 हेक्केःल्ले खेङ्हाऱरे याम्मो मेऱःतुसिआङ् येसुरे कुयाःम्बेओ पाःप्मा इग्र हुऱमा लेरेसेऱ फाऱआङ् इङ्जाःङ् मेबिरुसिरो ॥

19 कर पत्रुस नु युहुन्नारे नोगप् पिरुसि, “आल्ल निङ्वाऱफुमाङ्डिल्ले कुनिःमाओ खिनिऱ केबाःतुम्बान् खेम्मा नुःबाबि, निङ्वाऱफुमाङ्डिल्ले पाःतुबान् खेम्मा नुःबाबि? खिनिऱए निङ्वाऱ इःतेम्मेऱओ!

20 कर आन्छिगे येसुरे चोगुबा पाःन् निःसुसिगे हेक्क्याङ् खेप्सुसिगेबा पाःन्हाऱ मेम्बाःते वाऱमा मेसुकसुगेन्लो ॥”

21 आल्ल काक् मनाहाऱरे खेप्पो पोःक्खेबा हिन्दोःक्किन् मेनिःसुआङ् निङ्वाऱफुमाङ्डिन् नोगेन् मेबिरु कुनारा मेभोःसुबाल्ले चोगुल्ले कन् मनाहाऱ आक्खेलऱरिक् खुम्दिङ् पिमासि फाऱआङ्आप्तिक्कुःप्मा लाम् खोःमा मेन्छुक्तुन्लो ॥ खेल्ले चोगुल्ले खेङ्हाऱरे सेःक्युमिबाहाऱ याम्मो यङ्मा मेसेरुसिआङ् मेबाङ्घु मेदेःसुसि ॥

22 अक्खेलऱरिक् निङ्वाऱ केमाबा याःम्बक्लाम् केवेःप्पा मनाःन् तङ्बे लिबोःङ्(४०) केगेप्पा वये ॥ खेङ्ग सावाःन्छिङ्डाङ्धोए लाङ्मेङ्घेःक्मनाबा वयेरो ॥

नसानिबाहाऱरे आःन्छिङ्मा खोःमा फाऱआङ् तुवा मेजोगुऱ

23 हेक्केलऱरिक् मेलेरुसिआङ् पत्रुस नु युहुन्नाःन्वेऱस्मा नसानिबाहाऱ तुम्से पेसि हेक्क्याङ् तुम्निङ्वाऱफुसाम्बाहाऱ नु यहुदि तुम्लाम्लोःबाहाऱरे मेमेतुसिबा पाःन्हाऱ चेक्खेत्छुरो ॥

24 हेक्क्याङ् खेङ्हाऱरे कन् पाःन्निन् मेघेप्सुआङ् थिक्हुप् नु थिक्मुरा मेबोःक्खेआङ् अक्खेलऱरिक् तुवा मेजोगे, “आनिगे मुक्साम्दाङ्बाए, खेनेऱग ताङ्साक्पेन्, इक्सादिङ् खाम्बेःक्मान्, वाहङ्हाऱ हेक्क्याङ् खेप्पो केवाऱबा केरेक् पाःन्हाऱ केजोगुसिबारो ॥

25 उन्छेःन् खेनेऱग आनिगे ताक्थेबा दाउदरे कुमुराओलाम् खेनेऱ
केसेवारोबाल्ले कुमेन्नो सेसेमाङ्गलाम् अक्खे केबाःत्तुरो-

‘थेआङ् थिम्मन्दङ् सुवाङ्हाऱरे खुनिऱ सिक्किन् आदक्लेङ्वाओ
पोःक्पे?

हेक्क्याङ् थेआङ् मेन्छाम्गेन् याप्पिहाऱरे हनेबा निङ्सेःक् मेजोगुबे?

26 हेक्क्याङ् इक्सादिङ् खाम्बेःक्मोबा हाङ्हाऱ नु सुहाङ्ग्युक्पाहाऱ
थिक्हुप् मेबोःङ्ङाङ्

दाङ्बा नु निङ्वाऱफुमाङ्ङिल्ले सेःन्दुबा ख्रिस्तेल्ले कुदक्लेङ्वाओ
मेजुम्मो ॥’

27 सेक्खाए बा खेन् पाःन्निन् कन् येक्क्यक्को केरेआङ् वाऱ,
थेआङ्भेल्ले हेरोद* हाङ्ङिन्, सुहाङ्गेम्बा पन्तियस पिलातस,
थिम्मन्दङ् सुवाङ्हाऱ नु इस्साइलिहाऱरे खेनेऱ केनिङ्सेःक्को
केसेगुबा सेसे केसेवारोबा येसुरे कुदक्लेङ्वाओ कन् येक्क्यक्को
मेजुप्सेआङ् मेवाऱरो ॥

28 खेनेऱ केनिङ्सेःक् पोःङ्नि फाऱआङ् तगिसा केमुक्साम् नु
केनिङ्वाऱरे केङ्ःत्तुबा पाःन्निन् मेजोगुरो ॥

29 दाङ्बे, आल्ल खेङ्हाऱरे यङ्मा मेसेरिगेबान्निङ्वाऱ
ङ्ःत्तेऱओ, हेक्क्याङ् केसेवारोबाहाऱ पेलिगेन् केबाःन्जाक्किन्
हाङ्हाङ्ङाङ् पाःप्मा याप्पि केधुम्बा आजोगेऱओ ॥

30 हेक्क्याङ् सेसे केसेवारोबा येसुरे कुमुक्साम्म्लाम् मनाहाऱ
मेवेःत्ति, हेक्क्याङ् यरिक् मिक्सेःन् नु निङ्वाऱ केमाबा
याःम्बक्हाऱ पोःङ्नि फाऱआङ् केहुक्किन् सन्छेऱओ ॥”

31 खेङ्हाऱरे तुवा मेजोगु मेसुरुल्ले मेजुप्सेआङ् मेवयेबा तेन्निन्
लुप्पि थाङ्गेबा हेक्के साऱरिक् यक्खे ॥ हेक्क्याङ् खेङ्हाऱ

* 4:27 000000-000 000000 00000 000000000000000000 0000
0000000000 000000 000000000000 00000000 0000000 0000000000
000000

काक् सेसेमाङ्ङिल्ले कुमुकसाम्मिल्ले थुक्तुसिआङ्ङ निङ्वाःफु
पाःन्जाक्किन् मेङ्गिए मेबारो ॥

नसानिबाहाः तुक्खे-लाक्खेओ ओमेमेत्छिङ्ङ

32 आल्ल नसान् केजोःक्पाहाः थिक् निङ्वाः थिक् मुरा
मेबोःक्खेआङ्ङ खुनिः मेगत्तुबाःन्डङ्गाःइन् मेल्लए केरेक्ले थिक्
निङ्वाः थिक् हुप्पो मेयाडुरो ॥

33 हेक्क्याङ्ङ सेःक्युक्मिबाहाःरे पयम् मुकसाम्नु येसुःन्
सिःमेन्लाम् याम्मो हिडेबा पाःन्हाःरेन् तोःन्दि मेबिरुआङ्ङ खेङ्हाः
निङ्वाःफुमाङ्ङिल्ले हाङ्वागेन् मुःइसाम् थाःसु पिरुसिरो ॥

34-35 खुनिः लुम्मो चायोःम्बोओ केवाःबा मनाहाः मेहोःप्ते,
थेआङ्ङभेल्ले कुभारे मेगत्तुबा याङ्साकुन्धे, हिम्धाःङ्ङ, लाजेः
सिङ्बुङ्हाः मेसङ्घुआङ्ङखेन् याङ्ङिन् सेःक्युक्मिबाहाःरो मेदारु,
हेक्क्याङ्ङ मनाहाःरे खुनिः चायोःम्बो कुइसिःक् मेहाःत्तुसिरो ॥

36-37 हेक्के केजोःक्पाओ युसुफ मिङ् केवाःप्पा लेबि
थाःक्कोबा सैप्रस वागप्खाम्मो सागेवाःन्छिङ्ङ्बाधिक् वये ॥
खुनेः कत्तुबा प्याङ्ङिसिःन् सङ्घुआङ्ङ याङ्हाः सेःक्युक्मिबाहाःरो
तारुरो ॥ सेःक्युक्मिबाहाःरे खुनेः बरनाबास मिङ्मलोःक्खु (खेन्
फाःइन् हाङ्हाङ्ङ केजोःक्पा साः पोःङ्लो) ॥

5

हननिया नु सफिरा

1 कर खेप्पो हननिया मेप्मनाबा येम्बित्छाःइल्ले कुमेःत्
सफिराःन्नु खुन्छिः लक्कोबा कुभा लाजेःधिक् सङ्घेत्छुआङ्ङ

2 कुभा याङ्ङिन् कुमेःत्तिल्ले निःसुर चिक्खुलारु हेक्क्याङ्ङ कुभा
याङ्ङिन् सेःक्युक्मिबाहाःरो तारुरो ॥

3 कर पत्रुसरे सेःन्दोसु, “हननियाए, खेनेः अक्खेलःरिक्
सेसेमाङ्ङिन् इङ्लेक्मा फाःआङ्ङ केनिङ्वाःइन्थेआङ्ङने

माफेन्साम्मिन् थिम्मा केबाङ्घुबाबे? थेआङ् खेनेऱ कुभा याङ्ङिन् केलारुआङ् काक् याङ् केबिबा केलाम्मिङ्बाबे?

4 कङ्ग मेन्छङ्डे वयेसाङ् खेनेऱङ्नेसे वयेबा! आल्लो केसङ्घुआङ्साङ् बा केहुक्कोएसा याङ्ङिन् वाऱबा! अक्खेलऱरिक् थेआङ् खेनेऱ केनिङ्वाऱओ ताप्फेःम्बा केङःत्तुबाबे? खेनेऱग मेन्छाम्गेन् याप्मिःन्लक् मेःन्, कर निङ्वाऱफुमाङ्ङिन्नाङ् इङ्गेलेक्त्तुआङ्वाऱरो ॥”

5 हेक्क्याङ् हननियारे कन् पाःन्निन् खेप्सुनुमेःन्ने हर्गुप्सा चोःन्देआङ् कुसक्मा पेरो ॥ हेक्क्याङ् खेप्पो खेन् केघेम्बा काक् मनाहाऱ साऱरिक् मेगिसेरो ॥

6 हेक्क्याङ् खेप्पो कुभा थाङ्बेन्हाऱरे चे तेःत्तिल्ले मेगित्तु हेक्क्याङ् लाःक्कात् मेदेऱरुआङ् मेःलुप्पुरो ॥

7 हेक्क्याङ् कुमुक् सुम्मि एगाङ् हननियारे कुमेःत्तिन् कुयेम्बाऱङ्ङिन् थेमा पोःक्खे केलऱबा थेआङ् निङ्वाऱ मेङ्घोए खेप्पो त्येरो ॥

8 पत्रुसरे खेन् सेःन्दोसु, “हननियारे कुलाजेन् सङ्घुआङ् खोःसुबा कुमेःल्लुङ् याङ् बा कम्म्याक्लक्किप?”

हेक्केःल्ले खेःल्लेआङ् नोगप् पिरु, “ओरो! कुमेःल्लुङ् याङ्ग बा खेम्म्याक्लक्कलो ॥”

9 हेक्केःल्ले पत्रुसरे खेन् मेत्तु, “आक्खेलऱरिक् दाङ्बाल्ले कुसेसेमाङ्ङिन् साऱमा फाऱआङ् खिन्छिऱ निङ्वाऱङ्ङिन्केदङ्घेत्तुबे? खेप्सेऱओ, खेनेऱ केगाप्पोबेन् केःलुप्पाहाऱ खा लाम्धेःप्पो मेगेत्तरक् मेबत्तलो ॥ खेङ्हाऱरे केधक्किन्नाङ् मेबक्खुआङ् मेदेऱरुओ ॥”

10 खिमो पत्रुसरे कुलाङ्जक्पो खेन् हर्गुप्सा चोःन्देआङ् कुसक्मा पेरो ॥ हेक्क्याङ् खेन् थाङ्बेन्हाऱ सिगाङ् मेलाःसेल्ले खेन् स्येबा मेनिःसु, हेक्क्याङ् मेबक्खु मेदेऱरुआङ् कुयेम्बाऱङ्ङिल्ले कुबेसाङ् मेःलुप्पुरो ॥

11 हेक्क्याड् खेन् पाःन् केघेम्बा मनाहाऱ नु सेसेहुप्लक्कोबा मनाहाऱ साऱरिक् मेगिसेरो ॥

सेःक्युक्मिबाहाऱरे निड्वाऱ केमाबा याःम्बक् मेजोगुऱ

12 हेक्क्याड् सेःक्युक्मिबाहाऱरे यरिक् मिक्सेःन् नु निड्वाऱ केमाबा याःम्बक्हाऱ मनालुम्मो मेजोगुरो ॥ हेक्क्याड् केरेक् नसाःन् केजोःक्पाहाऱ एत्लेड् सोलोमनेरे कुआःम्भोओ सोसोरिक् मेवयेरो ॥

13 नसाःन् मेन्जोःक्मनाबाहाऱरे खुनिऱनु तड्सिड्मा फाऱआड् आःन्छिड्मा मेन्छुक्तुन्, कर खेड्हाऱरे साऱरिक् मिड्सो इड्धाःड् मेबिरुसिरो ॥

14 हेक्केसाड् दाड्बान् नसाःन् केजोःक्पा मेन्छुमाऱ नु येम्बिच्छाऱहाऱ आल्लसाड् यरिक् मेयोऱसिड्ल मेबेरो ॥

15 हेक्केःल्ले सेःक्युक्मिबाहाऱरेन् निड्वाऱ केमाबा याःम्बक्किल्ले चोगुल्ले पत्रुसेन् खेप्पोलाम् पेःक्किल्ले कुसाम्प्रिःप्पेन् केदुक्पा सम्दाड् चुक्काड् मेवेःत्ल फाऱआड् मनाहाऱरे केदुक्पा केयऱबाहाऱ लाम्लाम्मो खुनिऱ नेत्नाओ मेनेस्सुसिरो ॥

16 यरुसलेम खिरिबा पाड्जुम्लाम्माड् खेप्पो मनाहाऱ मेजुप्से ॥ खेड्हाऱरे केदुक्पा केयऱबाहाऱ नु फेन्साम्हाऱरे तुक्खे मेजाःतुसिबाहाऱ खेप्पो मेदारुसि, हेक्क्याड् काक् मेवेःतेरो ॥

सेःक्युक्मिबाहाऱ तुक्खे मेजाःतुसिऱ

17 हेक्क्याड् मानिड्वाऱफुसाम्बा नु सदुकि लक्कोबा खुनेऱ कुन्जुम्हाऱरे सेःक्युक्मिबाहाऱ साऱरिक् नामेहेतुसि ॥

18 हेक्केःल्ले खेड्हाऱरे सेःक्युक्मिबाहाऱ मेदेम्सुसिआड् पुड्लाहिम्मो मेसाक्तुसि ॥

19 कर सेन्दिक् दाड्बाल्ले पाड्घुबा माड्लाड्बेन् त्येआड्
 लाम्धेःप्पेन्हन्दुबिरुसि, हेक्क्याड् लाःक्कात् लःत्तुसिआड्
 मेत्तुसि,

20 “माड्हिम्मो पेगेम्मेऱआड् कन् कुसड् हिड्मन्ले
 कुयाःम्बेओबा काक् पाःन्निन् मनाहाऱ इड्भन् चोगेम्सिम्मेऱओ ॥”

21 हेक्क्याड् कुदाःन्दिक् तानाम्सा माड्हिम्मो मेलाःसेआड्
 मनाहाऱ हुऱमा मेहेःक्तुसिरो ॥

बा खेन् येम्मो मानिड्वाऱफुसाम्बा नु कुन्जुम्हाऱरे यहुदि
 येजुम्भो नु काक् इसाइलस्मा तुम्भाक्साहाऱरेन् चुम्लुड्
 मेजोगुआड् सेःक्युक्मिबाहाऱ पुड्लाहिम्मोलाम् तारेसेऱ फाऱआड्
 पुड्लाड्बान् इड्घड् मेहाक्तुरो ॥

22 कर थक्सुबाहाऱ पुड्लाहिम्मो मेगेरेल्ले सेःक्युक्मिबाहाऱ
 खेप्पो मेहोःप्ते, हेक्क्याड् खेड्हाऱ मेनुःक्खे मेबेआड् अक्खे
 मेमेत्तुसि,

23 “आनिगे पुड्लाहिम्मो केरिगेल्ले लाम्धेःप्पेन्नुःरिक्काड्
 एत्थिड्डाड् पत्छे, हेक्क्याड् थक्सुबाहाऱआड्
 लाम्धेःप्पेन्मेगोःसुर मेयेबेरो, कर आनिगे लाम्धेःप्पेन्हम्नाःल्ले
 खेप्पो हाःत्ताड् मेयागेन्लो ॥”

24 माड्हिम् केगोःबा थक्तुम्बान् नु तुम्निड्वाऱफुसाम्बाहाऱरे
 कन् पाःन्निन् मेघेप्सुआड् आल्ल थे पोःड्बाबे फाऱआड् खेड्हाऱरे
 खुनिऱ हःन्दा लेक्तेरो ॥

25 हेक्क्याड् खेप्पो कुभा मनाधिक् फेरेआड् अक्खे मेत्तुसि,
 “खिनिऱ पुड्लाहिम्मो केसाक्तुम्सिम्बा मनाहाऱरेग ना माड्हिम्मोने
 येसुरे कुयाःम्बेओ मनाहाऱ मेहुऱरुसिर मेयाक्लो ॥”

26 खेन् थक्तुम्बाल्ले थक्सुबाहाऱ तेऱरुसिआड्
 सेःक्युक्मिबाहाऱ थेआड् मेम्मेत्थिड्डे येजुम्भोओ तारुसि,
 थेआड्भेल्ले खेड्हाऱ मनाहाऱरे लुड्डिल्ले आम्लेप् आम्लेत्

फाऱआङ् मेगिसेरो ॥

27 खेङ्हाऱरे सेःक्युक्मिबाहाऱ येजुम्भो तगि मेयेप्सुसिआङ्
मानिङ्वाऱफुसाम्बाल्ले खेङ्हाऱ मेतुसि,

28 “आनिगेग येसुरे कयाःम्बेओ मनाहाऱ थेआङ्
मेहुऱरेम्सिम्मेन्नेऱ फाऱआङ् इङ्जाःङ् पिआसिगेआङ् वये,
कर खिनिऱग यरुसलेम्मो खिनिऱ निसाम्मिल्ले केधिमसुम्माङ्
कन् मनाःल्ले कुसिःमेल्ले आप्तिक्किन् याम्पि कुःप्मा
केगोःत्तिआङ्केवयिऱरो!”

29 कर पत्रुस नु वेऱ सेःक्युक्मिबाहाऱरे नोगप् मेबिरु, “आनिगेग
खिनिऱ मनाहाऱरे पाःन्निन् खेम्मानुःल्ले निङ्वाऱफुमाङ्डिल्ले
कुइङ्जाःङ्डिन्ने खेम्मा पोःङ्लो ॥

30 खिनिऱ सिलाम्साक्मा सिङ्सम्दाङ् फोःम्मा सेप्मा
केबाङ्घुम्सिम्बा येसुःन् आनिऱ पाधेबाहाऱरे खुनिऱ
निङ्वाऱफुमाङ्डिल्ले याम्मो कुहिङ्वेत् चोगुरो ॥

31 निङ्वाऱफुमाङ्डिल्ले खुनेऱग लाम्लोःबा नु सेन्लपदाङ्बा
पोःङ्से कुजुप्साङ् लेप्माङ् युक्खुरो ॥ हेक्केलऱरिक् इस्राइलस्मा
मनाहाऱरे खुनिऱ लायोलाम् हिम्मा नु लायोलाम् लेप्मि खोःमा सुयेम्
मेघोःसुआङ् मेवाऱरो ॥

32 हेक्कयाङ् कन् पाःन्निल्लेन् तोःन्दिःङ्ग आनिगे
वयिगेरो, हेक्कयाङ् निङ्वाऱफुमाङ्डिल्ले कुइङ्जाःङ् तेन्दिङ्
केजोःकपाहाऱ पिरुसिबा सेसेमाङ्डिन्नाङ्तोःन्दि वाऱरो ॥”

33 हेक्कयाङ् कन् पाःन्निन् मेघेप्सुआङ् येजुम्भोओ केवाऱबा
मनाहाऱरे साऱरिक् खुनिऱ साक्केन् पोगेआङ् सेःक्युक्मिबाहाऱ
सेप्मासि फाऱआङ् निङ्वाऱ मेजोगुरो ॥

34 कर खेप्पो साम्योथिम्साम्बा नु काक् मनाहाऱरे मिङ्सो
इङ्धाःङ् मेबिरुबा गमालियल मेप्मनाबा फारिसिःन् येम्सिङ्डाङ्
खेन् सेःक्युक्मिबाहाऱ सप्फाधिक् लाःक्कात् पाङ्घुसि ॥

35 हेक्क्याड् खुनेऱ वेऱ यहुदि येजुम्भोबाहाऱ अक्खेलऱरिक् मेत्तुसि, “इस्नाइलस्मा मनासे, कन् मनाहाऱ थेमा मेप्मासि खिनिऱ निड्वाऱ केडःतुम्माड् केवयिऱबे? सिड्सिड् लऱरेम्मेऱओ!

36 कुभा तड्बे तगि थियादस मेप्मनाबेन् त्येआड् वये॥ खुनेऱग रोमि हाड्जुम्मिल्ले कुदक्लेड्वाओ हाड्बिप्युड् चोःक्मा फाऱआड् इड्गाऱएःक् लऱरेआड् वयेरो॥ हेक्क्याड् कुभा कुगिप् लिसि (४००) मनाहाऱरेआड् खुनेऱ मेदिम्दु, कर कुभा मनाहाऱरे खुनेऱ मेसेरुआड् खुनेऱ केदिम्बा मनाहाऱ काक् मेसेःरेआड् मेनुबे मेबेरो॥

37 याड्सि पयम् याम्नाःत्तिःत्तो गालिलस्मा यहुदा मेप्मनाबेन् त्येआड् कुभा मनाहाऱनु तड्सिड्डाड् हाड्बिप्युड् चोगुरो, कर खुनेऱआड् मेसेरु हेक्क्याड् खुनेऱ केदिम्बाहाऱआड् मेसेःरे मेबेरो॥

38 कन् मनाहाऱ मेसुसेम्सिम्मिन्नेऱ लेरेम्देःसेम्सिम्मेऱ फाऱआड् इड्गाऱ सुजा पिनिड्लो॥ थेआड्भेल्ले कड्हाऱरे मेहुऱरुसिबा मेजोगुसिबा पाःन्निन् मनालाम्ने फाऱग्र कन् मनाहाऱ मेनुप् मेबेःक्लो॥

39 कर निड्वाऱफुमाड्लाम्ने फाऱग्र खिनिऱ कन् मनाहाऱ अप्मा केन्छुक्तुम्सिम्मिन्लो, कर याड्ना खिनिऱने निड्वाऱफुमाड्डिल्ले कुदक्लेड्वाओ केबोगिबा कुड्सिःक् पोःड्लो॥”

40 खुनेऱ कुबाःन्निन् येजुम्भोबा मनाहाऱ खेम्मा मेदेन्देरो॥ हेक्क्याड् खेड्हाऱरे सेःक्युक्मिबाहाऱ मेऱःत्तुसिआड् तेःम्भुक् मेयाक्तुसिर आल्ल कन् येसुरे कुयाःम्बेओ पाःप्मा हुऱमा केड्घोःसुम्मिन्लो फाऱआड् इड्जाःड् मेबिरुसिआड् मेलेरुसिरो॥

41 हेक्क्याड् सेःक्युक्मिबाहाऱ येजुम्भोलाम् मेलःन्दे मेबेआड् आनिगेग येसुरे कुमना पोःक्खिगेबाल्ले चोगुल्ले तुक्खे चामा लाऱरिगे फाऱआड् साऱरिक् मेसःत्तेरो॥

42 हेक्क्याड् थिक्याःन्धक् खेड्हाऱ माड्हिम्मो नु हिम्हिम्

मेबेआङ् येसुःन्ने निङ्वाऱफुमाङ्ङिल्ले सेःन्दुबा ख्रिस्तरो
 फाऱआङ् कन् सुनाइङ्ङिन् चकमेल्लऱए मेहुऱरुसिर इङ्भन्
 मेजोगुरो ॥

6

सेःक्युक्मिबाहाऱ कुभाऱ केबिबा नुसि मनाहाऱ मेसेगे

1 आल्ल खेन् येम्मो हुऱसाम्बाहाऱ चकमेल्लऱए मेबोःरेऱ
 मेबेःल्ले ग्गिक केबाःप्पा यहुदिहाऱ नु हिब्रु केबाःप्पा यहुदिहाऱओ
 खेमाऱ पोगेरो ॥ ग्गिक केबाःप्पा यहुदिहाऱरे आनिगे मेमेदुमाहाऱ
 थिक्क्याःन्धक्पा चामा थुङ्मा मेहासुबाओ नुःरिक्काङ् कम्ब्राङ्
 मेन्जोगुसिन् फाऱआङ् लुङ्मेहाःतुसिरो ॥

2 हेक्केःल्ले थिक्-नेत् सेःक्युक्मिबाहाऱरे यरुसलेमस्मा
 नसानिबाहाऱ मेऱःतुसिआङ् अक्खे मेमेत्तुसि, “फुऱनुसाऱसे,
 आनिगेग निङ्वाऱफु पाःन्जाक्किन् इङ्भन् चोःक्मा नु हुऱमासि
 लेप्पाआङ् चामा थुङ्माऱे तङ्गाम् चोःक्मा मेलाऱरिगेन्लो ॥

3 हेक्केःल्ले खिनिऱ लुम्मोलाम् नुसि मिङ्सोदाङ्बा
 फाऱआङ् केइङ्बा सेसेमाङ्ङिल्ले कुमुक्साम्मिल्ले
 थुक्तुसिबा नु सिक्कुम्दिङ्निङ्वाऱरे कुधिम् केबोःङ्बा
 मनाहाऱ सेगेम्मिमेऱओ ॥ खेङ्हाऱ आनिगे कन् लक्पेन्हाऱ
 हुक्सुप्तुम्मिसेमेआङ्

4 चकमेल्लऱए तुवा चोःक्मा नु निङ्वाऱफु पाःन्जाक्किन् इङ्भन्
 चोःक्माओ नु हुऱमाओ येम् पिरुम्बेऱरो ॥”

5 सेःक्युक्मिबाहाऱरे मेबाःतुबा कन् पाःन्निल्ले काक्
 नसानिबाहाऱरे खुनिऱ निङ्वाऱ तासुरो हेक्केःल्ले खेङ्हाऱरे
 सेसेमाङ्ङिल्ले कुमुक्साम्मिल्ले थुक्तुसिबा नु नसाःन्निल्ले
 कुधिम् केबोःङ्बा स्तिफनस, हेक्क्याङ् फिलिप, प्रखुरस,
 निकानोर, तिमोन, पर्मिनास, नु थिम्मेन्दङ् सुवाङ्लाम्

यहुदि साम्योओ केदाःबा एन्तिओकस्मा नसानिबा
निकोलसेन्मेसेगुसिआङ्

6 खेङ्हाऱे सेःक्युक्मिबाहाऱरो मेदारुसिरो ॥ हेक्क्याङ्
सेःक्युक्मिबाहाऱे खुनिऱ सम्दाङ् हुक् मेनेस्सु मेबिरुसिर
निङ्वाऱफुमाङ्डिल्ले कुमुऱइसाम् मेघोःसुनि फाऱआङ् तुवा
मेजोगुरो

7 निङ्वाऱफु पाःन्जाक्किन् चकमेल्लऱए मेसेःसुर मेदेऱरु ॥
हेक्क्याङ् यरुसलेम्मो हुऱसाम्बाहाऱ यरिक् मेबोःक्खेर मेबेआङ्
यरिक् निङ्वाऱफुसाम्बाहाऱेआङ् कन् नसाःन्निन् तेन्दिङ्
मेजोगुरो ॥

स्तिफनसेन् मेदेम्सुऱ

8 आल्ल कन् निङ्वाऱफुमाङ्डिल्ले कुलुङ्गुम् नु कुमुक्साम्मिल्ले
केदिम्बा स्तिफनसेल्ले मनालुम्मो निङ्वाऱ केमाबा याःम्बक्हाऱ नु
मिक्सेःन्हाऱ चोगुरो ॥

9 कर “चोःक्युम्भोसाबाहाऱेन्* चुम्लुङ्हिम्” मेप्पनाबा यहुदि
चुम्लुङ्हिम्मो केयाक्पा कुभा मनाहाऱ खुनिऱ तक्लेङ्वाओ मेबोगे ॥
खेङ्हाऱ साइरेनि नु अलेक्जेन्द्रिया येक्यक्, हेक्क्याङ् सिलिसिया
नु एसिया तेङ्गप्स्मा यहुदि मेवयेरो ॥ खेङ्हाऱे स्तिफनसनु पाःन्
थक्मा मेहेःक्तु,

10 कर सेसेमाङ्लाम् सिक्कुम्दिङ् निङ्वाऱओ स्तिफनसेन्
पाऱेबाल्ले चोगुल्ले खेङ्हाऱे खुनेऱ पाःन्धङ्डो नाःम्मा
मेन्छुक्तुन्लो ॥

11 हेक्क्याङ् खेङ्हाऱे स्वाःत्ताङ् मनाहाऱ अक्खेलऱरिक्
पाःप्मा मेहुसुसिरो, “आनिगेग कल्ले मोसा नु

* 6:9 “□□□□□□□□□□□□□□□□” □□□□□□□□□□□□, थेआङ्भेल्ले तगि रोमिहाऱे
खुनिऱ योःक्पा योःक्मा मेवये ॥

निङ्वाऱफुमाङ्ङिल्ले कुदक्लेङ्वाओ माङ्चेऱया पारेबा खेप्सुम्बेरो ॥”

12 हेक्केलऱरिक् खेङ्हाऱरे यहुदि तुम्लाम्लोःबाहाऱ, साम्योथिम्साम्बाहाऱ नु वेऱ मनाहाऱ मेभोःक्खुसि ॥ हेक्क्याङ् खेङ्हाऱ मेदयेआङ् स्तिफनसेन् मेदेम्सुआङ् यहुदिहाऱरे खुनिऱ येजुम्भोओ मेदेऱरुरो ॥

13 हेक्क्याङ् फोत्याबा तोःन्दि पिसे मेदारुसिबाहाऱरे अक्खेलऱरिक् मेबाःत्तु, “कन् मनाःल्लेग आप्फाल्लेसाङ् कन् सेसेमाङ्ङहिम् नु आनिऱ साम्योथिम्मिल्ले कुदक्लेङ्वाओ पारेबारक् खेप्सुम्बेरो ॥

14 हेक्क्याङ् कल्लेग, नासरतस्मा येसुरे कन् माङ्ङहिम्मिन् यस्सुआङ् मोसारे आबिरे आयुसेबा साक्थिम्हाऱ, चोःक्थिम्हाऱ केरेक् लेक्खु आबिरेरो लऱरिक् पाःत्तुरो ॥”

15 हेक्क्याङ् खेन् चुम्लुङ्ङो केयुङ्बाहाऱरे खुनेऱ अदक्तक्काङ् ओमेमेत्तुल्ले कुनाराःङ्ग माङ्लाइङ्ङबाल्लेन् हेक्के ओःत्तेबा मेनिःसुरो ॥

7

स्तिफनसेल्ले उवा चोगुऱ

1 हेक्क्याङ् मानिङ्वाऱफुसाम्बाल्ले स्तिफनसेन् सेःन्दोसु, “कन् आप्तिक्हाऱ सेक्खाएबिऱ?”

2 हेक्केःल्ले खुनेऱ नोगप् पिरुसि, “पाःसे, फुऱनुसाऱसे, आघेप्सेमेऱओ! आनिऱ सुधेबा अब्राहाम्मिन् हारान येक्यक्को पेःक्माआङ् युङ्मानुःल्ले तगि खुनेऱ मेसोपोतामिया तेङ्गप्पो वयेल्लेए मिमिदिङ्ङबा निङ्वाऱफुमाङ्ङिल्ले कुमिमिदिङ्ङिन् खुनेऱओ ओसेःन्धाक्सिङ्ङाङ्

3 अक्खे मेत्तुरो, ‘कन् लाजेऱ नु केगाऱइ सोऱधोःक्हाऱ लेरेधयेसेऱआङ् खेनेऱ ओसेःन्धाक्नेबा लाजेऱओ पेगेऱओ ॥’

4 हेक्केःल्ले खुनेःआड् काल्दिहाःरे खुनिः लाजेःलाम् लःन्देआड् हाराःन्नो पेआड् युड्सिड् ॥ खेप्पो कुम्बा स्येआड् निड्वाःफुमाड्डिल्ले खुनेः खेन् लाजेःलाम् तेःरुआड् आल्लो कप्पो आयुड्बा लाजेःओ तारुरो ॥

5 हेक्केसाड् खुनेः कन् लाजेःओ लाड्भो तोःमा लाजेःआड् मेःबिरुन्लो, कर कन् खुनेः नु कुमुःइदाड्साहाः ताःन्दि पिमासि फाःआड् माड्हेक् चोगुरो ॥ कर निड्वाःफुमाड्डिल्ले माड्हेक् चोगुबा येम्मो अब्राहामरे कुस्साःधिव्काड् होःप्टेरो ॥

6 याड्सि निड्वाःफुमाड्डिल्ले खुनेः अक्खे मेत्तु, 'खेनेः केमुःइदाड्साहाः माःड्घाबा वेः लाजेःओ मेयुड्लो ॥ खेप्पोबा लाजेःसाबाहाःरे ताःप्फेःल्लिक् मेमेत्तुसिआड् कुगिप् लिसि तड्बे (४००) थारिक् खुनिः साक्केल्लेक्काड् योःक् मेजोगुसिःरो ॥

7 कर केमुःइदाड्साहाः योःक्पा केजोःक्पा खेप्पोबा लाजेःसाबाहाः इड्गाः खुम्दिड् पिरुड्सिड्लो ॥ हेक्क्याड् केमुःइदाड्साहाः खेन् लाजेःओलाम् कन् लाजेःओ मेःधाड्डाड् इड्गाः सेवा मेजोःक्कारो ॥'

8 हेक्क्याड् अब्राहाम्मिन् निड्वाःफुमाड्डिल्ले कुसेसे माड्हुप्लेन्मिक्सेःन् पोःड्ल फाःआड् हर्दो हेक्मा* थिम् पिरुरो ॥ हेक्केःल्ले अब्राहामरे इसहाक्किन् सावाःन्दुआड् येत्छि (८) येन्नो हर्दो हेगु पिरु ॥ हेक्क्याड् इसहाकेन् याकुबरे कुम्बारो ॥ आनिःग याकुबरे थिक्-नेत् (१२) कुस्साःहाःरे खुनिः मुःइदाड्सासिरो ॥

9 कुम्भुःसिरे युसुफेन् साःरिक् नामेहेत्तुबाल्ले चोगुल्ले खेड्हाःरे खुनेः मिसिहाःरे खुनिः हुक्को मेःसड्घुआड्खुनेः योःक्पा पोःक्खे, कर निड्वाःफुमाड्डिन् खुनेःनु वये,

* 7:8 00000 0000000-00000 000000000
00000000000000000000 00000000 00000000000 00000
0000000000 000000

10 हेक्क्याड् खुनेऱ कुदुक्खेवालाम् सेःप्तुरो ॥ हेक्क्याड् निड्वाऱफुमाड्डिल्ले खुनेऱ लुड्माऱ तुक्तुआड् सिक्कुम्दिड् निड्वाऱ पिरुबाल्ले चोगुल्ले फारो हाड्डिल्ले खुनेऱ मिड्सो इड्धाःड् पिरुऱ मिस्र लाजेऱ नु क्क्याड्साकुन्धे सम्दाड् सुहाड्युक्पा चोगुरो ॥

11 हेक्क्याड् मिस्र लाजेऱ नु कनान लाजेऱओ साऱरिक् यम्बा साक् थ्येआड् यम्बा तुक्खेवा नु मिन्देऱ पोगे, हेक्केःल्ले आनिऱ सुधेबा ताक्थेबाहाऱरे चामा थेमाआड् मेड्गत्तुन्लो ॥

12 कर याकुबरे मिस्रओ यरिक् चा वाऱ केलऱबा खेप्सुआड् कुस्साःहाऱ चा लाःसे पाड्घुसि ॥ खेड्हाऱरे युसुफलाम् चाःन् मेड्डु कर खुनेऱ कुसिड् मेन्निःत्ते हिम्मो मेनुःक्खेरो ॥

13 हेक्केलऱरिक् मिस्रओ निलेड् चा लाःसे मेबेःल्ले युसुफरे कुम्भुऱ कुन्साऱसि इड्गाऱ युसुफआ फाऱआड् मेत्तुसि, हेक्क्याड् फारोहाड्डिल्लेआड् युसुफरे कुहिम्सयड्हाऱ कुसिड् निःत्तुसिरो ॥

14 हेक्क्याड् युसुफरे कुम्बा याकुब नु काक् कुहिम्सयड्हाऱ मिस्रओ उःत्तुसि ॥ खेड्हाऱ केरेक् नु-डा (७५) मेवयेरो ॥

15 हेक्क्याड् याकुब नु कुहिम्सयड्हाऱ मिस्रओ मेबे ॥ याड्सि खुनेऱ नु कुस्साःहाऱ खेप्मोए मेस्ये ॥

16 खुनिऱ थक्हाऱ सेक्केम लाजेऱओ मेदेऱरुआड् अब्राहामरे हामोरेरे कुस्साःहाऱलाम् इडुआड् वयेबा इप्पुड्देन्नो मेऱुप्तुसिरो ॥

17 आल्ल निड्वाऱफुमाड्डिल्ले अब्राहामनु चोगुबा माड्हेक्किन्केप्मा इःत्तेल्ले मिस्रओ आनिऱ मनाहाऱ यरिक् मेबोःन्देऱ मेबेरो ॥

18 यरिक् तड्बे एगाड् खेप्मो वेऱस्मा मनाःन् हाड् पोःक्खेआड् मिस्रओ हाड् चोःक्मा हेःक्तु ॥ खेल्ले युसुफरे क्क्याःम्बेओ कुसिड् मेनिःत्तुन्लो ॥

19 खेल्ले आनिऱ थाःक्थेबाहाऱ इड्लेक् मेत्तुसिर साऱरिक्

निङ्घुम् चोगुसिआङ् येम्बित्छाः अङ्गेःक्वासाहाः मेसिर फाःआङ् लाप्फु पाङ्घुसि ॥

20 बा खेन् येम्मो मोसाःन् सावाःन्छिङ् ॥ खुनेः निङ्वाःफुमाङ्डिल्ले कुनिःमाओ सारिक् नुःबा अङ्गेःक्वा चोगे ॥ खुनेः हिम्मो ला सुम्सि थारिक् कुम्बा कुम्मासिरे चिक्खेछुआङ् कत्तेछुरो ॥

21 हेक्क्याङ् खुनेः हिम् लाःक्कात् मेलःत्तुआङ् वहङ्डिल्ले कुयाओ मेनेस्सुल्ले खेम्मो फारोहाङ्डिल्ले कुस्साः हाङ्सामाल्ले खोःसुआङ् कुस्साः चोगुआङ् कत्तुरो ॥

22 हेक्केलःरिक् मिस्रओ केवाःबा केरेक् सिक्कुम्दिङ् निङ्वाः निसामहाः खुनेः मेहुःरुरो ॥ हेक्क्याङ् थाङ्बेन् केरेःआङ् खुनेः पाःन्नो नु याःम्बक्को मुक्केगुबा पोःक्खेरो ॥

23 हेक्क्याङ् मोसाःन् तङ्बे लिबोःङ्(४०) केरेल्ले कुगाःइ इस्साइलिहाः तुम्से पेःक्मा निङ्वाः चोगुरो ॥

24 हेक्क्याङ् मिस्रिधक्के थिक् इस्साइलिःन् निङ्घुम् मेत्तुबा निःसु ॥ हेक्केःल्ले खेन् नाङ्मा फाःआङ् पेआङ् खेन् मिस्रिःन् हिप्पु सेरुरो ॥

25 खुनेःग निङ्वाःफुमाङ्डिल्ले आबाडे कुमना इस्साइलिहाः खुनिः योःक्पा हिङ्मन्लाम् चोःक्युम्भो पिमासि फाःआङ् खुनेः पाङ्घुबा पाःन्निन् कुसिङ् मेनिःत्तुर केलःबा इःत्तुआङ् वये, कर खेङ्हाःरे खेन् पाःन्निन् कुसिङ् मेन्निःत्तुन्लो ॥

26 हेक्क्याङ् कुदाःन्दिक् नेप्फु इस्साइलिहाः चुङ्गेत्छिर यागेत्छिबा निःसुसिआङ् नादङ् चोःक्मासि फाःआङ् पेआङ् मेत्तुसि, 'तेःङ्बासे, खिन्छिःग फुःनुसाः केधाप्सि! थेआङ् केजुङ्सिबाबे?'

27 कर खेन् निङ्घुम् केमेप्पेल्ले मोसाःन् थिक्केप्पाङ् चन्दुर सेःन्दोसु, 'खेनेः हाःत्ले आनिगे सम्दाङ् हाङ् केजोःक्पा नु

खासेन्लोःम्बा केजोगेआड् केवाऱबे?

28 खेनेऱ मिःप्मा मिसिःन् केसेरुबा हेक्के इङ्गाऱआड् केसेत्ताबाबि?’

29 कन् पाःन्निन् खेप्सुआड् मोसारे इङ्गाऱ मिसिःन् सेरुड्बा पाःन्निन्नाड् वेऱ मनाहाऱरे निड्वाऱ मेघोःसुबिला लऱरिक् निड्वाऱ इःत्तुर किःसेआड् मिस्रलाम् मिघान लाजेऱओ खेत्छिड् पेआड् खेप्मोए वाऱमा हेःक्ते, हेक्क्याड् खेप्मोए मेःक्खिक् चोगुआड् नेप्फु कुस्साःआड् पोःक्खेत्छिरो ॥

30 तड्बे लिबोःड्(४०) एगाड् सिनाइ कोःक्माल्ले कुबेसाड् एकसादेन्नोबा मि केदिःप्पा पोःक्लाओ माड्लाइड्बान् मोसारो थाःन्छिड्लो ॥

31 मोसारे कुनिड्वाऱ मयेआड् थेःन्नेबे? फाऱआड् कुबेसाड् पेरो ॥ कर खेल्ले दाड्बाल्ले कुड्क्लाःन् खेप्सु-

32 ‘इङ्गाऱ केसुधेबा अब्राहाम, इसहाक नु याकुबरे सेवा मेजोगाड्बा निड्वाऱफुमाड्आ ॥’ मोसाःन् कुगिःमाल्ले यक्खेआड् खेन् मि केदिःप्पा पोःक्लाःन् ओमेप्पा आःन्छिड् मेजोगुन्लो ॥

33 हेक्क्याड् दाड्बाल्ले मेत्तु, ‘खेनेऱ केलाड्सुःपहाऱ फेन्देऱ, थेआड्भेल्ले खेनेऱ केयेप्पा देन्निन् सेसे चोःक् ॥’

34 इङ्गाऱ आमनाहाऱ मिस्रओ निड्घुम्मो मेवाऱबा निःसुड्सिड्डाड् खुनिऱ मेरिड्डिन्खेप्सुड्डाड् वाऱआ ॥ हेक्केःल्ले इस्राइलिहाऱ खुनिऱ योःक्पा हिड्मन्लाम् चोःक्युम्भो पिसे इङ्गाऱ याड्डाड् वाऱआ ॥ आल्ल याड्ना मिस्र लाजेऱओ खुनिऱ कुभाऱ पिसे नुःक्नेऱरो ॥

35 बा कन् मोसाःन् इस्राइलिहाऱरे ‘खेनेऱ आनिगे सम्दाड् हाःत्ले हाड् नु खासेन्लोःम्बा केसेगेआड् केवाऱबे?’ मेमेत्तुर मेनाऱरुआड् मेवये, कर पोःक्लाओ ओसेःन्गेधाक्सिड्बा

माङ्लाइङ्बाल्लोलाम् निङ्वाऱफुमाङ्डिल्ले खुनेऱए हाङ्
केजोःकपा नु ताङ्गेसेःप्पा चोगुआङ् पाङ्घुरो ॥

36 मोसारेऱ इसाइलिहाऱ मिस्रलाम् लाःककात् लःतुसि,
हेक्कयाङ् मिस्रओ, हेःताङ्बा वाहङ्डो नु तङ्बे लिबोःङ्(४०)
थारिक् एःकसादेन्नो यरिक् निङ्वाऱ केमाबा याःम्बक्हाऱ चोगुरो ॥

37 कन् मोसारे इसाइलिहाऱ अक्खे मेत्तुसि,
'निङ्वाऱफुमाङ्डिल्ले इङ्गाऱ हेक्कतङ्बाए माङ्निङ्वाऱपाःन्
केबाःप्पा खिनिऱ आबाडे मनालाम् खिनिऱओ पाङ्घुरो ॥'

38 इसाइलिहाऱ एःकसादेन्नो मेजुप्सेल्ले मोसाःन् खेङ्हाऱनु
वये, सिनाइ कोःकमाओ माङ्लाइङ्बान् खुनेऱनु पारे
हेक्कयाङ् खेन् हिङ्मन् केबिबा निङ्वाऱफु पाःन्जाक्किन्
खुनेऱ खोःसु, हेक्कयाङ्आनिऱ सुधेबाहाऱ पिरुसिआङ् आनिऱ
आघोःसुम्माङ्आवाऱरो ॥

39 कर आनिऱ सुधेबाहाऱरे खुनेऱ कुबाःन्निन् तेन्दिङ् चोःकमा
मेनाऱरुआङ् मोसाःन्नाङ् मेनाऱरु, हेक्कयाङ् मिस्रओ नुःङ्मा
निङ्वाऱ मेजोगुरो ॥

40 हेक्केःल्ले मोसारे कुम्भुऱ हारुन्निन् खेङ्हाऱरे अक्खे मेमेत्तु,
'आनिगे लागि याप्मि लाम् केलोःबा माङ्हाऱ चोगे आबिरेऱ ॥
मिस्रलाम् याप्मि केलःप्पा कन् मोसाःन् थे पोःक्खे फाऱआङ्
आनिगे मेनिःसुम्बेन्लो ॥'

41 हेक्केःल्ले खेङ्हाऱरे पित्साःत्नावाइत्ला मेजोगुआङ्
सिदुङ्जभा मेजोगुरो ॥ खुनिऱ मेजोगुबा याःम्बक्को मेसःत्तेऱ
नावाइत्लाःन् इङ्धाःङ् पिसे ससाङ्सोःत् मेजोगुरो ॥

42 हेक्कयाङ् निङ्वाऱफुमाङ्डिल्ले ताङ्साक्पोबा
खेःम्सिक्पेन्सेवा मेजोगुर फाऱआङ् खेङ्हाऱ लेरुसिरो ॥ कन्
पाःन्निङ्ग माङ्निङ्वाऱपाःन् केबाःप्पाल्ले साप्पन्नो साप्तुआङ्
केबप्पा कुइसिःक् केरेरो,

‘इस्राइलिसे, खिनिऱ एःकसादेन्नो तड्बे लिबोःड्(४०) थारिक्
केवयिल्लेआड्

इङ्गाऱ आसेवा केजोगुम्मिल्ले सिदुङ्जभा याप्मि केम्बिरिन्लो ॥

43 कर खिनिऱग मोलोक साम्माङ्डिल्ले कुमाङ्धाःन्नु
खेःम्सिक्पेन्ऱेफान साम्माङ्डिल्लेन् नावाइत्लाःन्
केबक्खुम्लो ॥

खिनिऱ आबाडे केजोगुम्बा नावाइत्लाःन् सेवा केमेत्तुम्बाल्ले
चोगुल्ले बेबिलोन्नुःल्लेआड् माःङ्घा पाङ्निङ्लो ॥’

44 खेङ्हाऱ येःङ्घादेन्नो मेवयेल्ले आनिऱ सुधेबाहाऱरे निङ्वाऱफु
साःङ्गाहिम् मेगत्तु ॥ निङ्वाऱफुमाङ्डिल्ले मोसाःन् ओसेःन्धाक्तुबा
हेक्केए खेन् चोगेआड् वयेरो ॥

45 याङ्सि निङ्वाऱफुमाङ्डिल्ले खुनिऱ तगिलाम् नाःत्तु
लःत्तुसिबा सुवाङ्हाऱरे खुनिऱ लाजेऱओ यहोसुःन्नु मेबेःल्ले,
खेङ्हाऱरे साःङ्गाहिम्मिन् खुनिऱनुए मेगुयुआड् मेदेऱरुरो ॥
हेक्क्याङ् दाउद हाङ्डिल्ले कुयेम् थारिक् खेन् साःङ्गाहिम्मिन्
नेस्सेरो ॥

46 दाउद हाङ्डिल्ले निङ्वाऱफुमाङ्डिल्ले कुनिङ्वाऱ ताःसुआड्
याकुबरे सेवा चोगुबा निङ्वाऱफुमाङ्डिल्ले कुलागि हिम् चोःक्मा
फाऱआड् पेलि फाक्तु,

47 कर निङ्वाऱफुमाङ्डिल्ले कुहिम्मिङ्ग सोलोमन
हाङ्डिल्लेरक् चोगुरो ॥

48 हेक्केसाङ् केरेक्नुःल्ले पयम् यम्बा निङ्वाऱफुमाङ्डिन्
मनाहाऱरे चोःक्मनाबा हिम्मो मेवाऱनेन् ॥ माङ्निङ्वाऱपाःन्
केबाःप्पाल्ले कुसाप्पन्नो अक्खेलऱरेक् साप्तेआड् पत्-

49 ‘दाङ्बाल्ले पाःत्तु,

साङ्ग्राम्पेदाङ्डिन् इङ्गाऱ आहाङ्गुक्नारो ॥ खेप्पोलाम्मे काक्
सम्दाङ् हाङ् चोःक्कारो, हेक्क्याङ् इक्सादिङ्

खाम्बेःकमान् इङ्गाः आलाङ् तोःभेःत्तो ॥

हेक्केःल्ले आक्तङ्बा केघेम्बा आवाःमा हिम् केजोगुम्बाबे?

50 काक् कङ्हाःग इङ्गाःए चोगुङ्सिङ्बा मेःम्बिः?’

51 खिनिःग साःरिक् कुनिङ्वाः केधुङ्बा थिङ्गानि केजोगिरो!
निङ्वाःफुमाङ्डिल्ले कुइङ्घङ्डिन् खेम्मा खिनिः नेक्खोः
थुङ्लो ॥ खिनिः सुधेबाहाः हेक्केए केलःरिआङ् सदादिङ्
सेसेमाङ्डिन् केअत्तुम्लो ॥

52 खिनिः सुधेबाहाःरे काक् माङ्निङ्वाःपाःन् केबाःप्पाहाः
तुक्खे मेजाःत्तुसि ॥ खेङ्हाःरे निङ्वाःफुमाङ्डिल्ले माङ्हेक्
चोगुबा साम्योनिबा हाङ्डिल्ले कुदामाल्लेन् माङ्निङ्वाःपाःन्
केबाःप्पाहाःआङ् मेसेरुसिरो ॥ आल्ल खुनेः इङ्लेक् केमेत्तुम्माङ्
केसेरुम्लो ॥

53 निङ्वाःफुमाङ्डिल्ले कुसाम्यो इङ्जाःङ्डिन्
माङ्लाइङ्बाहाःरे खिनिः केम्बिरिः, करसाङ् खिनिः
केङ्घेप्सुम्मिन्लो ॥”

स्तिफनसेन् लुङ्डिल्ले मेबःत्तुः

54 कन् पाःन्निन् चुम्लुङ्बा पासिङ् पादाङ्लाहाःरे मेघेप्सुआङ्
स्तिफनसेन्नु साःरिक् खुनिः सिक् पोगेआङ् खुनिः हाबोः
मेयेःक्खुरो ॥

55 कर सेसेमाङ्डिल्ले कुमुक्साम्मिल्ले थुक्तुबा स्तिफनसेन्
साङ्ग्राम्पेदाङ् लेप्पाङ् ओमयेल्ले निङ्वाःफुमाङ्डिल्ले
कुमिमिदिङ्डिन् नु कुजुप्साङ् लेप्साङ् येसुःन् येबेबा निःसुरो ॥

56 हेक्क्याङ् स्तिफनसेन् अक्खेलःरिक् पाःरे, “ओमेत्तेम्मेः,
इङ्गाः साङ्ग्राम्पेदाङ्डिन्हरेबा निःसुङ्, हेक्क्याङ् मेन्छाम्साःन्*
निङ्वाःफुमाङ्डिल्ले कुजुप्साङ् लेप्पाङ् येप्पा निःसुङ्लो!”

* 7:56 0000000000000000-00000000 00000 00000000

57 हेक्केःल्ले खेङ्हाऱे साऱरिक् मेऱःक्तेर मेभिःक्तेर खुनिऱ
नेक्खोऱहाऱ हुक्किल्ले मेहुऱ, हेक्क्याङ् थिक्हुप् मेबोःक्खेआङ्
थिक्केङ्माल्ले खुनेऱ फुत्तुम् मेभत्तु,

58 हेक्क्याङ् येक्क्यक् लाःक्कात् मेऱःक्खु मेऱःत्तु ॥ खेन्
पाःन्निल्लेन् तोःन्दिहाऱे खुनिऱ सुङ्घेःक्वाहाऱ सावल मेम्मनाबा
थाङ्बेन्निन् कोमेबाङ्घुआङ् स्तिफनसेन् लुङ्ङिल्ले पःप्मा
मेहेःक्तुरो ॥

59 लुङ्ङिल्ले मेबःत्तुर मेबत्छेल्ले स्तिफनसेरे अक्खेलऱरिक् तुवा
चोगु, “दाङ्बा येसुए, इङ्गाऱ आयाम्साम्मिन् ताःक्तेऱओ ॥”

60 हेक्क्याङ् खुनेऱ थुङ्बोहजऱ युङ्सिङ्ङाङ् यम्बा इक्लाओ
अक्खेलऱरिक् पाःत्तु, “दाङ्बाए, कङ्हाऱे मेजोगुबा लायोरेन्
खुम्दिङ् मेबिरेसेन्नेऱओ ॥” अक्खे पाःत्तुर खेन् स्येरो ॥

8

सावलरे सेसेहुप्लक्किन् तुक्खे चाःत्तुऱ

1-2 खेप्पो सावलरेआङ् स्तिफनसेरे कुसिःमेन्नो तेन्दिङ्
पिरुसिआङ् वयेरो ॥

हेक्क्याङ् मिङ्सोदाङ्बा साम्योसाबा मनाहाऱे स्तिफनसेन्
मेहुम्सु मेसुरुआङ् साऱरिक् मेरिङ् मेधक्तेरो ॥ खेन् येन्नाङ्धो
यरुसलेम्मोबा सेसेहुप्लक्को साऱरिक् तुक्खे चाःप्मा
मेहेःक्तुसिरो ॥ हेक्क्याङ् सेःक्युक्मिबाहाऱनु वेऱ काक्
नसानिबाहाऱ यहुदिया नु सामरिया तेङ्गप् लेप्साङ् मेसेःरे मेबेरो ॥

3 कर सावलरे सेसेहुप्लक्किन् मेम्भै चोःक्मा हेःक्तु ॥ खुनेऱ हिम्
हिम् पेआङ् नसाःन् केजोःक्पा मेन्छुमाऱ येम्बित्छाऱ तेम्सुसिआङ्
उःक्खुसिर पुङ्लाहिम्मो थेक्तुसिरो ॥

सामरियाओ सुनाइङ् सेः

4 यरुसलेम्लाम् केसेबार केबेःकपाहाः आत्ति मेबेसाड् सुनाइड् मेसेःसुरो ॥

5 फिलिप्पेन्नाड् सामरियास्मा येक्यक्को पेआड् खेप्पोबा मनाहाः येसुःन्ने निड्वाःफुमाड्डिल्ले सेःन्दुबा ख्रिस्तरो फाःआड् इड्भोःसुरो ॥

6 फिलिपरे पाःतुबा पाःन्निन् मेघेप्सु हेक्क्याड् खुनेः चोगुबा निड्वाः केमाबा याःम्बक्हाः मेनिःसुल्ले मनाहाः नुःरिक्काड् कुबाःन्नो निड्वाः मेबिरुरो ॥

7 खेप्पो यरिक् मनाहाःओनु फेन्साम्हाः मेभिःक्तेर मेःन्दे मेबे, हेक्क्याड् यरिक् लड्लेःड्वाहाः नु लाड्सक्पाहाःआड् मेनुःरेरो ॥

8 खेल्ले चोगुल्ले खेन् येक्यक्को पयम् सःप्पा नु ओमुलःमान् त्येरो ॥

9 आल्ल तगिआड्धो खेन् येक्यक्को सिमोन मेप्पनाबा कित्चाक्थिक् वये ॥ खेल्ले कित्चाक् याःम्बक् चोगुआड् सामरियास्मा मनाहाः खुनिः निड्वाः माःसु पिरुसिआड् वयेरो ॥ खेल्लेग आबाडे इड्गाःए पयम् यम्बाआ फाःआड् आड्दिड् लःरेआड् वयेरो ॥

10 हेक्क्याड् येक्यक्को केयुड्बा यम्बा चुक्पा केरेक्ले कल्ले निड्वाःफुमाड्डिल्ले पयम् कुमुक्साम् कत्तुरो लःरिक् खेन् मेमेत्तुआड् मेवयेरो ॥

11 हेक्क्याड् खेन् मनाहाः यरिक् तड्बेआड्धो खुनेः कुगित्चाक्मुन्धुम्मिल्ले खुनिः निड्वाः माःसु पिरुसिआड् वयेबाल्ले चोगुल्ले खुनेः कुबाःन्नो मेबत्छेरो ॥

12 कर खेन् मनाहाः फिलिपरे इड्भोःसुबा निड्वाःफुहाड्जुम्मिल्ले कुयाःम्बेओ सुनाइड् नु येसु ख्रिस्तेन्नसाःन् मेजोगुआड् येम्बित्छाः मेन्छुमाः काक् बप्तिस्मा मेबोःक्खेरो ॥

13 सिमोनेऱआङ् आबाडे नसाःन् चोगुआङ् बप्तिस्मा पोःक्खे ॥
खुनेऱ फिलिपनु वयेगत्तेल्ले फिलिपरे चोगुबा यरिक् परिक्लेन्
मिक्सेःन् नु निङ्वाऱ केमाबा याःम्बक्किन् निःसुआङ् खुनेऱ
कुनिङ्वाऱ मयेरो ॥

14 हेक्क्याङ् यरुसलेम्मोबा सेःक्युक्मिबाहाऱरे सामरियास्मा
मनाहाऱरे निङ्वाऱफु पाःन्जाक्किन् तेन्दिङ् मेजोगु केलऱबा
मेघेप्सुआङ् पत्रुस नु युहुन्नाःन् खेप्पो मेबाङ्घुसिरो ॥

15 हेक्क्याङ् खुन्धिऱ सामरियाओ केरेत्छिआङ् नसानिबाहाऱरे
सेसेमाङ्डिल्ले कुमुक्साम्मिल्ले थुक्तुसिनि फाऱआङ् तुवा चोगु
पिरेत्छुरो,

16 थेआङ्भेल्ले आल्लो थारिक् नसानिबाहाऱरे सेसेमाङ्डिल्ले
कुमुक्साम्मिन् मेङ्घोए मेवये, कर दाङ्बा येसुरे कुमिङ्डोरक्
बप्तिस्मा मेबोःक्खेआङ् मेवये ॥

17 हेक्क्याङ् पत्रुस नु युहुन्नाऱरे खुन्धिऱ हुक्हाऱ सामरियास्मा
नसानिबाहाऱ सम्दाङ् नेस्सु पिरेत्छुआङ् खेङ्हाऱरे सेसेमाङ्
मेघोःसुरो ॥

18 सेःक्युक्मिबाहाऱरे खुन्धिऱ हुक्किन् नेस्सेत्छुल्ले मनाहाऱ
सेसेमाङ्डिल्ले कुमुक्साम्मिल्ले थुक्तुसिबा सिमोनेऱआङ् निःसु
हेक्क्याङ् खेङ्हाऱ याङ् पिरुसिर

19 अक्खे मेत्तुसि, “मना सम्दाङ् इङ्गाऱआङ् आहुक् नेस्सुङ्
पिरुङ्सिङ्डिल्ले हाराऱ सेसेमाङ्डिन् मेघोःसुनि फाऱआङ् कन्
मुक्साम्मिन् याप्मि आबिरेत्छेऱओ ॥”

20 कर पत्रुसरे नोगप् पिरु, “केयाङ्डिन् खेनेऱनुए
मेक्लरो, थेआङ्भेल्ले खेनेऱग निङ्वाऱफुमाङ्डिल्ले
कुबर्धाःम्मिन्याङ्डिल्ले इङ्मा केङ्ःत्तुरो ॥

21 खेनेऱग कन् सेवाओ लक् खोःमा नु कप्पा
थेआङ् केन्छुक्तुन्लो, थेआङ्भेल्ले खेनेऱ केसिक्लुङ्मान्

निङ्वाऱफुमाङ्ङिल्ले कुनिःमाओ नुःबा होःप्लो ॥

22 हेक्केःल्ले केभेन् निङ्वाऱओलाम् हिन्देऱआङ् दाङ्बान्नु तुवा चोगेऱओ ॥ हेक्केऱङ्बा फेन् निङ्वाऱओलाम् लेप्मि केघोःसुबि!

23 थेआङ्भेल्ले खेनेऱग नाहेम्माल्ले कुधिम् नु लायो इसेऱङ्बा निङ्वाऱइल्ले केयुक्तेबान्इङ्गाऱ निःनेरो”

24 हेक्क्याङ् सिमोनेऱ नोगप् पिरुसि, “खेनेऱ केबाःतुबा आत्तिन्पाःन्हाऱआङ्इङ्गाऱ आसम्दाङ् मेजुक्नेन्ल फाऱआङ् दाङ्बान्नु इङ्गाऱ आलागि तुवा चोगे आबिरेत्छेऱओ ॥”

25 हेक्क्याङ् येसुरे कयाःम्बेओ चेक्खेत्छुर दाङ्बाल्ले कुबाःन्जाक् इङ्भन् चोगेत्छुआङ् युहुन्नाःन् नु पत्रुसेन् यरुसलेम लेप्माङ् नुःक्खेत्छिल्ले लाम्मोबा यरिक् सामरियास्मा पाङ्भेऱहाऱओ सुनाइङ् सेःसेत्छुरो ॥

फिलिप्पेन्नु इथियोपिया लाजेऱबा मनाःन्

26 थिक् येन् दाङ्बाल्ले पाङ्घुबा माङ्लाइङ्बाल्ले फिलिप्पेन् अक्खे मेत्तु, “यरुसलेमलाम् यो लाङ्गेन् लेप्माङ्बा गाजा केबेःक्पा येऱङ्घादेन्बा माराम्मो पेगेऱ ॥”

27 हेक्केःल्ले फिलिप्पेन्नाङ् खेप्पो थासिङ्लो ॥ हेक्क्याङ् खुनेऱ इथियोपियास्मा सेभक्पा* यम्बा सुहाङ्ग्युकपेन्तुमु ॥ खेन् इथियोपियास्मा हाङ्मा कन्दाकिरे कयाङ्साकुन्धे ओगेमेप्पा सुहाङ्ग्युकपा वयेरो ॥ खुनेऱ यरुसलेम्मो सेवा चोःक्से पेआङ् वयेरो ॥

28 हेक्क्याङ् अन्लाओ युङ्सिङ्डाङ् कुहिम्मो नुःक्खेऱ पत्छेल्ले माङ्निङ्वाऱपाःन् केबाःप्पा यसैयाःल्ले साप्तुबा साप्पन्निन् निःरुर युडे ॥

* 8:27 00000000-000000000000 000000000000 000000000000
000000000000 00000000000000000000 00000000 00000000

29 सेसेमाङ्ङिल्ले फिलिप्पेन् मेत्तु, “अन्लाःल्ले कुबेसाङ् पेगेऱ ॥”

30 हेक्क्याङ् फिलिप्पेन्नाङ् लोःक्तेर अन्लाःल्ले कुबेसाङ् पे हेक्क्याङ् खेन् मनाःल्ले माङ्ङिन्ड्वाऱपाःन् केबाःप्पा यसैयाःल्ले साप्तुबा साप्पन्निन् निःरुर युडेबा खेप्सु ॥ हेक्क्याङ् फिलिपरे सेःन्दोसु, “कन् केनिःरुबा पाःन्निन् कुसिङ् केनिःतुबिऱ?”

31 खेन् सेभक्पेल्ले नोगप् पिरु, “पोधक् याम्पि केजोःक् केबिबा मना मेःन्नेग आक्खेलरिक् कुसिङ्निःप्पा सुक्कुत्तुडेऱे?” हेक्केःल्ले खेल्ले फिलिप्पेन् उःत्तुआङ् सोरिक् खुनेऱनुए युक्खु ॥

32 खेल्ले निःरुबा साम्योसाप्ला लक्किन् कन् वयेरो-
“खुनेऱग सेत्छे तेऱमनाबा मेल्लुक् हेक्के चोगे हेक्क्याङ् खुनेऱ कुमुरिक् केनःड्बाहाऱरे खुनिऱ तगिआङ् स्वाःत् केयेप्पा मेल्लुक्साः हेक्केए थेआङ् मेबाःत्तुन्लो ॥

33 हेक्क्याङ् खुनेऱ कुना मेधाःसु मेबिरुआङ् तुक्खे मेजाःत्तुरो ॥
कुमुऱइदाङ्ङसारे कुयाःम्बेओ हाःत्लेआङ् पाःप्पा मेसुक्कुत्तुन्लो,
थेआङ्ङभेल्ले नेत्तिगेन् कुहिङ्मन्निङ्ग इक्सादिङ् खाम्बेःकमोलाम् तेऱरेरो ॥”*

34 हेक्क्याङ् खेन् सेभक्पेल्ले फिलिप्पेन् सेःन्दोसु, “कन् माङ्ङिन्ड्वाऱपाःन् केबाःप्पाल्ले हाःत्ले कुयाःम्बेओ पाःत्तुबाबे? खुनेऱ आबाडे कुयाःम्बेओ पाःत्तुबाबि, वेऱस्मा मनाःल्ले कुयाःम्बेओ पाःत्तुबाबि? इङ्गाऱ पोधक् चोगाङ् पिराङ्ङेऱओ ॥”

35 हेक्केःल्ले फिलिपरे साम्योसाप्लाबा बा कन् लक्कोलाम् येसुरे कुयाःम्बेओबा सुनाइङ्ङिन् पोधक् चोगुल्ले खेन् सेभक्पेल्ले नसाःन् चोगुरो ॥

36-37 हेक्क्याङ् खेङ्हाऱ खेन् लाम्मो लाम्दिःक् चोगेत्छिर पत्छेत्छिल्ले च्वाःत् केनेबा तेन्नो केरेत्छि ॥ हेक्क्याङ् खेन्

* 8:33 □□□□□ □□.७-८

सेभक्पेल्ले सेःन्दोसु, “ओमेत्तेऱ, कप्पो च्वाःत् नेरो॥ इङ्गाऱ बप्तिस्मा पोःङ्मा मेसुककान्बि?” ((फिलिपरे मेत्तु, “खेनेऱ काक् केनिङ्वाऱरे नसाःन् केजोगुने फाऱग्र केसुकतुरो” खेन् सेभक्पेल्ले नोगप् पिरु, “येसु खिस्तेन्निङ्वाऱऱफुसाः फाऱआङ् नसाःन् चोगुङ्लो॥”))

38 हेक्क्याङ् खेन् अन्लाःन् येप्पा पाङ्घुआङ् खुन्छिऱ यो च्वाःतो पेसिआङ् फिलिपरे खेन् बप्तिस्मा पिरु॥

39-40 खेङ्हाऱ यो च्वाःतोलाम् लःन्दे थाङ्छिऱ पत्छेत्छिल्ले दाङ्बाल्ले कुसेसेमाङ्डिल्ले खिमो फिलिप्पेन् पक्खु तेऱरुआङ् आजोत्तोस* मेप्पनाबा तेन्नो केत्तुरो॥ खेप्पो खुनेऱ सिजरिया* मेङ्गेत्ते थारिक् लाम्मो केनेबा पाङ्जुम्हाऱओ सुनाइङ् इङ्भोःसुर पेरो॥ सेभक्पेल्ले खुनेऱ याम्मो मेनिःसुन्, कर खेन् सःत्तेऱ कुलाम्दिःक्को पेरो॥

9

दमस्कसबा लाम्मो सावलरे येसुःन् नसाःन् चोगुऱ

सेःक्युक्मिबाहाऱ २२.६-१६, २६.१२-१८

1-2 कर दाङ्बाल्ले कुहुऱसाम्बाहाऱ केरेक् सेप्पासि फाऱआङ् सावलरे साऱरिक् यङ्मा सरुसिरो॥ खुनेऱ मानिङ्वाऱऱफुसाम्बाल्लो पेआङ् दमस्कसओ केवाऱबा केरेक् दाङ्बाल्ले कुलाम् केदिम्बा मेन्छुमाऱ येम्बित्छाऱहाऱ पुङ्लाधाबा चोःक्मासिआङ् यरुसलेम्मो ताःप्पासि हेक्क्याङ् खुम्दिङ् पिमासि सुक्तुङ्ल

* 8:39-40 □□□□□□□□-□□□□ □□□□□□ □□□□□□□□□□ □□□□□□ □□□□□□□□□□ □□□ □□□□□□□□□□ (यहोसु १३.३) कन्येक्यक्किन्अस्दोद मेमेत्तु॥ कङ्ग सिजरिय येक्यक्किन्नुःल्ले ९० किलोमिटर माःङ्घा नेस्से॥ * 8:39-40 □□□□□□□□-□□□□ □□□□ □□□□□□□□□□□□□□□□ □□□□ □□□□□□□□ □□□□□□□□ □□□□□□□□□□□□□□□□

फाऱआङ् दमस्कसओबा यहुदि चुम्लुङ्हिम्मोबा सुहाङ्क्युक्पाहाऱरे
लागि सक्इङ्घङ् साप्पाङ्घुसिरो ॥

3 हेक्क्याङ् खुनेऱ दमस्कसरे कुबेसाङ् केरेऱ पत्छेल्ले हक्कघत्
ताङ्साक्पोलाम् सेन्दाङ्गेन् ओःत्ति खुनेऱ कुधिरि लेक्तेरो ॥

4 हेक्क्याङ् खुनेऱ खाम्मो हर्गुप् चोःन्देआङ् इक्लाधिक् खेप्सु,
“सावलए, सावलए, इङ्गाऱ थेआङ् तुक्खे केजाःताबाबे?”

5 सावलरे सेःन्दोसु, “दाङ्बे, खेनेऱग हाःत्नेन्बे?”

हेक्केःल्ले अक्खेलऱरिक् नोगप् त्ये, “इङ्गाऱग तुक्खे केजाःत्तुर
केवाऱबा येसुआरो ॥

6 आल्ल खेनेऱ पोगेऱआङ् येक्यक्को पेगेऱ ॥ खेप्पोए खेनेऱ थे
चोःक्मा पोःङ् इङ्गाऱ मेत्नेऱरो ॥”

7 आल्ल सावलनु लाम्दिःक् केजोःक्पा मनाहाऱ थेआङ् मेम्बाःत्ते
मेयेबे थेआङ्भेल्ले खेङ्हाऱरे खेन् इक्लाःन् खेम्माग मेघेप्सु, कर
हाःत्ताङ् मेन्निःसुन्लो ॥

8 सावलनेन्खाम्मोलाम् मुत्थिक् पोगे, कर कुमिक्किन्
हन्दुल्ले थेआङ् निःमा मेसुक्तुन् ॥ हेक्केःल्ले खुनेऱनु लाम्दिःक्
केजोःक्पाहाऱरे कुहुक्को मेदेम्सुआङ् मेउःक्खुर दमस्कसओ
मेदेऱरुरो ॥

9 हेक्केलऱरिक् सुम्येन् थारिक् थेमाआङ् निःमा मेसुक्तुन्
हेक्क्याङ् थेमाआङ् मेजनेन्, मेधुङ्न्लो ॥

10 आल्ल दमस्कसओ हननिया मेप्पनाबा हुऱसाम्बाधिक् वये ॥
खेन्सुफोओ दाङ्बाल्ले अक्खे मेत्तु, “हननियाए!”

हननियारे नोगप् पिरु, “थेमाबे, आदाङ्बे?”

11 दाङ्बाल्ले खुनेऱ मेत्तु, “तोःन्दोःन् मेप्पनाबा लाम्मो यहुदाःल्ले
कुहिम्मो पेगेऱ ॥ खेप्पो तार्ससबा सावल मेप्पनाबा मनाःन् वाऱबि
फाऱआङ् सेःन्दोःसेऱ ॥ कन् येम्मो खुनेऱ खेप्पो तुवा चोःक्नु युङ्लो ॥

12 खुनेऱ सुफोओ हननिया मेऱ्मनाबा मनाःन् ताआङ् खुनेऱ याम्मो निःमा सुक्तुनि फाऱआङ् कुहुक्हाऱ कुधेगेःक्पो नेऱस्सुबिरुबा निःसुआङ् वाऱरो ॥”

13 हननियाःल्ले अत्तुर नोगप् पिरु, “कर आदाङ्बे, खेल्लेग यरुसलेम्मोबा खेनेऱ सेसे केमनाहाऱ यरिक् तुक्खे चाःत्तुसिबा इङ्गाऱ खेप्सुङ्डाङ् वाऱआरो ॥

14 हेक्क्याङ् तुम्निङ्वाऱफुसाम्बाहाऱलाम् युक् खोःसुआङ् खेनेऱओ नसाःन् केजोःक्पा मनाहाऱ तेम्मासि फाऱआङ् कप्पोआङ् त्येआङ् वाऱरो ॥”

15 कर दाङ्बाल्ले हननियाःन् मेत्तु, “खेनेऱ पेगेऱ! थेआङ्भेल्ले खेन् मनाःन् इङ्गाऱ आसेवा चोगुनि फाऱआङ् सेगुङ्डाङ् वाऱआरो ॥ खेल्लेग थिम्मेन्दङ् सुवाङ्हाऱ, हाङ्हाऱ, नु इसाइलिहाऱ आमिङ् इङ्भन् चोगुसिऱरो ॥

16 इङ्गाऱ आलागि खेल्ले आक्खेन्तुक्खे चामा पोःङ् फाऱआङ् इङ्गाऱ ओसेःन्धाक्तुङ्लो ॥”

17 हेक्क्याङ् हननियाःन्खेन् हिम्मो पेआङ् सावलरे कुधेगेःक्सम्दाङ् कुहुक्हाऱ नेऱस्सुआङ् अक्खे मेत्तु, “आन्साऱ सावलरे, दाङ्बा येसुरे इङ्गाऱ पाङ्घाङ्बरो ॥ खुनेऱग कप्पो दमस्कसओ केदयेऱ केबत्छेल्ले लाम्मो खेनेऱनु ओसेःन्धाक्सिङ्, हेक्क्याङ् खेनेऱ याम्मो निःमा केसुक्तुर, सेसेमाङ्डिल्ले कुमुक्साम्मिल्ले केधुक्ल फाऱआङ् पाङ्घाङ्बरो ॥”

18 खिमो सावलरे कुमिक्कोलाम् डासेःक् हेक्क्याङ्बा मक्थयेआङ् खुनेऱ याम्मो निःमा केसुक्पा पोःक्खे ॥ खुनेऱ पोगेआङ् हननियाःल्ले बप्तिस्मा पिरुरो ॥

19 हेक्क्याङ् खुनेऱ कुजा चआङ् कुसक्मा त्येरो ॥

सावलरे दमस्कसओ सुनाइङ् सेःसुऱ

सावलेन्कुभा येन् थारिक् दमस्कसओबा नसानिबाहाऱनु वये ॥

20 खुनेऱ खेप्मो यहुदि चुम्लुङ्हिम् हेङ्घाःत्ति पेआङ् येसुःन् निङ्वाऱफुसाःरो फाऱआङ् खिमो इङ्भन् चोःकमा हेःक्तुरो ॥

21 हेक्क्याङ् खुनेऱ पाःतुबा पाःन् केघेम्बा काक् मनाहाऱरे खुनिऱ निङ्वाऱ मयेआङ् अक्खेलऱरिक् मेमेत्तिङ्, “यरुसलेम्मो येसुःन् नसाःन् केजोःक्पा मनाहाऱ हम् केजोःक्पेन्बाकन् मनाःन् मेःम्बि? हेक्क्याङ् तुम्निङ्वाऱफुसाम्बाहाऱरो तेम्मा तेऱमासि फाऱआङ् कप्पोआङ् त्येबाग मेःम्बि?”

22 कर सावलरे आल्लसाङ् मुक्साम् कुधिम्बा इङ्भन् सेःसुर पेआङ् दमस्कसओ केवाऱबा यहुदिहाऱ, येसुःन्ने निङ्वाऱफुमाङ्डिल्ले सेःन्दुबा ख्रिस्तरो फाऱआङ् याःन्दुसिरो ॥ हेक्केःल्ले खेङ्हाऱरे नोगप्पे पिमा मेन्छुक्तुन्लो ॥

23 हेक्क्याङ् यरिक् येम् एगाङ् खेप्मोबा यहुदिहाऱरे सावलेन् सेप्पा फाऱआङ् इङ्मेदङ्घु,

24 कर कन् पाःन्निन् सावलरे निङ्वाऱ खोःसुरो ॥ हेक्क्याङ् खेन् मनाहाऱरे सेन्दिक् लेन्दिक् खुनेऱ तेम्माआङ् सेप्पा फाऱआङ् येक्यक्कोबा पयम् लाम्धेःप्हाऱओ मेसुगुरो ॥

25 कर थिक् सेन्दिक् सावलरे कुहुऱसाम्बाहाऱरे खुनेऱ साप्पोओ मेयाक्तुआङ्येक्यक्किल्ले लुङ्धाक् लाःक्कात् इदाःक्किल्ले मेभोःन्दु मेधासुआङ् मेघेतु मेदेःसुरो ॥

26 सावलेन्यरुसलेम पेआङ् खेप्मोबा हुऱसाम्बाहाऱनु सोरिक् वाऱत्मा निङ्वाऱ चोगु, कर खेङ्हाऱरे खुनेऱ साऱरिक् मेगिरु हेक्क्याङ् खुनेऱ हुऱसाम्बा फाऱआङ् कुनासाऱत्माए मेन्छुक्तुन्लो ॥

27 कर बरनाबासेन्त्येआङ् सावलेन् सेःक्युक्मिबाहाऱरो तारुआङ् आक्खेलऱरिक् सावलरे दमस्कस पेःकमा लाम्मो दाङ्बान् तुमु हेक्क्याङ्दाङ्बान् खुनेऱनु पारे, हेक्क्याङ् आक्खेलऱरिक् दमस्कसओ मेङ्गिए येसुरे कुयाःम्बेओ सावलरे इङ्भन् सेःसु केलऱबान् काक् चेक्तुसिरो ॥ खेल्ले चोगुल्ले

खेङ्हाऱरे खुनेऱ मेदाःक्तुरो ॥

28 हेक्क्याङ् सावलेन् खेङ्हाऱनु सोरिक् वाऱ्मा हेःक्तेआङ् यरुसलेम खाराक् दाङ्बाल्ले कुमिङ्ङो मेङ्गिए इङ्भन् चोगुरो ॥

29 हेक्क्याङ् ग्रिक् केबाःप्पा यहुदिहाऱनुआङ् पाःन्धक्ते, कर खेङ्हाऱरे खुनेऱ सेप्पा फाऱआङ् लाम् मेगोःतुर मेवये ॥

30 कन् पाःन्निन् वेऱ नसानिबा फुऱनुसाऱहाऱरे मेघेप्सुआङ् खुनेऱ सिजरियाओ मेदेऱरु ॥ हेक्क्याङ् खेप्पोलाम् सावलेन्ताऱर्सस येक्यक् लेप्पाङ् वालाधालाम् मेबाङ्घु मेदेःसुरो ॥

31 हेक्क्याङ् यहुदिया, गालिल, नु सामरियाओस्मा सेसेहुप्लकहाऱओ निङ्घुम् पोःङ्मा चक् थ्येआङ् येम्येम्वा त्ये ॥ खेङ्हाऱरे दाङ्बान् साऱरिक् इङ्धाःङ् मैबि, हेक्क्याङ् सेसेमाङ्ङिल्ले आःन्छिङ्मा पिरुसिआङ् नसाःन्नो केधुम्बा मेबोःक्खेर खेङ्हाऱ मेबोःरेर मेबेरो ॥

एनियासेन् वेःत्

32 हेक्क्याङ् पत्रुसेन् लाम्दिःक् चोगेर लिद्दाबा नसानिबाहाऱआङ् साऱरुसिरो ॥

33 खेप्पो एनियास मेप्पनाबा तङ्बे येत्छिआङ्धो (८) लङ्लेःङ् तुक्माल्ले तरुआङ् नेत्नाओरक् केनेबा मनाःन् तुमु ॥

34 पत्रुसरे खेन् मेत्तु, “एनियासे, येसु ख्रिस्तरे केवेःन्लो ॥ पोगेऱआङ् केनेत्नाःन् फोःक्खेऱओ!” खिमो खेन् मुत्थ्रिक् पोगे ॥

35 हेक्क्याङ् लिद्दा येक्यक्को नु सारोन तेम्बेऱओ केवाऱबा यरिक् मनाहाऱरे खेन् मनाःन् वेःत्तेबा मेनिःसुआङ् दाङ्बा लेप्पाङ् मेहिसिङ्लो ॥

पत्रुसरे तबिताःन् वेःन्दुऱ

36 हेक्क्याङ् जोप्पा येक्यक्को तबिता मिङ् केवाःप्पा हुऱसाम्मा थिक् वये ॥ (खेल्ले कुमिङ् ग्रिक्को दोरकास वये-खेन्

फाऱइन् पेःड्वा पोःड्लो॥) खेन् सदादिङ् वेऱहाऱे लागि नुःबा याःम्बक् केजोःक्मा नु याङ्गेसाऱबाहाऱ केभाऱमा वयेरो ॥

37 खुनेऱ खेन् येम्मो तुगेआङ् स्ये, हेक्क्याङ् कुधक्किन् वामेहप्तुआङ् थोःस्मा याक्फाओ मेदेऱरुआङ् मेनेस्सुरो ॥

38 जोप्पा येक्यक्किन्लिद्दा येक्यक्कलाम् मेमाःक्खेन्, हेक्केःल्ले हुऱसाम्बाहाऱे पत्रुसेन् लिद्दाओ वाऱ केलाऱबा मेघेप्सुआङ् नेप्फु मनाहाऱ कुलाःसे मेबाङ्घुसिरो॥ हेक्क्याङ् खेङ्हाऱ पेसेत्छिआङ् पत्रुसेन्, “आदाङ्बे, हाराऱ जोप्पाओ फेरेऱओ,” मेतेछुर पेलि फाक्तेत्छुरो ॥

39 खेल्ले चोगुल्ले पत्रुसेन्नाङ् यारिप् पोःक्खेआङ् खेङ्हाऱनु जोप्पाओ पे॥ हेक्क्याङ् खेप्पो केरेनुमेःन्ने खुनेऱ थोःस्मा याक्फाओ मेदेऱरु॥ खेप्पो मेमेदुमाहाऱ पत्रुसरे कुधिरि मेयेबेआङ् दोरकासरे कुहिङ्वेत् वयेल्ले तयुबा तेःप्फुङ्हाऱ ओसेःन्मेधाक्तुर मेहाबे ॥

40 पत्रुसेन् पेआङ् खेप्पोबा केरेक् मनाहाऱ याक्फालाम् लाःक्कात् पाङ्घुसि हेक्क्याङ् खुनेऱ थुङ्बोहजऱ युङ्सिङ्डाङ् तुवा चोगुआङ् खेन् केसिःमा लेप्पाङ् हिसिङ्डाङ् मेत्तु, “तबिताए, पोगेऱओ॥” खेल्ले कुमिक्हाऱ हन्दु, हेक्क्याङ् पत्रुसेन् निःसु हेक्क्याङ् पोगेऱआङ् युङ्सिङ्लो ॥

41 पत्रुसरे कुहुक्को तेम्सुआङ् येप्सु हेक्क्याङ् मेमेदुमाहाऱ नु वेऱ नसानिबाहाऱ पत्रुसरे उःत्तुसिआङ् खेन् हुक्सुप्तुसिरो ॥

42 हेक्क्याङ् जोप्पा खाराक् कन् पाःन्निन् मनाहाऱे निङ्वाऱ मेघोःसुआङ् यरिक्ले दाङ्बान् नसाःन् मेजोगुरो ॥

43 पत्रुसेन् जोप्पाओ कुभा येम् सेहोबाल्ले याःम्बक् केजोःक्पा सिमोनरे कुहिम्मो याःक्तेरो ॥

पत्रुस नु कर्नालियस

1 सिजरिया येक्यक्को कर्नालियस मिङ् केवाःप्पा मनाधिक् वये ॥ खेन् इतालिया मेप्मनाबा रोमि तुरारेन् थक्तुम्बा वयेरो ॥

2 खुनेऱ नु कुहिम्सयङ्हाऱ मिङ्सोदाङ्बा नु साम्योसाबा मेवयेरो ॥ खुनेऱग याङ्गेसाऱबाहाऱ यरिक् कुभाऱ याङ् केबिबा नु थिक्याःन्धक् निङ्वाऱफुमाङ्ङिन्नु तुवा केजोःक्पा वयेरो ॥

3 थिक्येन् लेन्दिक् कुमुक् सुम्सि मुक्तेआङ् वयेल्ले खुनेऱ सुफोधिक् निःसु ॥ खेन् सुफोओ सेक्खाए निङ्वाऱफुमाङ्ङिल्ले पाङ्घुबा माङ्लाइङ्बान् खुनेऱ लेप्माङ् फेरेऱ “कर्नालियसे,” मेत्तुरो ॥

4 कर्नालियसरे किःसेऱ ओमेत्तुर ओबे आदाङ्बे लऱरिक् नोगप् पिरु ॥

खेन् माङ्लाइङ्बाल्ले खुनेऱ मेत्तु, “खेनेऱ केजोगुबा तुवाहाऱ नु याङ्गेसाऱबाहाऱ यरिक् कुभाऱ याङ् केबिरुसिबा पाःन्निन् निङ्वाऱफुमाङ्ङिल्ले निङ्वाऱ इःत्तुआङ् वारो ॥”

5 आल्ल जोप्पा येक्यक्को सिमोन पत्रुस मेप्मनाबा मनाःल्ले कुउःत्छे मनाहाऱ पाङ्घेसेऱओ ॥

6 खेन् वाहङ् पेसाङ्बा सेहोबारे याःम्बक् केजोःक्पा सिमोनरे कुहिम्मो वाऱ ॥

7 खेन् माङ्लाइङ्बान् हेक्के पाःत्तुआङ् पे, हेक्क्याङ् कर्नालियसरे नेप्फु कुसेवारोबाहाऱ नु साम्योबा कुदाङ्सेःप् थक्सुबान् उःत्तुआङ्

8 कन् पाःन्निन् चेक्तुसिर जोप्पाओ पत्रुसरे कुलाःसे खेङ्हाऱ पाङ्घुदेःसुसिरो ॥

9 हेक्क्याङ् कुदाःन्दिक् लेन्दिक् पोःक्खेर पत्छेल्ले खेङ्हाऱ जोप्पा पेसाङ् मेगेरे ॥ लेन्दिक् कुमुक् थिक्-नेत् (१२) मुक्तेल्ले पत्रुसेन् तुवा चोःक्से थाःङ्स्मा आःम्भोओ पे ॥

10 खुनेः सारिक् कुसेत् लाःक्तेआङ् थेइ चामा निङ्वाङ् चोगुआङ् वये, हेक्क्याङ् वेःहाःरे चा मेजोगुर मेबत्छेल्ले कुधना लेक्खेरो ॥

11 हेक्क्याङ् ताङ्साक्पेन्हरेबा कुइसिःक् खेतथोलाम् यम्बा तेःत् हेक्क्याङ्बान् लिसि कुसुक्पो खेःङ्मनाबा थ्येर पत्छेबा निःसु ॥

12 खेप्पो इक्सादिङ् खाम्बेःक्मोबा काक् परिवलेन् थक्साहाः, केसःन्छिङ्बा थक्साहाः नु पुसाहाः मेयागे ॥ खेङ्हाःओ यहुदि साम्योथिमिल्ले चामा आम्बिनेन्बाहाःआङ् मेयागे ॥

13 हेक्क्याङ् पत्रुसरे अक्खे केलाबा इक्लाधिक् खेप्सु, “पत्रुसे, पोगेः! सेःसेःआङ् चेःओ ॥”

14 पत्रुसरे नोगप् पिरु, “सेक्खासाङ् अक्क्याङ्बाग इङ्गाङ् मेजाआन्लो ॥ आल्लो थारिक् निङ्वाङ्फुमाङ्डिल्ले मेदाःक्तुम्बा चा थेआङ् मेन्जाए वाःआरो ॥”

15 हेक्क्याङ् याम्मो इक्क्याङ् त्ये, “निङ्वाङ्फुमाङ्डिल्ले ताःक्तुबा कुजाहाः आप्फाल्लेआङ् याम्पि केजिःम्बा मेलेःत्तेनेःओ ॥”

16 अक्खेलारिक् कन् सुम्मेङ् थारिक् पोःक्खे, हेक्क्याङ् खेन् कुसुङ्मेन् याङ्धो ताङ्साक्पो उःक्खे तेःरेरो ॥

17 हेक्क्याङ् पत्रुसरे कन् सुफोःल्ले कुबेःन् थेइ फाःआङ् निङ्वाङ् इःत्छिङ्गल पत्छेल्ले कर्नालियसरे पाङ्घुसिबा मनाहाः सिमोनेः कुहिम्मिन् मेगोःत्तुर लाम्धेःप्पो मेद्वेरो ॥

18 हेक्क्याङ् खेङ्हाःरे, सिमोन मेप्पनाबा पत्रुसेन् कम्पो वाःबि होःप्पि फाःआङ् सेःन्दोइ मेयेबेरो ॥

19 हेक्क्याङ् पत्रुसरे आल्लसाङ् कन् सुफोङ् थेइ फाःआङ् निङ्वाङ् इःत्तुर पत्छेल्ले सेसेमाङ्डिल्ले मेत्तु, “सिमोने, सुम्सि मनाहाः केगोःत्छे मेद्वेःआङ् मेवाःरो ॥

20 खेल्ले चोगुल्ले पोगेऱआड् यो थ्येऱ, हेक्क्याड् थिम्मेन्दड् सुवाड्सि फाऱआड् चप्चि मेन्जोःक्के खेड्हाऱनु पेगेऱओ ॥ खेड्हाऱग इड्गाऱए पाड्घुड्सिड्बारो ॥”

21 हेक्केःल्ले पत्रुसेन् यो थ्येऱआड् मेत्तुसि, “खिनिऱ केगोःतुम्बा मनाःड्ग इड्गाऱएरो ॥ थेऱआड् कप्पो केदयेऱड्बाबे?”

22 खेड्हाऱरे नोगप् मेबिरु, “आनिगेग कर्नालियस मेप्मनाबा थक्तुम्बेल्ले याप्मि पाड्घेबारो ॥ खुनेऱग साम्योनिबा हेक्क्याड्निड्वाऱफुमाड्डिन्नु केगिबा मना नु यहुदिहाऱरे खुनेऱग साऱरिक्के मिड्सो इड्धाःड् मेबिरुरो ॥ निड्वाऱफुमाड्डिल्ले पाड्घुबा सेसे माड्लाइड्बाधिक्ले खेनेऱ कुहिम्मो उःप्माआड् खेनेऱलाम् पाःप्मा केगत्तुबा पाःन्हाऱ खेम्मा फाऱआड् खुनेऱ मेत्तुरो ॥”

23 हेक्केःल्ले पत्रुसरे खेड्हाऱ हिम्सिगाड् उःत्तुसिआड् तरे ताःक्तुसिरो ॥

कुनाम्दाःप्मा यारिप् पोःक्खेऱआड् खेड्हाऱनुए पे ॥ हेक्क्याड् जोप्पाबा कुभा नसानिबाहाऱआड् खुनेऱनुए मेबेरो ॥

24 कुआत्छिन्दाःन् खेड्हाऱ सिजरियाओ मेगेरेऱआड् कर्नालियसरे कुगाइहाऱ नु निःत्ताड्बा कुन्देःड् कुन्जुम्हाऱ सोरिक् मेबोःक्खेऱआड् खेड्हाऱ मेहाड्घुसिर मेयुडेरो ॥

25 पत्रुसेन् हिम्सिगाड् लाःप्मा इःतेल्ले कर्नालियसरे खुनेऱ तुमुआड् कुलाड्जक्पो साम्बोःन् फन्छिड्डाड् सेवा चोगुरो ॥

26 कर पत्रुसरे खेन् फोःक्खुआड् मेत्तु, “खेनेऱ पोगेऱओ, इड्गाऱग मनाआरक्लो ॥”

27 पत्रुसेन् कर्नालियसेन्नु ताऱजेक्खेर हिम्सिगाड् लाःसे ॥ खेप्पो यरिक् मनाहाऱ मेजुप्सेऱआड् मेयुडेबा निःसुसिरो ॥

28 हेक्क्याड् पत्रुसरे खेड्हाऱ मेत्तुसि, “थिम्मेन्दड् सुवाड्हाऱनु सोरिक् वाऱमा, खुनिऱ हिम्मो पेःक्मा आनिगे यहुदि

साम्योथिम्मिल्ले मेबिरिगेन् केलऱबा खिनिऱ नुःरिक्काड् केनिःसुम्लो ॥ कर निड्वाऱफुमाड्डिल्ले आत्तिन् मनाहाऱआड् आजिःन्जिःम्बा मेप्पासि मेनुऱनेन्लो लऱरिक् ओसेःन्धाक्ताड्लो ॥

29 हेक्केःल्ले खेनेऱ केबाड्घुसिबा मनाहाऱनु थेआड् मेम्बाःत्ते इड्गाऱ कप्पो त्याड्लो ॥ आल्ल थेआड् केउःत्ताड्बा पाःत्तेऱओ ॥”

30 करनालिसयरे खुनेऱ मेत्तु, “लिसियेन् तगि इड्गाऱ लेन्दिक् कुमुक् सुम्सि मुक्तेल्ले तुवा चोःक्कि आहिम्मो यागाड् ॥ खिमो मिक्किन्ने केजेम्बा तेःत् केजाड्बा मनाधिक् इड्गाऱ आदगि ओसेःन्धाक्सिड्डाड्

31 मेत्ताड्, ‘कर्नालियसे, निड्वाऱफुमाड्डिल्ले खेनेऱ केजोगुबा तुवाःन् खेप्सुआड् याड्गेसाऱबाहाऱ केबिरुसिबा कुभाऱ याड्हाऱ निड्वाऱ इःत्तुआड् वाऱरो ॥

32 हेक्केःल्ले जोप्पाओ सिमोन पत्रुस मेप्पनाबा मनाःल्ले कुलाःसे मनाहाऱ पाड्घेसेऱओ ॥ खुनेऱग सेहोबा याःम्बक् केजोःक्पा सिमोनरे कुहिम्मो याःक्तेआड् वाऱ ॥ खेन् हिम्मिन् वाहड्डिल्ले कुयाओ नेरो ॥’

33 खेल्ले चोगुल्ले इड्गाऱ खिमो केलाःसे पाड्घुड्सिड् हेक्केलऱरिक् खेनेऱआड् कप्पो केदयेआड् नुःबाए पोःक्खेरो ॥ आल्लोग आनिगे निड्वाऱफुमाड्डिल्ले कुदगि वयिगेआड् दाड्बाल्ले खेनेऱ थे पाःप्पा इड्जाःड् केबिरेआड् वाऱ, खेन् पाःन् खेम्से कप्पो यारिप् पोःक्खिगेआड् वयिगेरो ॥”

पत्रुसरे उवा चोगुऱ

34 कन् खेप्सुआड् पत्रुसरे पाःप्पा हेःक्तु, “सेक्खाए निड्वाऱफुमाड्डिल्ले मनाहाऱ मेसेन्दुन्छिन्केलऱबा पाःन्निन् आल्ल इड्गाऱ नुःरिक्काड् कुसिड् निःत्तुड्लो ॥

35 कर खेल्ले कुलेक्वा खुनेः इड्धाःङ् केबिबा नु कुनिङ्वाः
हेक्के याःम्बक् केजोःक्पा केरेक् मेन्छाम् सुवाङ्हाः ताःक्तुसिबा
पाःन्निङ्ग सेक्खाएरो ॥

36 आल्ल निङ्वाःफुमाङ्डिल्ले सनारुङ्लेन् सुनाइङ्डिन् काक्
इसाइलिहाःरो पाङ्घुरो ॥ खेन् सुनाइङ्डिङ्ग यहुदिहाःरेन्लक् मेःन्,
कर आनिः केरेक्ले लागि दाङ्बा येसु ख्रिस्तलाम् त्येआङ् वाःरो ॥

37-38 गालिललाम् युहुन्नारे इङ्भोःसुबा बप्तिस्माआङ्धो
यहुदियाओ पोःक्खेबा काक् पाःन्निन् खिनिः केनिःसुम्लो ॥
हेक्क्याङ् निङ्वाःफुमाङ्डिल्ले नासरतस्मा येसुःन् सेसेमाङ्डिन् नु
मुक्साम्मिल्ले माङ्धोःक्ना पिरुआङ् खुनेः साम्योनिबा याःम्बक्
चोःक्कि माफेन्साम्मिल्ले एःप्तुसिबाहाः वेःन्दुसिर लाम्दिःक्
चोगुरो, थेआङ्भेल्ले निङ्वाःफुमाङ्डिन् खुनेःनु वयेबान्नाङ्
केनिःसुम्लो ॥

39 हेक्क्याङ् येसुरे यरुसलेम नु काक् यहुदियास्मा लाजेःओ
चोगुबा याःम्बक्हाःरेन् आनिगे सेःक्युक्मिबाहाः तोःन्दि वयिगेरो ॥
खेङ्हाःरे खुनेःग सिलाम्साक्मा सिङ्सम्दाङ् मेभोःन्दु मेसेरु,

40 कर निङ्वाःफुमाङ्डिल्ले खुनेःए सुम्येन् एगाङ् फोःक्खुआङ्
ओसेःन्दाङ् चोगिगेरो ॥

41 खुनेःग काक् यहुदिहाःनुग मेःन्, कर निङ्वाःफुमाङ्डिल्ले
कुदोःन्दि पिसे सेगिगेबाहाःनु ओसेःन्धाक्सिङ्लो ॥ खुनेः
सिःमेन्लाम् हिङ्गेआङ् आनिगे खुनेःनुए सोरिक् चाःमना थुङ्मनारो ॥

42 हेक्क्याङ् काक् मनाहाः इङ्भन् चोःक्मा हेक्क्याङ्
निङ्वाःफुमाङ्डिल्ले केसिःबा नु केहिङ्बाहाःरेन् खासेन् चोःक्से
खुनेःए सेगुबा पाःन्निन् पाःत्तेम्मेःओ लःरिक् खुनेः याप्मि
इङ्जाःङ् पिरेरो

43 काक् माङ्निङ्वाःपाःन् केबाःप्पाहाःरे खुनेः कुयाःम्बेओ
अक्खेलःरिक् मेबाःनुआङ् वाः, निङ्वाःफुमाङ्डिल्ले माङ्हुप्

चोगुबा हाङ्ङिन् नसाःन् केजोःक्पा आत्तिल्लेसाङ्ङ खुनेहलाम् कुलायोरेन् लेप्मि खोःसुरो ॥”

थिम्मन्दङ्ङ सुवाङ्ङहाहरे सेसेमाङ्ङमेघोःसुह

44 पत्रुसरे अक्खेलहरेक् पाःत्तुर पत्छेल्लेसा खेन् सुनाइङ्ङ केधेम्बाहाह सम्दाङ्ङ सेसेमाङ्ङिन् चुक्तेरो ॥

45 खेन् पत्रुस नु जोप्पालाम् केभेम्बा यहुदि नसानिबाहाहरेआङ्ङ निङ्ङवाहफुमाङ्ङिल्ले थिम्मन्दङ्ङ सुवाङ्ङहाहआङ्ङ सेसेमाङ्ङिल्लेन् पर्धाःम् पिरुसिबा मेनिःसुआङ्ङ खुनिह निङ्ङवाह मयेरो ॥

46 थेआङ्ङभेल्ले खेन् मनाहाहरे वेह पाःन्दाङ्ङहाह मेबाःत्तुबा नु निङ्ङवाहफुमाङ्ङिल्ले कुनारा मेभोःसुबा खेङ्ङहाहरे मेघेप्सुरो ॥

हेक्क्याङ्ङ पत्रुसरे मेत्तुसि,

47 “कन् मनाहाहरेआङ्ङ सेसेमाङ्ङिन् आनिह हेक्केए मेघोःसुआङ्ङ मेवाहबाल्ले चोगुल्ले आल्ल कन् मनाहाह हाःत्ले बप्तिस्मा पोःङ्ङमा साक्तुसिबे?”

48 हेक्केःल्ले पत्रुसरे खेङ्ङहाह येसु ख्रिस्तरे कुमिङ्ङो बप्तिस्मा पिमा पाङ्ङुसि ॥ हेक्क्याङ्ङ खेङ्ङहाहरेआङ्ङ कुभा येन् खुनिहनुए वाहनि फाहआङ्ङ खुनेह पेलि मेभाक्तुरो ॥

11

पत्रुसरे यरुसलेम्बा सेसेहुप्लक्को पोधक् चोगुह

1 आल्ल यहुदियाओ केवाहबा सेःक्युक्मिबाहाह नु वेह नसानिबा फुहनुसाहहाहरे कुभा थिम्मन्दङ्ङ सुवाङ्ङहाहरेआङ्ङ निङ्ङवाहफु पाःन्जाक्किन् मेदाःक्तु केलाहबान् मेघेप्सुरो ॥

2 हेक्क्याङ्ङ पत्रुसेन्यरुसलेम नुःक्खेआङ्ङ वयेल्ले कुभा यहुदि नसानिबाहाहरे खुनेह इङ्ङदो मेमेत्तुर

3 अकखेलऱरिक् मेमेत्तु, “खेनेऱग हर्दो मेन्हेकमनाबा सुवाङ्ङो तरे केबोःकखेआङ् केजरो ॥ कङ्ग आनिगे साक्थिम्मेरे कुदक्लेङ्वाओ वयेरो ॥”

4 हेक्केःल्ले पत्रुसरे कन् काक् पोःकखेबा हिन्दोःक्हाऱ थेथेप्पाङ् पोधक् चोगुसि-

5 “इङ्गाऱ जोप्पा येक्यक्को तुवा चोःक्कि वयाङ्ङिल्ले सुफोधिक् निःसुङ् ॥ ताङ्साक्पोलाम् यम्बा तेःत् हेक्तङ्बान् लिसि कुसुकपो खेःङ्मनाबा आबेसाङ् मक्थ्येबा इङ्गाऱ निःसुङ् ॥

6 खेप्पो इक्साओबा काक् परिक्पा चामा मेन्नुऱमनाबा केसःन्छिङ्बा, ताम्भुङ् नु हिम्थक्साहाऱ हेक्क्याङ् पुसाहाऱ मेयागेबा निःसुङ्सिङ् ॥

7 ताङ्साक्पोलाम् इक्लाधिक् खेप्सुङ्, ‘पत्रुसे, पोगेऱ! सेरेसेऱआङ् चेऱओ ॥’

8 कर इङ्गाऱ नोगप् पिरुङ्, ‘सेक्खासाङ् अक्तङ्बाग इङ्गाऱ मेजाआन्लो ॥ आल्लो थारिक् निङ्वाऱफुमाङ्ङिल्ले मेदाःक्तुम्बा चा थेआङ् मेन्जाए वाऱआरो ॥’

9 याम्मो ताङ्साक्पोलाम् खेन् इक्लान् खेप्सुङ्, ‘निङ्वाऱफुमाङ्ङिल्ले ताःक्तुबा कुजाहाऱ आप्फाल्लेआङ् याप्पि केजिःम्बा मेलेःत्तेन्नेऱओ ॥’

10 हेक्केलऱरिक् सुम्लेङ् अकखे पोःकखेआङ् ताङ्साङ् थो खेन् पक्खे तेऱरेबा निःसुङ्लो ॥

11 बा खेन् येम्मो सिजरियालाम् आलाःसे मेबाङ्घुसिबा सुम्सि मनाहाऱ इङ्गाऱ याःक्ताङ्बा हिम्मो मेगेरे ॥

12 सेसेमाङ्ङिल्लेआङ् मेत्ताङ्, ‘थिम्मेन्दङ् सुवाङ्सिसाङ् चप्पि मेन्जोःक्के खेङ्हाऱनु पेगेऱओ ॥’ खेप्पो तुक्सि नसानिबा फुऱनुसाऱहाऱआङ् इङ्गाऱनु सिजरियाओ मेबे, हेक्क्याङ् सोरिक् कर्नालियसरे कुहिम्मो पेःक्मनारो ॥

13 खुनेऱआङ् आक्खेलऱरिक् माङ्लाइङ्बान् कुहिम्मो त्येआङ् खुनेऱ मेत्तुबान् याप्मि चेक्ते, 'कुभा मनाहाऱ जोप्पाओ सिमोन पत्रुसरे कुलाःसे पाङ्सेसेऱओ ॥

14 खुनेऱ पाःत्तुबा पाःन्जाक्किल्ले खेनेऱ नु काक् केहिम्सयङ्हाऱरे सेन्लप् केघोःसुम्लो ॥'

15 इङ्गाऱ पाःप्मा हेःक्तुङ्गल पत्छाङ्ङिल्ले सेसेमाङ्ङिन् तगि आनिऱ सम्दाङ् चुक्तेबा हेक्के खेङ्हाऱ सम्दाङ्ङाङ्चुक्तेरो ॥

16 हेक्क्याङ् इङ्गाऱ दाङ्बाल्ले पाःत्तुबा पाःन्निन् निङ्वाऱ इःत्तुङ्-‘बप्तिस्मा केबिबा युहुन्नाःल्ले च्वाःतिल्ले बप्तिस्मा केबिरि, कर खिनिऱग सेसेमाङ्ङिल्ले बप्तिस्मा केबोःक्खिऱरो ॥’

17 आनिऱ दाङ्बा येसु ख्रिस्तेन्नसाःन् आजोगुम्मिल्ले निङ्वाऱफुमाङ्ङिल्ले पर्धाःम्आबिरेबा कुइसिःक्के थिम्मेन्दङ् सुवाङ्हाऱरेआङ् सेसेमाङ्ङिल्लेन् पर्धाःम्माङ् मेघोःसुरो ॥ खिल्ले चोगुल्ले निङ्वाऱफुमाङ्ङिल्ले अक्खेलऱरिक् याःम्बक् चोगुबान् अप्पा केसुकपा इङ्गाऱ हाःत्आबे?”

18 हेक्क्याङ् खेन् यहुदि नसानिबाहाऱरे कन् पाःन्निन् मेघेप्सुल्ले खुनेऱनु पाःन् थक्मा मेलेरुआङ् अक्खे मेबाःत्तुर निङ्वाऱफुमाङ्ङिल्ले कुनारा फोःमा मेहेःक्तुरो, “निङ्वाऱफुमाङ्ङिल्ले थिम्मेन्दङ् सुवाङ्हाऱरेआङ् लायोलाम् हिम्माआङ् मेन्नुप्पनाबा हिङ्मन्लेन् सुयेम् पिरुसि केलऱबा पाःन्निन् नुःरिक्काङ् केनिःसुम्लो ॥”

एन्तिओक्कोबा सेसेहुप्लक्

19 आल्ल स्तिफनसेन् मेसेरुआङ् एगाङ् यरुसलेम्मो तुक्खे मेजाःत्तुसिबाल्ले चोगुल्ले नसानिबाहाऱ काक् पिसाङ् मेसेऱेर मेबेरो ॥ कुभाग फोनिशिया तेङ्गप्, सैप्रस वागप्खाम्, नु एन्तिओक् येक्कयक्काङ् मेगेरेरो ॥ खेङ्हाऱरेग खेप्पोबा यहुदिहाऱरक् सुनाइङ् इङ्मेभोःसुसिरो ॥

20 कर सैप्रस नु साइरेनिबा कुभा नसानिबा फुःनुसाःहाः
एन्तिओक्को मेबेआड् थिम्मेन्दड् सुवाड्हाः दाड्बा येसुरे
क्याःम्बेओ सुनाइड्डिन् इड्भन् मेजोगुसिरो ॥

21 दाड्बाल्ले कुमुक्साम्मिन् खेड्हाःनु वये, हेक्क्याड् यरिक्
मनाहाःरे नसाःन् मेजोगुआड् दाड्बा लेप्पाड्मेहिसिड्लो ॥

22 कन् इड्घड्डिन् यरुसलेम्मोबा सेसेहुप्लक्कोआड् केरे ॥
हेक्क्याड् खेड्हाःरे बरनाबासेन् एन्तिओक्को मेबाड्घुरो ॥

23 खुनेः खेप्पो केरेआड् खेप्पोबा मनाहाःओ
निड्वाःफुमाड्डिल्ले मुःड्साम् थाःसुबा निःसु, हेक्केःल्ले खुनेः
साःरिक्के सःतेआड् खेड्हाः सिक्कुड्मोनु सेक्खाए दाड्बाओ
वयेम्मेःओ फाःआड् हाड्हाड् मेत्तुसिरो ॥

24 बरनाबासेन् मिड्सो इड्धाःड्साबा हेक्क्याड् सेसेमाड्डिल्ले
थुक्तुबा नु नसाःन्निल्ले कुधिम् चोगेरो ॥ हेक्क्याड् यरिक् मनाहाः
खुनेः क्याःम्बक्कोलाम् दाड्बाओ मेदयेरो ॥

25 हेक्क्याड् बरनाबासेन् सावलरे कुगोःत्छे तार्सस पेरो ॥

26 खेप्पो खुनेः तुमुआड् एन्तिओक्को तारु ॥ हेक्क्याड् तड्बे
खाराक् खेड्हाःरे सेसेहुप्लक्को मनाहाः तुमेत्छुर यरिक् मनाहाः
हुःरेत्छुरो ॥ (हुःसाम्बाहाः एन्तिओक्कोए काक्नु तगि ख्रिस्तानिसि
फाःआड् मेमेत्तुसिरो ॥)

27 कन् येम्मो कुभा माड्निड्वाःपाःन् केबाःप्पाहाः
यरुसलेम्माम् एन्तिओक्को मेदये ॥

28 खेड्हाःओ थिक् अगाबस मेप्पनाबेन् पोगेआड् आल्ल
काक् इक्सादिड् खाम्बेःक्को ताःन्दि केदाःबार केबप्पा पयम्
साक्किल्ले क्याःम्बेओ सेसेमाड्लाम् माड्निड्वाःपाःन् पारेरो ॥
(कड्ग कलाउदियस हाड्डिल्ले हाड् चोगुबा येम्मो पोःक्खेरो ॥)

29 एन्तिओक्कोबा हुःसाम्बाहाःरे खुनिः निड्वाःबो यहुदियाओ
केवाःबा काक् फुःनुसाःहाःरे लागि खुनिः सुक्कु कुभाः पिमासि

फाऱआङ् निङ्वाऱ मेदङ्घुरो ॥

30 हेक्केःल्ले खेङ्हाऱरे कुभाऱ याङ्ङिन् मेभोःक्खुआङ् बरनाबास नु सावलरे खुन्धिऱ हुक्लाम् खेन् फाऱयाङ्ङिन् यहुदियास्मा सेसेहुप्लक्कोबा तुम्लाम्लोःबाहाऱ मेहाक्तुसिरो ॥

12

हेरोदरे सेसेहुप्लक्किन् निङ्घुम् मेत्तुऱ

1 खेन् येम्मो हेरोद अग्रिपा* हाङ्ङिल्ले सेसेहुप्लक्कोबा कुभा नसानिबाहाऱ तुक्खे चाःप्मा हेःक्तुसिआङ्

2 खेल्ले युहुन्नारे कुम्भुऱ याकुबेन्नाङ् ताभेःल्ले सेप्मा पाङ्घुसिरो ॥

3 हेक्क्याङ् खेल्ले हेक्के चोगुल्ले यहुदि लाम्लोःबाहाऱ मेसःत्तेबा निःसुसि, खेल्ले चोगुल्ले पत्रुसेन्नाङ् तेम्मा निङ्वाऱ चोगुरो ॥ कन् हिन्दोःक्किन् सिदाऱ मेम्भःन्नेबा खरेःङ् चामा तङ्नाम्मो पोःक्खेआङ् वयेरो ॥

4 हेरोदरे पत्रुसेन् तेम्मा पाङ्घुसिआङ् पुङ्लाहिम्मो साक्तु ॥ हेक्क्याङ् खेप्पो थिक् थिक् लक्को लिसि लिसि थक्सुबाहाऱरे पत्रुसेन् सेन्दिक् लेन्दिक् कोमा पाङ्घुसिरो ॥ हेक्क्याङ् हेरोद हाङ्ङिल्ले खेन् यहुदि चोःक्युम्भो तङ्नाम् चुःत्ताङ् पत्रुसेन् यहुदिहाऱरे खुनिऱ तगि खासेन् लोःम्माआङ् खुम्दिङ् पिमा निङ्वाऱ चोगुआङ् वयेरो ॥

5 हेक्केलऱरिक् पत्रुसेन् पुङ्लाहिम्मो मेसाक्तुआङ् वयेल्ले सेसेहुप्लक्कोबा मनाहाऱरे खुनेऱ कुलागि चक्मेल्लऱए पेलिगेन् तुवा चोःक्कि मेयागेरो ॥

* 12:1

पत्रसेन् पुड्लाहिम्मोलाम् लेत्

6 हेक्क्याङ् हेरोद हाङ्ङिल्ले मनाहाऱे खुनिऱ तगि पत्रसेन् ताःप्मानुःल्ले तगिस्मा सेन्दिकको नेत्छि थक्सुबाहाऱे खुन्छिऱ लुम्मो नेत्छि फेन्जेऱ हुक्पाःङ्गिल्ले इमेघेःक्खुआङ् खेन् इप्सेआङ् नेस्सेरो ॥ हेक्क्याङ् पुड्लाहिम्मोबा लाम्मोआङ् थक्सुबाहाऱ लाम्मोइ मेयेबेरो ॥

7 खिमो खेन् पुड्लाहिम्मोबा याक्फाङ्ङिन् सेन्दाङ्गेन् ओःत्तिल्ले थोररुर दाङ्बाल्ले पाङ्घुबा माङ्लाङ्ङबान्नाङ् खेप्पो थाःन्छिङ् ॥ हेक्क्याङ् माङ्लाङ्ङबाल्ले पत्रसरे कुभक्ताङ्ङो फेक्फेक् हिप्पुर फोःक्खुआङ् अक्खे मेत्तु, “हारा पोगेऱ ॥” हेक्क्याङ् पत्रसरे कुहुक्को केबप्पा फेन्जेऱ हुक्पाःङ्गिहाऱ पाःक्खेआङ् मक्ख्येरो ॥

8 हेक्क्याङ् माङ्लाङ्ङबाल्ले खुनेऱ मेत्तु, “फऱइ युप्सेआङ् लाङ्सुःप्पिन् चाक्खेऱ ॥” पत्रसरे हेक्के चोगु, हेक्क्याङ् माङ्लाङ्ङबाल्ले मेत्तु, “सुङ्घेःक्वान् हेप्सिङ्ङेऱआङ् तिम्दाङ्ङेऱओ ॥”

9 हेक्केःल्ले पत्रसरेआङ् पुड्लाहिम्मोलाम् लाःक्कात् तिम्दुरो ॥ कन् माङ्लाङ्ङबाल्ले तादिगेन् सेप्माङ्ङो चोगुबाबि इ याक्थुङ्घोओ चोगुबाबि फाऱआङ् खुनेऱ थेआङ् निङ्वाऱ मेघोःसुन्लो ॥ खुनेऱग सुफोने निःसुङ्बाबि लऱरेरो ॥

10 हेक्केलऱरिक् खेङ्हाऱे थिक्सिगेःक्स्मा नु निसिगेःक्स्मा लाम् केगोःबा थक्सुबा येप्पाःन्काःक्तेत्तुआङ् येक्यक्को लाःप्मा फेन्जेऱ लाम्धेःप्पो केरेत्छि ॥ खेन् लाम्धेःप्पिन्नाङ् खुन्छिऱ लागि आबाडे हन्छिङ्, हेक्क्याङ् नेप्माङ् लाःक्कात् लःन्देत्छिरो ॥ खेङ्हाऱ येक्यक्कोबा माराम्मो लःन्देत्छिआङ्लाङ्घेःगेत्छिऱ पत्छेत्छिल्लेए माङ्लाङ्ङबाल्ले खिमो पत्रसेन् लेरुध ॥

11 हेक्क्याड् पत्रुसरे कन् सेक्खाए पोःक्खेबारो फाऱ्आड् खुनेऱ् निड्वाऱ् खोःसुआड् अक्खे मेत्छिड्, “कन् पाःन्निङ्ग सेक्खाएरो ॥ दाड्बाल्ले खुनेऱ् कुमाड्लाइड्बान् पाड्घुआड् यहुदि लाम्लोःबाहाऱे निड्साड् मेजोगुबा नु हेरोदलाम् इड्गाऱ् सेःप्ताड्लो ॥”

12 हेक्क्याड् खुनेऱ् कन् निड्वाऱ् खोःसुआड् युहुन्ना मर्कुसरे कुम्मा मरियमरे कुहिम्मो पे ॥ खेप्पो यरिक् नसानिबाहाऱ् मेजुप्सेआड् तुवा चोःक्कि मेयागेरो ॥

13 पत्रुसरे लाम्धेःप्पिन् लाःक्कात्लाम् खाक्खु हेक्क्याड् रोदा मेप्मनामा सेवारोमान् ओमेत्छे फेरे ॥

14 खेल्ले पत्रुसरे कुइकलाःन् कुसिड् निःत्तुआड् लाम्धेःप्पिन् मेन्हन्ने सःत्तेर लोःक्ते पेआड् “पत्रुसेन् लाःक्कात् त्येआड् येप्पो” मेत्तुसिरो ॥

15 खेड्हाऱे “खेनेऱ्ग केनाक्खेबि थेःन्बे” मेमेत्तुरो ॥ खेल्ले कन् पाःन्निन् सेक्खाएरो लऱरिक् हादिड् थक्तेल्ले खेड्हाऱे खुनेऱ् नोगप् मेबिरु, “खेड्ग पत्रुसेन् कम्ब्राड् केमेप्पा माड्लाइड्बान् लाऱ्बे!”

16 कर पत्रुसरे चक्मेल्लऱए लाम्धेःप्पेन्खाक्खुरो ॥ याड्सि खेड्हाऱ् मेबेआड् लाम्धेःप्पेन्मेहन्दुल्ले खुनेऱ् सेक्खाए मेनिःसुआड् खुनिऱ् निड्वाऱ् मयेरो ॥

17 पत्रुसरे खेड्हाऱ् हुक्चाःल्किःल्ले स्वाःत् चोगुसिआड् आक्खेलऱरिक् दाड्बेल्ले खुनेऱ् पुड्लाहिम्मोलाम् लाःक्कात् लःत्तु केलऱ्बा पाःन्निन् पोधक्तुसिरो ॥ हेक्क्याड् कन् पाःन्निन् आनिऱ् लाम्लोःबा याकुब नु फुऱनुसाऱ्हाऱ्आड् मेत्तेम्मिस्मेऱ् लऱरिक् मेत्तुसिआड् खुनेऱ् खेप्पोलाम् वेऱस्मा तेन्नो पेरो ॥

18 हेक्क्याड् कुनाम्दाःप्पा खाओःत्तेआड् पत्रुसेन् थेमा पोःक्खेबे फाऱ्आड् खेन् पुड्लाहिम् केगोःबा थक्सुबा लुम्मो यम्बा हयड्किल्लिड्पोःक्खेरो ॥

19 खेन् निड्वाः खोः सुआड् हेरोदरे थक्सुबाहाः सेःन्दोसुसिल्ले खेड्हाःरे थेआड् नोगप् पिमा मेन्छुक्तुन्, हेक्केःल्ले खेड्हाः सेप्मा पाङ्घुसिरो ॥ हेक्क्याड् हेरोदेन यहुदियालाम् सिजरिया येक्यक्को कुभा येन् वाःसे पेरो ॥

हेरोद हाड्डिल्ले कुसिःमेन्

20 खेन् येम्मो हेरोद हाड्डिल्ले तायर नु सिदोनस्मा मनाहाःनु साःरिक् कुसिक् पोगेआड् वये ॥ हेक्केःल्ले खेड्हाः थिक्हुप् मेबोःक्खेआड् हेरोद हाड्डिन्नु नादड् चोःक्से कुदुम्से मेबे, थेआड्भेल्ले केरेक् चामा थुड्माहाः हेरोद हाड्डिल्ले कुलाजेःओलाम् मेदारु मेवये कर हाड्डिल्ले खेन् चामा थुड्मा केदाःबा लाम्मिन् साक्मा पाङ्घुसिआड् वयेरो ॥ काक्नु तगि हाड् हिम्मोबा बालास्तस मेप्पनाबा नसाःन्साबा मनाःन् हुक्को मेदारुआड् हाड्डिन्नु ताःजेड्मा येम् मेघोःसुरो ॥

21 हेक्क्याड् खेन् तुम्मा येन्नो हेरोद हाड्डिल्ले हाड्देःत्तिन् चाक्खुआड् हाड्युकनाओ युड्सिड्डाड् मनाहाः उवा चोगुसिरो ॥

22 हेक्क्याड् मनाहाःरे कन् केबाःप्पेन्माड्लो, मेन्छाम्गेन् याप्मिग मेःन्लो लःरिक् मेअःक्तेरो ॥

23 खिमो दाड्बाल्ले पाङ्घुबा माड्लाड्डबाल्ले हेरोद हाड्डिन् यःधेत्तुर याःन्दु, थेआड्भेल्ले खेल्ले निड्वाःफुमाड्डिन् मिड्सो इड्धाःड् मेबिरुन्लो ॥ हेक्क्याड् खुनेः स्योःड् स्योःड् लःरिक् फेःबाःत् थ्येआड् स्येरो ॥

24 कर निड्वाःफु पाःन्जाक्किन् चक्मेल्लःए सेःरेआड् पोरेः पेरो ॥

बरनाबास नु सावलेन्मेसेगुसिआड् मेबाड्घुसिः

25 बरनाबास नु सावलरेआड् यरुसलेम्मो फाःयाड् सेध्येत्छुआड् एन्तिओक्को नुःक्खेत्छि त्येत्छिरो ॥ खुन्छिःनुए यहुन्ना मर्कुसेन्नाड् तारेत्छुरो ॥

13

1 एन्तिओकस्मा सेसेहुप्लक्को माङ्निङ्वाऱपाःन् केबाःप्पाहाऱ नु सिक्साम्बाहाऱ मेवये-बरनाबास, माक्ला मेप्मनाबा सिमियोन, साइरेनिलाम् केदाःबा लुसियस, सुहाङ्गेम्बा हेरोदेन्नु केबोःबा मानेन हेक्क्याङ् सावल वयेरो ॥

2 थिक्येन् खेङ्हाऱरे चाःनेत्तो मेयुडेऱ दाङ्बाल्लेन् सेवा मेजोगुर मेवयेल्ले सेसेमाङ्डिन् खेङ्हाऱओ अक्खेलऱरिक् पारे, “बरनाबास नु सावलेन् इङ्गाऱ आलागि सेन्देम्सिम्मेऱओ, खेङ्हाऱग इङ्गाऱ आयाःम्बक् चोःक्से उःत्तुङ्सिङ्डाङ् वाऱसिरो ॥”

3 हेक्केःल्ले याम्मो खेङ्हाऱरे चाःनेत्तो मेयुडेऱआङ् तुवा मेजोगु, हेक्क्याङ् खुनिऱ हुक्हाऱ बरनाबास नु पावलरे खुन्छिऱ सम्दाङ् मेनेस्सुआङ् तुवा मेजोगु हेक्क्याङ् मेबाङ्घु मेदेःसुसिरो ॥

पावलरे थिक्सिगेःक्स्मा माङ्सेवा कुलाम्दिःक्

4 बरनाबास नु सावलेन्सेसेमाङ्डिल्ले पाङ्घुसिआङ् सिलुकिया येक्यक्को पेसि ॥ खेप्पोनु वालाधालाम् सैप्रस वागप्लाजेऱओ पेसिरो ॥

5 हेक्क्याङ् सालामिस पाङ्जुम्मो केरेत्छिआङ् खेप्पो खेङ्हाऱरे निङ्वाऱफु पाःन्जाक्किन् यहुदि चुम्लुङ्हिम्हाऱओ इङ्भन् चोगेसुरो ॥ खेङ्हाऱनु कुभाऱ केबिबा युहुन्ना मर्कुसेन्नाङ् वयेरो ॥

6 खेङ्हाऱ पाफोस येक्यक्को मेङ्गेत्ते थारिक् वागप्लाजेऱ खाराक् लाम्दिःक् मेजोगे ॥ खेप्पो खेङ्हाऱरे थिक् यहुदि इङ्लेक्पा माङ्निङ्वाऱपाःन् केबाःप्पा बार-येसु मेप्मनाबा किच्चाक्किन् मेदुमु ॥

7 खेल्ले कुन्देःङ्बान् खेन् वागप्लाजेऱओबा सुहाङ्गेम्बा सर्गियस पौलुसेन् वयेआङ् सोरिक् खेन् खुनेऱनु ताक्कन्देरो ॥ सर्गियस पौलुसेन् सिक्कुम्दिङ् निङ्वाऱसाबा वये ॥ खेल्ले

बरनाबास नु सावलेन् उःतुसि, थेआङ्भेल्ले निङ्वाऱफु
पाःन्जाक्किन् खेम्मा निङ्वाऱ चोगुरो ॥

8 कर खेन् कित्चाक् इलुमासेन् (ग्रिक पाःन्दाङ्डो खेल्ले
कुमिङ्डिल्ले कुबेःन् कित्चाक् पोःङ्लो) खुन्छिऱ तक्लेङ्वाओ
पोगेआङ् सुहाङ्गेम्बा सर्गियस पौलुसेन् येसुःन्नसाःन् चोःक्
मेम्बाङ्मा तम्सिन् चोगुआङ् खेङ्हाऱ अत्तुसिरो ॥

9 हेक्क्याङ् सेसेमाङ्डिल्ले थुक्तुआङ् सावलरे (खेल्ले कुमिङ्
पावलआङ् वयेरो) खेन् इलुमासेन् अदक्तक्काङ् ओमेत्तुर मेत्तु,

10 “खेनेऱ माफेन्साम्मिल्ले कुस्साःए, काक् साम्योनिमाल्ले
कुनिङ्मिए, खेनेऱग काक् इङ्लेक् नु फेन् याःम्बक्ले कुधिम्
केवाऱरो ॥ खेनेऱ दाङ्बाल्ले तोःन्दोःम्बा कुलाम्मिन् पेगेक्-
वगेक्चोःक्मा लेरेऱ!

11 दाङ्बाल्ले खुम्दिङ् केबिऱआङ् आल्ल खानिःमा
मेन्छुक्मनाबा केबोःङ्डाङ् कुभा येम् थारिक् खेनेऱग नाम्मिन्नाङ्
निःमा केन्छुक्तुन्लो ॥” खिमो इलुमासरे कुमिक्को खाम्दःम्बाल्ले
तेप्तुबा कुइसिःक् पोःक्खेबा निङ्वाऱ खोःसुआङ् थेआङ् निःमा
मेसुक्तुन्लो ॥ खेनेऱग कुभारे मेदेम्माआङ् मेउःङ्डानि फाऱआङ्
सप्पुर लाङ्घेःक्मा हेःक्तेरो ॥

12 सुहाङ्गेम्बाल्ले कन् हिन्दोःक्किन् निःसुआङ् येसुःन्नसाःन्
चोगु, थेआङ्भेल्ले दाङ्बेल्ले कुनिसाम्मिल्ले कुर्याःम्बेओ
कुनिङ्वाऱ मयेरो ॥

पिसिदियास्मा एन्तिओक्को

13 खेन् याङ्सि पावल नु कुन्जुम्हाऱ पाफोसलाम् पाम्फिलिया
थुम्मोबा पर्गाओ वालाम्दिःक् मेजोगु, कर युहुन्ना मर्कुसरे खेङ्हाऱ
खेप्पो पक्थसिआङ् यरुसलेम्मो नुःक्खे पेरो ॥

14 पावल नु बरनाबासेन् पर्गालाम् पिसिदिया थुम्मोबा एन्तिओक येक्यक्को पेसि॥ हेक्क्याड् नाःम्सिड्येन्नो यहुदि चुम्लुड्हिम्मो खेड्हार पेसिआड् युड्नेछिरो ॥

15 मोसारे साप्तुबा साम्योथिम् नु माड्निड्वाऱपाःन् केबाःप्पाहारै मेसाप्तुबा साप्पन्लाम् मेनिःरु मेसुरुआड् लाम्लोःबाहारै खेड्हार अक्खे मेमेत्तुसि, “फुऱनुसाऱसे, आनिगे मनाहार हाड्हाड् मेप्मासि इड्घड् केगत्छुने फाऱग्र पाःत्तेसेऱओ ॥”

16 पावलेन् मुत्थिक् पोगेआड् हुक्चाःल्कि चोगुर पाःप्पा हेःक्ते, “इसाइलि फुऱनुसाऱ नु निड्वाऱफुमाड्डिन् सेवा केजोःक्पा थिम्मन्दड् सुवाड्सासे, आघेप्सेम्मेऱओ!

17 कन् इसाइलिहारै सेवा मेजोगुबा निड्वाऱफुमाड्डिल्ले आनिऱ पाधेबा सुधेबाहारै सेगुसिआड् मिस्र लाजेऱओ माःड्घाबा लाजेऱसाबा हेक्के मेवयेल्ले यम्बा सुवाड् चोगुसिरो ॥ हेक्क्याड् पयम् मुक्साम्नु खेन् लाजेऱओनु लाःक्कात् लःत्तुसिआड्

18 एःक्सादेन्नो तड्बे लिबोःड्थारिक् खेड्हार कम्ब्राड् मेत्तुसिरो ॥

19 हेक्क्याड् खुनेऱग कनान लाजेऱस्मा नुसि सुवाड्हार मेक्खुसिआड् खेन् लाजेऱओ कुमनाहारै युक्दाड्बा चोगुसिआड्

20 तड्बे कुगिप् लिसिआड् कुभ्रेःड् (४५०) थारिक् खेड्हारै खेन् लाजेऱड्न्मेयुक्तुरो ॥

हेक्क्याड् माड्निड्वाऱपाःन् केबाःप्पा सामुएल थारिक् खासेन्युक्पाहारै पिरुसिरो ॥

21 हेक्क्याड् खेड्हारै हाड् मेनाःक्तुल्ले खुनेऱ बेन्जामिन सुवाड्स्मा किसरे कुस्साः सावलेन् पिरुसिआड् खेल्ले तड्बे लिबोःड्(४०) थारिक् हाड् चोगुरो ॥

22 हेक्क्याड् निड्वाऱफुमाड्डिल्ले खुनेऱ हाड्युकलाम् खेतुआड् दाउदेन् हाड् चोगुरो ॥ हेक्क्याड् निड्वाऱफुमाड्डिल्ले पाःत्तु, ‘यिसैरे

कुस्साः दाउदेङ्ग आनिङ्वाऱ हेक्के याःम्बक् केजोःक्पा आसिराऱ केधाङ्बा मनारो ॥*

23 बा कन् मेन्छाम् थाःक्कोलाम् निङ्वाऱफुमाङ्डिल्ले माङ्हेक् चोगुसिबा कुइसिःक् सेन्लपदाङ्बा येसुःन् आनिऱ इस्राइलिहाऱओ पाङ्घुरो ॥

24 येसुरे कुमाङ्सेवा याःम्बक्कन् हेःक्मानुःल्ले तगि युहुन्नारे इस्राइलस्मा काक् मनाहाऱ खुनिऱ लायोलाम् मेहिन्नाङ् बप्तिस्मा मेबोःङ् ल फाऱआङ् इङ्भोःसुसिरो ॥

25 हेक्क्याङ् युहुन्नारे खुनेऱ कुमाङ्सेवा याःम्बक्कन् सुःप्मा इःत्तुल्ले मनाहाऱ अक्खे मेत्तुसि, ‘इङ्गाऱ हाःत्ता फाऱआङ् याप्मि केइःत्तिबे? इङ्गाऱग खिनिऱ केहाङ्घुम्बा मनाःङ्ग मेःन्नारो, खुनेऱग इङ्गाऱनुःल्ले याङ्सि ताःरो ॥ खुनेऱ कुलाङ्सुःप्पिल्ले कुनाम्हाऱआङ् फाःङ्मा मेलाऱआन्लो ॥’

26 अब्राहामरे कुमुऱइदाङ्सा इस्राइलि फुऱनुसाऱ नु निङ्वाऱफुमाङ्डिल्ले कुसेवा केजोःक्पा थिम्मेन्दङ् सुवाङ्सासे, आनिऱओए निङ्वाऱफुमाङ्डिल्ले कन् सेन्लप्पिल्लेन्सुनाइङ्घङ्डिन् पाङ्घुआङ् वारो ॥

27 कन् यरुसलेम्मो केवाऱबा मनाहाऱ नु खुनिऱ लाम्लोःबाहाररे येसुःन् कुसिङ् मेन्निःत्तुन्, कर आप्तिक् मेगुःत्तुल्ले नाःम्सिङ्येन् थप्पे मेनिःरुबा माङ्निङ्वाऱपाःन्निन् केरेबारो ॥

28 हेक्क्याङ् खुनेऱग सिःमेल्लेन् खुम्दिङ् पिमा थेमा आप्तिक्काङ् मेङ्घोःसुन्छाङ् पिलातसेन् खेन् सेप्माए पोःङ् फाऱआङ् पेलि मेभाक्तुल्ले तेन्देरो ॥

29 हेक्क्याङ् खुनेऱ कुयाःम्बेओ साम्योसाप्लाओ साप्तेआङ् केबप्पा पाःन्हाऱ मेजोगु मेसुरुआङ् सिलाम्साक्मा सिङ्सम्दाङ्लाम् कुन्जुम्हाररे मेधासुआङ् इप्पुङ्डो मेनेस्सुरो ॥

* 13:22 0 00000000 00.१४

30 कर निड्वाऱफुमाड्डिल्ले खुनेऱग सिःमेःनलाम् कुहिड्वेत् चोगुरो ॥

31 हेक्क्याड् यरिक् येन् थारिक् खुनेऱनु गालिललाम् यरुसलेम् थारिक् लाम्दिःक् केजोःक्पाहाऱरो ओसेःन्धाक्सिड्ल वयेरो ॥ आल्ल खेड्हाऱ इस्त्राइलस्मा मनाहाऱरे लागि तोःन्दि मेवाऱरो ॥

32 हेक्क्याड् निड्वाऱफुमाड्डिल्ले आनिगे पाधेबाहाऱऱ पिरुसिबा माड्हेक्किल्ले कुयाःम्बेओ कन् सुनाइड् इड्भोःसे आनिगे खिनिऱओ त्येऱइगेआड् वयिगेरो-

33 निड्वाऱफुमाड्डिल्ले येसुःन् सिःमेःनलाम् याम्मो हिड्घुआड् माड्हेक्किन्आनिऱ कुमुऱइदाड्साहाऱरो केत्तुरो ॥ कन् निसिगेःक्पा निड्वाऱफुसाम्लो सुम्मो निड्वाऱफुमाड्डिल्ले येसुःन् अक्खे मेत्तुआड् वाऱरो,

‘खेनेऱग आस्साःनेरो,
इड्गाऱ सेक्खाए केम्बाआ फाऱआड् ओसेःन्दाड्चोगुड्डाड् वाऱरो ॥’*

34 निड्वाऱफुमाड्डिल्ले खुनेऱ सिःमेःनलाम् फोःक्खुल्ले याम्मो आप्फाल्लेआड् सिःमा मेबोःड्नेन्ल फाऱआड् साम्योसाप्लाओ अक्खेलऱरिक् पाःत्तुआड् वाऱ-

‘आइन् खिनिऱग इड्गाऱ सेसे नु निस्सेए दाउदेन्नु माड्हुप् चोगुड्बा मुऱइसाम्मिन् पिनिड्डाड् वाऱआरो ॥’*

35 हेक्क्याड् वेऱस्मा तेन्नोआड् खुनेऱ पाःत्तुआड् वाऱ,
‘खेनेऱग सेसे केसेवारोबाल्ले कुधक्किन् किःमा यःप्पा केम्बाड्घुन्लो ॥’*

36 दाउदरे निड्वाऱफुमाड्डिल्ले खुनेऱ कुहिड्मन् खाराक् सेवा चोगु, हेक्क्याड् खुनेऱ स्येरो ॥ हेक्क्याड् आनिगे पाधेबाहाऱऱनुए मेहुम्सुआड् किःरे पेरो ॥

* 13:33

* 13:34

* 13:35

37 कर निङ्वाऱफुमाङ्ङिल्ले सिःमेन्लाम् हिङ्घुबाल्ले कुधक्किन् मेगिरेन्लो ॥

38 खेल्ले चोगुल्ले फुऱनुसाऱसे, बा कन् येसुरे चोगुबालाम्मे निङ्वाऱफुमाङ्ङिल्ले आनिऱ लायोहाऱरेन् लेप्पि आबिऱ फाऱआङ् कन् इङ्घङ्ङिन् खिनिऱओ इङ्भोःसेआङ् वाऱबान् आल्ल कुसिङ् निःतेम्मेऱओ ॥

39 खुनेऱओ नसाःन् केजोःक्पाहाऱरे खुनिऱ लायोःन् निङ्वाऱफुमाङ्ङिल्ले सुःन्दुपिरुसिऱरो ॥ केरेक्ले मोसाऱरे कुसाम्योथिम् इःप्पा नाःप्पालाम् खोःमा केन्छुक्तुम्मिम्बा लायोलाम् चोःक्युम्भोःन् खिनिऱ केघोःसुम्माङ् केवयिऱरो ॥

40 हेक्क्याङ् सिङ्सिङ् लऱरेम्मेऱओ, मेःन्ने फाऱग्र माङ्निङ्वाऱपाःन् केबाःप्पाहाऱरे मेसाप्तुबा निङ्वाऱफुमाङ्ङिल्ले कुबाःन्निन् खिनिऱ सम्दाङ् केत्तो ॥

41 ‘ओमेतेम्मेऱ, खिनिऱ किनाःन्दि केमेप्पासे, खिनिऱ निङ्वाऱ मयेम्मेऱआङ् सेम्मेऱ ॥

थेआङ्भेल्ले खिनिऱ येम्हाऱओ मनाहाऱरे पोधक् केम्जोगिसाङ् आप्फाल्लेआङ् नसाःन् केन्जोगुम्मिम्बा याःम्बक् इङ्गाऱ चोगुङ्लो ॥’ ”*

42 पावल नु बरनाबासेन् यहुदि चुम्लुङ्हिम्मोलाम् लःन्देसिआङ् पेसिल्ले मनाहाऱरे खेङ्हाऱ, याम्मो केदाःबा नाःम्सिङ्येन्नो त्येसेऱआङ् कन् पाःन्निन् चेक्खेसेऱओ फाऱआङ् मेउःत्तुसिरो ॥

43 हेक्क्याङ् मनाहाऱरे यहुदि चुम्लुङ्हिम्मिन् मेलेरुआङ् यरिक् यहुदिहाऱ नु यहुदि साम्योओ केदाःबाहाऱरे पावल नु बरनाबासेन्मेदिम्दुसिरो ॥ हेक्क्याङ् सेःक्युक्मिबाहाऱरे खेङ्हाऱ निङ्वाऱफु लुङ्गुम्मो चक्मेल्लए नसाःन् चोगेम्मेऱ फाऱआङ् पेलि फाक्तेछुरो ॥

* 13:41 00000 0.५

44 हेक्क्याङ् केदाःबा नाःम्सिङ्येन्नो खप्मेन् खेन् येक्यक्कोबा काक् मनाहाऱ निङ्वाऱफु पाःन्जाक् खेम्से मेदयेरो ॥

45 कर यहुदि लाम्लोःबाहाऱरे खेन् मनाहाऱ मेनिःसुसिआङ् साऱरिक् नामेहेतुसि, हेक्क्याङ् पावलरे पाःत्तुबा पाःन्हाऱरे कुदक्लेङ्वाओ मेबाऱरे मेदरुरो ॥

46 कर पावल नु बरनाबासेन् मेङ्गिए अक्खेलऱरिक् पाऱरेत्छि, “निङ्वाऱफु पाःन्जाक्किङ्ग काक्नु तगि खिनिऱ यहुदिहाऱनु पाःप्मा केबोःङ्बा वये, कर खिनिऱए कन् केनाऱरुम्लो ॥ हेक्क्याङ् मेन्नुप्मनाबा हिङ्मन् खोःमा सुम्बोधासाबा मेम्बोःङ्मा फाऱआङ् खिनिऱ ओसेःन्गेधाक्तुम्लो ॥ खेल्ले चोगुल्ले आल्ल आनिगे खिनिऱलाम् लःन्दिगेआङ् थिम्मेन्दङ् सुवाङ्हाऱओ पेगिगेऱरो ॥

47 थेआङ्भेल्ले दाङ्बाल्ले अक्खेलऱरिक् साम्योसाप्लाओ इङ्जाःङ् याप्मि पिरिगेआङ् वाऱरो,
‘खिनिऱग इक्सादिङ् खाम्बेःक्माल्ले कुनुप्पो थारिक् सेन्लप्पिल्लेन्सुनाइङ्डिन् तेऱमा फाऱआङ् इङ्गाऱ थिम्मेन्दङ् सुवाङ्हाऱरे लागि ओःत्ति कुइसिःक् चोःक्निङ्डाङ् वाऱआरो ॥’ ”

48 कन् पाःन्निन् थिम्मेन्दङ् सुवाङ्हाऱरे मेघेप्सुआङ् साऱरिक् मेसःत्तेर निङ्वाऱफु पाःन्जाक्किन् इङ्धाःङ् मेबिरु ॥ हेक्क्याङ् मेन्नुप्मनाबा हिङ्मन्ले लागि सेःक्युक् केबोःङ्बाहाऱरे नसाःन् मेजोगुरो ॥

49 हेक्क्याङ् नसानिबाहाऱरे दाङ्बाल्ले कुबाःन्जाक्किन् खेन् थुम्मो काक् पिसाङ् मेसेःसुरो ॥

50 कर यहुदिहाऱरे येक्यामा साम्योमा मेन्छुमाहाऱ नु खेन् येक्यक्कोबा मिङ्सीदाङ्बा मनाहाऱ मेहुसुसि मेबक्सुसिरो ॥ खेङ्हाऱरे पावल नु बरनाबासेन् तुक्खे चाःप्मा मेहेःक्तुसिआङ् खेन् थुम्मोलाम् लाःक्कात् मेनाःत्तु मेदेःसुसिरो ॥

51 हेक्केःल्ले निड्वाऱफुमाड्ङिल्ले नाऱरुसिबान् ओसेःन्धाक्मासि फाऱआड् सेःक्युक्मिबाहाऱरेआड् खुनिऱ लाड्भोओबा खाम् हिःक्किन् खेड्हाऱरे मेऱधाप्सु मेऱधःआड्* आइकोनियम येक्यक् लेप्माड् मेऱधासिड्लो ॥

52 बा खेन् येम्मो एन्तिओक्समा हुऱसाम्बाहाऱआड् सेसेमाड्ङिन् नु ओमुलऱमाल्ले कुधिम् मेबोःक्खेरो ॥

14

आइकोनियम्मो पावल नु बरनाबासेन्

1 आल्ल एन्तिओक्को कुइसिःक् आइकोनियम्मोआड् पावल नु बरनाबासेन् यहुदि चुम्लुड्ङहिम्मो पेसिआड् साऱरिक् सिक्कुम् निड्वाऱ लस्सुर पारेत्ठिल्ले खेप्पो यरिक् यहुदिहाऱ नु थिम्मेन्दड् सुवाड्हाऱरे येसुरे कुसुनाइड्ङिन्नसाःन् मेजोगुरो ॥

2 कर नसाःन् मेन्जोःक्मनाबा यहुदिहाऱरे खेप्पोबा थिम्मेन्दड् सुवाड्हाऱ मेहुसुसिआड् नसानिबा फुऱनुसाऱहाऱरे खुनिऱ तकलेड्वाओ निड्वाऱ मेलेक्खु मेबिरुसिरो ॥

3 हेक्केःल्ले सेःक्युक्मिबाहाऱ खेप्पो यरिक् येम् थारिक् वयेत्ठिल्ले खेड्हाऱ दाड्बाल्ले कुयाःम्बेओ मेड्ङिए पारेत्ठिरो ॥ दाड्बाल्ले खेड्हाऱ मिक्सेःन् नु निड्वाऱ केमाबा याःम्बक्हाऱ चोःक्मा मुक्साम् पिरुसि हेक्कयाड् खेड्हाऱरे इड्भन् चोगेत्छुबा कुलुड्ङुग्मिन् सेक्खाए फाऱआड् ओसेःन्धाक्तुसिरो ॥

4 खेन् येक्यक्कोबा मनाहाऱ कुभा सेःक्युक्मिबाहाऱ लेप्माड् नु कुभा नसाःन् मेन्जोःक्मनाबा यहुदिहाऱ लेप्माड् मेसेन्डिड्लो ॥

* 13:51 □□□□ □□□□□□ □□□ □□□□□□ □□□□□□□□ □□□□□□ □□□-□□□□□ □□□□□□ □□□□□□ □□ □□□□□□□□□□ □ □□□□□ □□□□□□□ □□□□ □□□□ □□□□□□ □□□□□□□□ □□□ □□□□□□□□□□

5 खेप्मो यहुदिहाऱ नु थिम्मैन्दङ् सुवाङ्हाऱ हेक्कयाङ् खुनिऱ लाम्लोःबाहाऱ मेदङ्सिङ्डाङ् सेःक्युक्मिबाहाऱरे खुनिऱ तकलेङ्वाओ पोःक्माआङ् लुङ्ङिल्ले लेप्मा सेप्मासि फाऱआङ् इङ्मेदङ्घुरो,

6 कर कन् चेम्फन्निन् सेःक्युक्मिबाहाऱरे निङ्वाऱ मेघोःसुआङ् खेप्मोनु लुकोनिया थुम्मोबा लुस्त्रा नु दर्बि मेप्मनाबा येक्यक्हाऱ नु खेन् खिरिबा तेन्नो मेघेत्छिङ् मेबेआङ्

7 खेप्मोआङ् खेङ्हाऱरे सुनाइङ्ङिन् इङ्भन् मेजोगुरो ॥

लुस्त्रा नु दर्बिओ पावल नु बरनाबासेन्

8 लुस्त्राओ सावाःन्छिङ्डाङ्धोए लाङ्घेःक्मा मेन्छुक्मनाबा लाङ्सक्पाधिक् वयेरो ॥ खेन् आप्फाल्लेआङ् लाङ्मेङ्घेःक्के वये ॥

9 खेप्मो खेल्ले पावलरे पाःतुबा पाःन्हाऱ नुःरिक्काङ् खेप्सुर युडे ॥ पावलरे खेल्ले वेःप्मा केसुकपा कुनसाःन्निन् निःसुआङ् अदक्तक्काङ् ओमेत्तुर

10 यम्बा इक्लाओ अक्खे मेत्तु, “खेनेऱ येबेऱ!” खेन् मनाःन्नाङ् मुत्थिक् पोगेआङ् लाङ्घेःक्मा हेःक्तेरो ॥

11 हेक्कयाङ् मनाहाऱरे पावलरे चोगुबा खेन् याःम्बक्किन् मेनिःसुआङ् खेङ्हाऱरे लुकोनियास्मा पाःन्नो अक्खेलऱरिक् मेबाःत्तुर मेअःक्ते, “माङ्हाऱ मना लेङ्नेत्छिआङ् आनिऱओ त्येछिआङ् वाऱसिरो ॥”

12 खेङ्हाऱरे बरनाबासेन् जिउस नु पावलेन् हर्मेस मेमेत्तुसि, थेआङ्भेल्ले पावलेन् केबाःप्पा चोगेरो ॥ (ग्रिकेलिहाऱरेन् जिउस मेप्मनाबान् तुम् माङ् नु हर्मेस मेप्मनाबान् इङ्गेसाबा माङ् वयेरो ॥)

13 येक्यक्किल्ले कुबेसाङ् जिउस माङ्ङिल्लेन् माङ्हिम् नेस्से ॥ जिउस माङ्ङिल्ले कुनिङ्वाऱफुसाम्बाल्ले पित्हाऱ नु फुङ्हाऱ ताःप्मा पाङ्घुसिआङ् येक्यक्किल्लेन् पयम् लाम्धेःप्पो त्ये,

थेआङ्भेल्ले खुनेः नु मनाहाः सेःक्युक्मिबाहाः सिदुङ्जभा तोःम्मा निङ्वाः मेजोगुआङ् मेवयेरो ॥

14 बरनाबास नु पावलः खेन् खेप्सेत्छुआङ् माङ् चैःया पाःन् पोःड्मा इःते फाःआङ् नेप्माङ्ले खुन्छिः तेःत्तिन् थेःक्खेत्छु* हेक्क्याङ् मनालुम्मो लोःक्तेत्छिर अक्खेलःरिक् अःक्तेत्छि,

15 “आदाङ्बासे, कन् थे चोःक्मा केइःत्तुम्बाबे? आन्छिगेग बा खिनिः हेक्के मेन्छाम्गेन् याप्पिसिगेरो! खिनिः कन् हनेबा नावाइत्तलान् सेवा चोःक्मा लेःम्मेःआङ् ताङ्साक्पेन्, इक्सादिङ् खाम्बेःक्मान्, वाहङ्हाः हेक्क्याङ् खेप्पो केवाःबा केरेक् पाःन्हाः नावागेन् चइःत् केनेबा आजुनि निङ्वाःफुमाङ्डिल्लो नुःक्खेम्मेः फाःआङ् सुनाइङ् इङ्भन् चोःक्से आन्छिगे कप्पो त्येत्छिगेबारो ॥

16 कन् पेबा येम्मोग केरेक् मेन्छाम् सुवाङ्हाः खुनिः आबाडे साक्थिम् कुइसिःक् खुनिः माङ्हाः सेवा चोःक्से लेरुदेःसुसि,

17 कर आल्लोग खुनेःग आबाडे तोःन्दि मेःन्नेग होःप्लो, थेआङ्भेल्ले खुनेःग साङ्ग्राम्पेदाङ्लाम् पाङ्गेन्दिङ् वाहित् थाःसु केबिरिआङ् चामा थुङ्मारै खिनिः निङ्वाः केदासि केबिरिआङ् सिक् सम्माल्ले कुधिम् केजोगिआङ् केवयिरो ॥”

18 कन् पाःन्हाः पाःत्तेत्छुर पावल नु बरनाबासः मनाहाः खुन्छिः सिदुङ्जभा तोःम्मा मेइःत्तुबान्पल्लिमाल्ले साक्मा सुक्तेत्छुरो ॥

19 हेक्क्याङ् कुभा यहुदिहाः एन्तिओक नु आइकोनियम्लाम् मेदयेआङ् खेङ्हाः मनाहाः मेहुसुसिआङ् खुनिः लेप्माङ् मेजोगुसिआङ् पावलेन् लुङ्डिल्ले मेलेप्तु, हेक्क्याङ् पाङ्जुम् लाःक्कात् मेउःक्खु मेदेरुआङ् खुनेः स्ये फाःआङ् लाप्पेभुसु ॥

* 14:14

20 कर नसानिबाहाऱ मेजुप्सेआड् कुघिरि मेयेम्सिड्डाड् मेयेबेल्ले खेन् येम्मो निड्वाऱ मयेर पावलेन् मुत्थिक् पोगेआड् याड्ना येक्यक्को पेरो ॥ हेक्क्याड् कुदाःन्दिक् बरनाबासेन्नु दर्बिओ पेसेत्छिरो ॥

सिरियास्मा एन्तिओक्को पावल नु बरनाबासेन्

21 पावल नु बरनाबासरे दर्बिओ सुनाइड् इड्भन् चोगेत्छुआड् खेप्पो यरिक् मनाहाऱ हुऱसाम्बा मेबोःक्खेरो ॥ हेक्क्याड् खेड्हाऱ लुस्त्रा, आइकोनियम नु एन्तिओक्को नुःक्खेत्छिआड्

22 खेप्पो खेड्हाऱरे हुऱसाम्बाहाऱ नसाःन्नो चक्मेल्लऱए वयेम्मेऱ मेत्तेछुसिर हाड्हाड् चोगेत्छुसि, हेक्क्याड् यरिक् इनोगेन् तुक्खे केदुमुम्साड् निड्वाऱफुहाड्जुम्मो लाःप्माए पोःड्लो फाऱआड् आःन्छिड्मा पिरैत्छुसिरो ॥

23 हेक्क्याड् पावल नु बरनाबासरे खेन् सेसेहुप्लक्हाऱओ तुम्लाम्लोःबाहाऱ सेःक्युक् चोगेत्छुआड् तुवा नु चाःनेत्तो मेयुडेआड् खेड्हाऱरे नसाःन् मेजोगुबा दाड्बाल्ले कुगम्बाड्डो खेड्हाऱ युक्खेत्छुसिरो ॥

24 याड्सि खेड्हाऱ पिसिदिया थुम्मो पोःक्खेत्छिर पाम्फिलिया थुम्मो थ्येसि ॥

25 खेड्हाऱरे याम्मो पर्गाओ इड्भन् चोगेत्छु, हेक्क्याड् अतालिया येक्यक्को पेसिरो ॥

26 हेक्क्याड् खेप्पोलाम् खेड्हाऱरे सिरियास्मा एन्तिओक्को याड्ना वालाम्दिःक् चोगेत्छुरो ॥ निड्वाऱफुमाड्डिल्ले कुलुड्गुम्मो खुन्छिऱ हेःक्तेत्छुबा माड्सेवा याःम्बक्किन् आल्लो खेप्पोए चोःक्मा सुरैत्छुरो ॥

27 खेड्हाऱ एन्तिओक्को केरेत्छिआड् खेप्पोबा सेसेहुप्लक्कोबा नसानिबाहाऱ निड्वाऱफुमाड्डिल्ले खुन्छिऱलाम् चोगुबा केरेक् याःम्बक्हाऱ हेक्क्याड् अक्खेलऱरिक्

थिम्मेन्दङ् सुवाङ्हाऱरेआङ् सेन्लप् खोःमा मेसुक्तुर फाऱआङ्
निङ्वाऱफुमाङ्डिल्ले लाम्धेःप्पेन्हन्दुबा पाःन्निन् चैक्खेत्छुरो ॥

28 हेक्क्याङ् खेप्पो नसानिबाहाऱनु यरिक्केयम् थारिक् वयेत्छिरो ॥

15

यरुसलेम्मोबा येजुम्भो

1 कुभा येम् एगाङ् यहुदियालाम् एन्तिओक्को कुभा यहुदि
नसानिबाहाऱ मेद्वेयेआङ् नसानिबा फुऱनुसाऱहाऱ अक्खे मेमेत्तुसिर
निसाम् मेहुऱरुसि, “मोसारे साप्तुबा साम्योथिम् साप्लाओबा
साक्थिम् कुडिसिःक् हर्दो केन्हेगुम्मिन्ने फाऱग्र सेन्लप् खोःमा
केन्छुक्तुम्मिल्लो ॥”

2 पावल नु बरनाबासेन् खेङ्हाऱनु साऱरिक् पाःन् थक्तेत्छि ॥
हेक्केःल्ले पावल, बरनाबास नु एन्तिओक्स्मा कुभा नसानिबा
फुऱनुसाऱहाऱ यरुसलेम्मो पेःक्माआङ् खेप्पोबा सेःक्युक्मिबाहाऱ
हेक्क्याङ् तुम्लाम्लोःबाहाऱनु कन् पाःन्निल्ले कुयाःम्बेओ
ताऱजेङ्मा फाऱआङ् मेसेगुसिरो ॥

3 एन्तिओक् सेसेहुप्लक्पा नसानिबाहाऱरे खेङ्हाऱ खेप्पोलाम्
सेम्मुऱइ मेजोगुसि ॥ खेङ्हाऱ फोनिसिया नु सामरिया थुम्मो
पोःक्खेत्छिर लाम्दिःक् चोगेत्छिल्ले खेप्पोबा नसानिबाहाऱ
अक्खेलऱरिक् थिम्मेन्दङ् सुवाङ्हाऱरेआङ् निङ्वाऱफुमाङ्डिन्
नसाःन् मेजोगु केलऱबा पाःन्निन् चैक्खेत्छुरो ॥ हेक्केःल्ले खेप्पोबा
नसाःन् केजोःक्पा फुऱनुसाऱहाऱआङ् कन् पाःन्निन् मेघेप्सुआङ्
साऱरिक् मेसःत्तेरो ॥

4 हेक्क्याङ् खेङ्हाऱ यरुसलेम्मो केरेत्छिआङ्
सेःक्युक्मिबाहाऱ, तुम्लाम्लोःबाहाऱ नु सेसेहुप्लक्पा वेऱ मनाहाऱरे
खेङ्हाऱ लाङ्दाःक्मा मेबिरुसिरो ॥ हेक्क्याङ् खेङ्हाऱरे खेप्पो

केवाऱबाहाऱ निड्वाऱफुमाड्डिल्ले खुन्छिऱलाम् चोगुबा पाःन्हाऱ
चेक्खेछुरो ॥

5 हेक्क्याड् खेप्पो केवाऱबा फरिसि लक्कोबा नसानिबाहाऱरे
मेबोगेआड् खेड्हाऱ अक्खे मेमेत्तुसि, “थिम्मेन्दड् नसानिबाहाऱरे
मोसारे साप्तुबा साम्योथिम् साप्लाओबा साक्थिम् इःप्पा
नाःप्मार हर्दोआड् हेक्काए पोःड्लो ॥”

6 हेक्केःल्ले सेःक्युक्मिबाहाऱ नु तुम्लाम्लोःबाहाऱ सोरिक्
मेजुप्सेआड् कन् पाःन्निल्ले कुर्याःम्बेओ पाःन्धड् मेजोगुरो ॥

7 खेप्पो पयम् पाःन्धड् पोःक्खेआड् कुनुप्पो पत्रुसेन्पोगेआड्
मेत्तुसि, “आम्भुऱ आन्साऱसे, यरिक् तगि निड्वाऱफुमाड्डिल्ले
थिम्मेन्दड् सुवाड्हाऱरे सुनाइड् खेम्मा नु नसाःन् मेजोगुर फाऱआड्
इड्भन् चोःक्से खिनिऱओलाम् इड्गाऱ सेगाड्बान् केनिःसुम्माड्
केवयिऱरो ॥

8 हेक्क्याड् निड्वाऱफुमाड्डिल्ले मेन्छाम् याप्पिरेन्
सिक्कुड्मान् निःसुरो ॥ खुनेऱग आनिऱ हेक्केए थिम्मेन्दड्
सुवाड्हाऱआड् सेसेमाड् पिरुसिर ताःक्तुसिआड् वाऱ केलऱबा
पाःन्निन् आनिऱ ओसेःन्आधाक्तेरो ॥

9 आल्ल खुनेऱ थिम्मेन्दड् सुवाड् नु आनिऱ आन्छेन्नेन्लो,
थेआड्भेल्ले आनिऱ हेक्के दाड्बाओबा नसाःन्लाम् खुनिऱ
सिक्कुड्मान् सेसे चोगु पिरुसिआड् वाऱरो ॥

10 हेक्केःल्ले थेआड्ने केसाक्पा यहुदि साक्थिम्मिन्
थिम्मेन्दड् नसानिबाहाऱ केगुःत्तुम्मिम्माड् निड्वाऱफुमाड्डिल्ले
कुसिक् फोःड्मा निड्वाऱ केड्ःत्तुम्बाबे? खेड्ग आनिऱ
पाथेबाहाऱरेआड् कुःमा मेन्छुक्तुन्, हेक्क्याड् आनिऱआड् कुःमा
आन्छुक्तुम्मिन्लो ॥

11 सेक्खाःल्लेग, खेड्हाऱ हेक्केए आनिऱआड् दाड्बाल्ले
कुलुड्गुम्मिल्लेरक् ताड्आसेःप्ते केलऱबान् नसाःन् आजोगुम्लो ॥”

12 बरनाबास नु पावलरे खुन्छिऱलाम् थिम्मैन्दङ् सुवाङ्गुलुम्मो निङ्वाऱफुमाङ्गुडिल्ले चोगुबा मिक्सेःन् नु निङ्वाऱ केमाबा याःम्बक्हाऱ चैक्खेछुल्ले येजुम्भोबा काक् मनाहाऱ स्वाःत्ताङ् मेघेप्पुर मेयुङ्गेरो ॥

13 हेक्क्याङ् खेङ्गहाऱरे पाःप्पा सुरेत्तुआङ् याकुबेन्येम्मिङ्गुडाङ् पाःत्तु, “फुऱनुसाऱसे, आबाःन्निन् खेप्सेम्मैऱओ ॥

14 निङ्वाऱफुमाङ्गुडिल्ले काक्नु तगि थिम्मैन्दङ् सुवाङ्गुहाऱ अक्खेलऱरिक् आबाडे कुमना मेऱोःङ्गुल फाऱआङ् उःत्तुसि केलऱबान् सिमोन पत्रुसरे चैक्खुरो ॥

15 कङ्गु माङ्गुनिङ्वाऱपाःन् केबाःप्पाहाऱ नु खुनिऱ पाःन्निन् साऱरिक्के तङ्गुलो ॥ साम्योसाप्पलारे अक्खे पाःत्तुआङ् पत्,

16 ‘कन् एगाङ् इङ्गाऱ नुःङ्गुडारो, हेक्क्याङ् नुबेबा दाउदरे कुहाङ्गुजुम्मिन् इङ्गाऱ याम्मो चोगुङ्गुलो ॥

इङ्गाऱ केयःबा लुङ्गुधाक्हाऱ सेत्तुङ्गुलो ॥

याम्मो चोगुङ्गुडाङ् येप्पुरङ्गुलो ॥

17-18 हेक्केलऱरिक् वेऱ मनाहाऱरेआङ् इङ्गाऱ दाङ्गुबान् कोःप्पा मेसुक्कार ॥ आमिङ्गु केदाःक्पा काक् थिम्मैन्दङ् सुवाङ्गुहाऱ इङ्गाऱ आबाडे आसुवाङ्गु फाऱआङ् उःत्तुसिङ्गुलो ॥

कन् पाःन्हाऱ केजोःक्पा इङ्गाऱ दाङ्गुबाल्ले अक्खे पाःत्तुङ्गुबा पाःन्निन् यरिक् तङ्गुबे तगिए पाःत्ते चुरेआङ्गु वाऱरो ॥’ ”*

19 याकुबरे याम्मो अक्खे पाःत्तु, “निङ्वाऱफुमाङ्गुडो केनुःङ्गुबाआङ्गुकेदाःबा थिम्मैन्दङ् सुवाङ्गुहाऱ तुक्खे चाःप्पासि मेःन्लो केलऱबा आनिङ्वाऱ वाऱरो ॥

20 कर थिम्मैन्दङ् सुवाङ्गुहाऱ अक्कतङ्गुबा सक्कङ्गुघङ्गु हाक्कुत्तुम्मिन्लो, ‘नावाइत्ताओ तोःम्नाबा चाहाऱ चामा मेनुऱनेन् ॥

* 15:17-18 0000 0.११-१२

हेक्क्याङ् चाराम्मा मेनुऱनेन् ॥ कुसित्ला यऱमना सेऱ्पमनाबा साः नु सामाक्खिऱआङ् चामा मेनुऱनेन्लो ॥’

21 थेआङ्भेल्ले बा कन् मोसाऱे साऱ्पुबा साम्योथिम्मिन् काक् पाङ्जुम्मो उन्छोःन् उन्छोःन्नाङ्धोए इङ्भोःसेआङ् वाऱ, हेक्क्याङ् यहुदि चुम्लुङ्हिम्मो थिक्क्याःन्धक् नाःम्मिङ्येन् थप्मे निःत्त वाऱरो ॥”

थिम्मेन्दङ् नसानिबाहाऱ येजुम्भोलाम्सक्इङ्घङ्मेहाक्तुसिऱ

22 हेक्केःल्ले सेःक्युक्मिबाहाऱ नु तुम्लाम्लोःबाहाऱ हेक्क्याङ् काक् सेसेहुऱ्प्लक्कोबाहाऱ मेदङ्गेआङ् नेऱ्फु मनाहाऱ यहुदा मेऱ्पमनाबा बरसाबास नु सिलासेन् सेःक्मासिआङ् पावल हेक्क्याङ्बरनाबासेन्नु एन्तिओक्को पाङ्मासि निःन्धो पोःक्खेरो ॥ खेङ्हाऱग नसानिबा फुऱनुसाऱहाऱ लुम्मो साऱरिक्के मिङ्सोदाङ्बा चोऱेत्तिऱरो ॥

23 खेङ्हाऱरे अक्तङ्बा सक्इङ्घङ्ङिन् खेन् लिसि मनाहाऱरे खुनिऱ हुक्कोनु मेहाक्तुसिऱ,

“आनिगे यरुसलेम्बा खिनिऱ फुऱनुसाऱ सेःक्युक्मिबाहाऱ नु तुम्लाम्लोःबाहाऱलाम्,

एन्तिओक्, सिरिया, नु सिलिसियाओ केवाऱबा थिम्मेन्दङ् नसानिबा फुऱनुसाऱहाऱओ,

कन् सक्इङ्घङ्लाम् सेवा हाडुम्बेऱरो ॥

24 आनिगे मेम्बाङ्डे कुभा मनाहाऱ खिनिऱओ मेदयेआङ् खेङ्हाऱरे काक् यहुदि साम्योथिम् इःप्मा नाःप्मा पोःङ् केम्मेत्तिआङ् लाम् केम्भोःत्तिर खिनिऱ लुङ्माऱ केम्सोःन्दि केम्बिरिबा पाःन्निन् आनिगे खेऱ्पसुम्बेरो ॥

25 हेक्क्याङ् आनिगे मिःम् चुम् बरनाबास हेक्क्याङ् पावलेन्नु खिनिऱओ पाङ्मासि फाऱआङ् कुभा मनाहाऱ सेःक्मासि केलऱबा इङ्तङ्मनारो ॥

26 खेङ्हाऱरेग आनिः दाङ्बा येसु ख्रिस्तरे कुसेवा चोःकमो खुनिः
हिङ्मन्निन् मेन्दाङ्घुन्लो ॥

27 खेल्ले चोगुल्ले आनिगे साप्तुम्बेबा सक्इङ्घङ्ङो कन्
पाःन्हाऱे चेङ्मा फाऱआङ् यहुदा नु सिलाससि खिनिःओ
पाङ्घुम्सिम्बेर पत्छिगेरो ॥

28 सेसेमाङ् नु आनिगेग खिनिः सम्दाङ् कप्पो केबप्पा
पाःन्हाऱनुःल्ले वेऱ केसाक्पा पाःन्हाऱ थेमाआङ्
मेङ्गुःप्मानिङ्निङ्वाऱ चोगुम्बेरो ॥

29 हेक्केःल्ले

नावाइत्लाओ सिदुङ्जभा चोःकमनाबा चाहाऱ मेजेम्मिन्नेऱ,

सामाक्खिऱआङ् मेजेम्मिन्नेऱ,

हेक्क्याङ् कुसित्ला यऱमना सेप्मनाबा सा मेजेम्मिन्नेऱओ ॥

हेक्क्याङ् चालाम्मानुआङ् एःक् वयेम्मेऱओ ॥

अक्खे केजोगुम्ने फाऱग्र नुःबाए केजोगुम्लो ॥ सेम्मुऱइरो ॥”

30 हेक्केलऱरिक् खेन् लिसि इङ्साबाहाऱ मेधासिङ्डाङ्
एन्तिओक्को मेगेरे ॥ खेप्पो खेङ्हाऱरे काक् नसानिबाहाऱ
थिक्तेन्नो मेसुप्सुसिआङ् खेन् सक्इङ्घङ्ङिन् हुक्मेसुप्तुसिरो ॥

31 हेक्क्याङ् खेन् सक्इङ्घङ्ङलाम् आःन्छिङ्मा मेघोःसुआङ्
नसानिबाहाऱ साऱरिक् मेसःत्तेरो ॥

32 यहुदा नु सिलासिआङ् आबाडे माङ्निङ्वाऱपाःन् केबाःप्पा
वयेत्छि ॥ नसानिबा फुऱनुसाऱहाऱ हाङ्हाङ् नु खुनिः नसाःन्नो
केधुम्बा चोःकमासि फाऱआङ् खेङ्हाऱरे यरिक् पाःन्हाऱ
मेत्तेत्छुरो ॥

33 खेप्पो कुभा येन् वयेत्छिआङ् नसानिबा फुऱनुसाऱहाऱरे
खिन्छिऱ नुःरिक्काङ् पेगेत्छेऱओ लऱरिक् याङ्ना मेबाङ्घु
मेदेःसुसिरो ॥

34 ((कर सिलासरे खेप्पोए वाऱमा लाःप्पा निःन्धो चोगुरो ॥))

35 पावल नु बरनाबासेन्नाड् एन्तिओक्कोए वये लारेत्छिरो ॥
खेड्हाऱ नु वेऱ यरिक्ले सोसोरिक् दाड्बाल्लेन् पेलिगेन्
पाःन्जाक्किन्ड्भन् मेजोगुर मनाहाऱ मेहुऱरुसिरो ॥

पावल नु बरनाबासेन्सेन्छिऱ

36 कुभा येन् एगाड् पावलरे बरनाबासेन् मेत्तु, “आल्ल
आन्छिऱआड् नुःड्सि पित्छि, हेक्क्याड् दाड्बाल्ले
कुबाःन्जाक्किन् इड्भन् आजोगेत्छुबा पाड्जुम्हाऱओ लःन्छिऱ
फुऱनुसाऱहाऱ आक्खे मेजोगुर मेयाक्पे फाऱआड् साऱसुसिरो ॥”

37 बरनाबासरे युहुन्ना मेप्मनाबा मर्कुसेन् सोरिक् तेऱमा निड्वाऱ
चोगु,

38 कर पावलरे अत्तु, थेआड्भेल्ले खेल्ले खेड्हाऱ माड्सेवा
याःम्बक् चोःक्मा मेभाऱरुन्सिन्नाड् पाम्फिलियाओलाम्मे
पक्थसिआड् नुःक्खे पेआड् वयेरो ॥

39 खुन्छिऱ साऱरिक् पाःन् थक्तेछिआड् वेऱ वेऱ सेन्देछिआड्
पेसिरो ॥ बरनाबासरे युहुन्ना मेप्मनाबा मर्कुसेन् तेऱरुआड् सैप्रस
वागप्खाम् लेप्माड् वालाधालाम् थासिड्,

40 कर पावलरे सिलासेन् सेगु, हेक्क्याड् नसानिबा
फुऱनुसाऱहाऱरे खेड्हाऱ दाड्बाल्ले कुलुड्गुम्मो मेदोःन्दुसिआड्
मेबाड्घुसिरो ॥

41 खुन्छिऱ सिरिया नु सिलिसिया थुम्मो पोःक्खेछिऱ खेप्मोबा
सेसेहुप्लक्हाऱ केधुम्बा चोगेत्छुरो ॥

16

पावलरे निसिगेःक्पा कुमाड्सेवा लाम्दिःक्

1 पावलेन् दर्बि नु लुस्त्रा येक्यक्हाऱओ त्येरो ॥ खेप्मो तिमोथि
मेप्मनाबा नसानिबाधिक् वये, हेक्क्याड् खेल्ले कुम्मा नसाःन्
केजोःक्मा यहुदि वये, कर कुम्बा ग्रिक् वये ॥

2 लुस्त्रा नु आइकोनियम्बा काक् नसानिबा फुऱनुसाऱहाऱओ तिमोथिःल्ले कुयाःम्बेओ नुःबा कुइङ् सेःरेआङ् वयेरो ॥

3 पावलरे तिमोथिःन्नाङ् सोरिक् तेऱमा निङ्वाऱ चोगुआङ् खेप्मोबा काक् यहुदिहाऱरे खुनिऱ निङ्वाऱ ताःमा पिमासि फाऱआङ् खेन् हर्दो हेगु पिरु, थेआङ्भेल्ले खेन् लाजेऱबा काक् यहुदिहाऱरे तिमोथिरे कुम्बा ग्रिक वयेबान् मेनिःसुआङ् मेवये हेक्क्याङ् खेन् हर्दो मेन्हेक्के वयेरो ॥

4 हेक्क्याङ् खेङ्हाऱरे लाम्मो केनेबा पाङ्जुम्हाऱ थप्मे यरुसलेमस्मा सेःक्युक्मिबा नु तुम्लाम्लोःबाहाऱरे निःन्धो मेजोगुबा थिम्हाऱ इःप्मा नाःप्मारो फाऱआङ् नसानिबाहाऱ मेमेत्तुसिरो ॥

5 हेक्केलऱरिक् सेसेहुप्लक्हाऱ नसाःन्नो केधुम्बा मेबोःक्खेर थिक्क्याःन्धक् मेबोःरेर मेबेरो ॥

पावलरे त्रोआस्सो तादिगेन् सुफो निःसुऱ

6 पावल नु कुन्देःङ्हाऱ फ्रिगिया नु गलातियास्मा थुम्मो लाम्दिःक् मेजोगे, थेआङ्भेल्ले सेसेमाङ्डिल्ले खेन् येम्मो खेङ्हाऱ एसियास्मा तेङ्गप्पो सुनाइङ् सेःमा साक्तुसिआङ् वयेरो ॥

7 हेक्क्याङ् खेङ्हाऱ माइसियास्मा इःन्धोओ मेगेरेआङ् बिथानियास्मा थुम्मो पेःक्मा तम्सिन् मेजोगे, कर येसुरे कुसेसेमाङ्डिल्ले हेक्के चोःक्मा खेङ्हाऱ मेबाङ्घुन्सिन्लो ॥

8 हेक्केलऱरिक् खेङ्हाऱ नाम्था पिसाङ्बा माइसिया मेबोःक्खेर त्रोआस येक्क्यक्को मेबे ॥

9 खेप्मो खेन् सेन्दिक् पावलरे तादिगेन् सुफोधिक् निःसु ॥ खेप्मो मेसेदोनियास्मा मनाधिक् मेसेदोनियाओ थाङ्गेआङ् आनिगे याप्मि कुभाऱ आबिरेऱ लऱरिक् पेलि फाक्तर येबेबा निःसुरो ॥

10 पावलरे कन् तादिगेन् सुफोःन्निःसुआड् आनिगे* खिमो मेसेदोनियाओ पेःकमा यारिप् पोःक्खगे, थेआड्भेल्ले कड्ग निड्वाऱफुमाड्डिल्ले खेप्पोबा मनाहाऱओ सुनाइड् सेःमा याम्पि उःत्तेबा फाऱआड् निःन्धो चोःकमनारो ॥

लिदियारे दाड्बाओ नसाःन् चोगुऱ

11 आनिगे त्रोआस लेप्मनाआड् वालाधालाम् सामोश्रेस वागप्खाम् पेःकमना ॥ हेक्क्याड् कुदाःन्दिक्मा नियापोलिस केरिगेरो ॥

12 खेप्पोलाम् आनिगे लाड्घेःकमनाआड् फिलिप्पिओ केप्मनारो ॥ खेड्ग मेसेदोनियास्मा थुम्मोबा केयेक्पा येक्यक् नु रोमि यक्लाजेऱआड् वयेरो ॥ खेप्पो आनिगे कुभा येन् वयिगेरो ॥

13 हेक्क्याड् वेऱस्मा नाःम्सिड्येन्नो आनिगे येक्यक्कोस्मा वाहड् लेप्माड्बा कुयाओ पेःकमना ॥ कन् तेन्निन् यहुदिहाऱरे खुनिऱ तुवा चोःकमादेन् फाऱआड् आनिगे निड्वाऱ इःप्मनारो ॥ आनिगे खेप्पो सेवा चोःक्से केजुम्मा मेन्छुमाहाऱनु ताऱजेड्मनार युड्मनारो ॥

14 खेप्पो सुनाइड् केघेम्माहाऱओ लिदिया मेप्मनामा थियातिरा येक्यक्कोस्मा परान्ला तेःत् लेड्हड् केजोःकमाधिक् वये ॥ हेक्क्याड् खेन् निड्वाऱफुमाड्डिन् सेवा केजोःकमा थिम्मेन्डड् सुवाड्स्मा वये ॥ पावलरे पाःत्तुबा पाःन्निन् कुसिड् निःत्तुआड् नसाःन् चोगुर फाऱआड् दाड्बाल्ले कुनिड्वाऱइन्हन्डु पिऱु ॥

15 हेक्क्याड् खुनेऱ नु काक् कुहिम्सयड्हाऱ बप्तिस्मा मेबोःक्खे ॥ हेक्क्याड् खेल्ले इड्गाऱ सेक्खाए दाड्बाल्ले कुनसानिमा फाऱआड् याम्पि केइःत्तिने फाऱग्र आहिम्मो

* 16:10 000000000000000000 0000000000 000000
000000000000000000 000000000000

त्येम्मेऱआड् वयेम्मेऱओ लऱरिक् याप्मि उःत्तेरो ॥ खेल्ले चोगुल्ले खुनेऱ कुहिम्मो याप्मि तेऱमा फाऱआड् साक्केल्लेक् चोगेरो ॥

पावल नु सिलासेन्पुड्लाहिम्मो मेसाक्तुसिऱ

16 थिक्येन् आनिगे तुवा चोःक्मादेन्नो पेःक्मनार पप्मनाःल्ले फेन्सामिल्ले याड्घुमा योःक्माधिक् तुम्ना ॥ खेल्ले खाड्गुआड्कुन्दाड्बाहाऱ यरिक् याड् थगु पिरुसिर वयेरो ॥

17 खेल्ले पावल नु आनिगे अक्खेलऱरिक् अःक्तेर याप्मि तिम्देरो, “कन् मनाहाऱ पयम् यम्बा निड्वाऱफुमाड्डिल्ले कुसेवारोबासिरो ॥ कड्हाऱरे आक्खेलऱरिक् सेन्लप् केघोःसुम् खेन् खिनिऱ केम्मेत्तिरो ॥”

18 खेल्ले यरिक् येन् थारिक् हेक्के चोगुर नेऱसे ॥ हेक्क्याड् पावलेन् कुनिड्घेन्दुबाल्ले चोगुल्ले हिसिड्डाड् खेन् योःक्माओ केयाक्पा फेन्सामिन् अक्खे मेत्तुर फेःक्तुरो, “येसु खिस्तरे कुमुक्सामिल्ले खेन् मेन्छुमाऱओलाम् लःन्दे पेगेऱ फाऱआड् इड्जाःड् पिने ॥” खिमो खेन् फेन्सामिन्नाड् खेन् मेन्छुमाऱइन् पक्थःआड् पेरो ॥

19 हेक्क्याड् खेन् योःक्माल्ले कुन्दाड्बाहाऱरे आल्ल याड्थक्मा लाम्मिन् नुबेबा मेनिःसुआड् पावल नु सिलासेन् मेदेम्सुसिआड् मेउःक्खुसिर येक्यक्स्मा सुहाड्युक्पाहाऱरो मेदारुसिरो ॥

20 खेड्हाऱरे रोमि सुहाड्युक्पाहाऱ अक्खे मेमेत्तुसि, “कन् मनाहाऱ यहुदिसिरो, हेक्क्याड् कड्हाऱरे आनिऱ येक्यक्को हयड्किल्लिड् चोःक्सुर याक्सिरो ॥

21 खेड्हाऱरे आनिऱ रोमि थिम्मिल्ले कुदक्लेड्वाओबा साक्थिम्हाऱ हुऱसुसिर याक्सिरो ॥ आनिऱ रोमिहाऱरेग खेन् तेन्दिड् चोःक्मा नु इःप्मा नाःप्मा सुक्मेदेत्तिन्लो ॥”

22 हेक्केःल्ले खेप्पो केजुम्बाआङ् केवाऱ्बा मनाहाऱ् खुन्छिऱ् हिप्से मेभुङ्सिङ्हेक्क्याङ् येक्क्यक्कोबा सुहाङ्ग्युक्पाहाऱ्ऱेआङ् पावल नु सिलासरे खुन्छिऱ् चाङ्देःत्हाऱ् फेम्माआङ्हिप्पा मेबाङ्घुसि ॥

23 हेक्क्याङ् खेङ्हाऱ् सारिक् तेःम्भुक् मेयाक्तुसिआङ् पुङ्लाहिम्मो मेसाक्तुसिरो ॥ सुहाङ्ग्युक्पाहाऱ्ऱे पुङ्लाइङ्बान् नुःरिक्काङ् खेङ्हाऱ् कोमा पाङ्घेसेऱ् फाऱ्आङ् इङ्जाःङ् मेबिरुरो ॥

24 अक्तङ्बा इङ्जाःङ् खोःसुआङ् पुङ्लाइङ्बाल्ले खेङ्हाऱ् पुङ्लाहिम्मोबा सिगाङ्स्मा याक्फाओ खुन्छिऱ् लाङ्हाऱ् फेन्थक्क्रङ्डो याक्पाङ्घुसिआङ् साक्तुसिरो ॥

25 सेत्लुम् फक्तेर पत्छेल्ले पावल नु सिलासेन् तुवा चोगुसिर साम्लोनु निङ्वाऱ्फुमाङ्डिल्ले कुनारा फोःसेत्छुर यागेत्छिरो ॥ वेऱ् पुङ्लाधाबाहाऱ्ऱेआङ् खेङ्हाऱ् मेघेप्सुसिर मेयुङ्गेरो ॥

26 हक्चघत् किप्पा केघुःबा लुप्पि थाङ्गेआङ् पुङ्लाहिम् यक्हाऱ्ए यक्खुर लाम्धेःप्हाऱ् हल्लेक् वरेक् हरेआङ् केरेक् पुङ्लाधाबाहाऱ्ऱे खुनिऱ् इघेःङ्हाऱ् पाःक्खेरो ॥

27 हेक्केःल्ले पुङ्लाइङ्बान् कुमिक् सोरेआङ् पुङ्लाहिम्मोबा लाम्धेःप्हाऱ् हरेआङ् पत्छेबा निःसु हेक्क्याङ् पुङ्लाधाबाहाऱ् मेघेत्छिङ् मेबेबिला फाऱ्आङ् निङ्वाऱ् इःत्तु ॥ हेक्केःल्ले हेःसुबा ताभेःन् तरप् फिःक्खुआङ् सेत्छिङ्मा कोःत्तुरो ॥

28 कर पावलरे अःक्तेर अक्खे मेत्तु, “आदाङ्बाए, थेआङ् मेमेत्छिङ्गेन्नेऱ्ओ! आनिगेग खा कप्पोए यागिगेऱ्रो ॥”

29 खेन् पुङ्लाइङ्बाल्ले सेमिःन् हाःम्मा पाङ्घुसिआङ् सिगाङ् लोःक्तेर त्ये ॥ खेन् यक्खेर पावल नु सिलासरे खुन्छिऱ् लाङ्जक्पो थुङ्बोहजऱ् युङ्सिङ्गलो ॥

30 हेक्क्याङ् खेङ्हाऱ् लाःक्कात् लःत्तुसिआङ् सेःन्दोसुसि, “आदाङ्बासे, इङ्गाऱ् थे चोगुङ्डिल्ले सेन्लप् खोआबे?”

31 खेङ्हाऱे नोगप् पिरेत्छु, “दाङ्बा येसुःन् नसाःन् चोगेऱ, हेक्क्याङ् खेनेऱ सेःनलप् केघोःसुऱ, हेक्केलऱरिक्के केहिम्सयङ्हाऱेआङ् नसाःन् मेजोगुने फाऱग्र सेःनलप् मेघोःसुऱरो ॥”

32 हेक्क्याङ् खेङ्हाऱे दाङ्बाल्ले कुबाःन्जाक्किन् खुनेऱ नु कुहिम्सयङ्हाऱे चेक्तेत्छुसिआङ् खेङ्हाऱे नसाःन् मेजोगुरो ॥

33 सेःन्दिक् बाखेन् येम्मो पुङ्लाइङ्बाल्ले खेङ्हाऱे तेऱरुसिआङ् खुन्छिऱ याङ्घेःक्हाऱे वाहप्तु पिरुसि, हेक्क्याङ् पुङ्लाइङ्बान् नु कुहिम्सयङ्हाऱे खिमो बप्तिस्मा मेबोःक्खेरो ॥

34 खेल्ले पावल नु सिलासेन् कुहिम्मो तेऱरुसिआङ् चामा थुङ्मा पिरुसि ॥ खुनेऱ नु कुहिम्सयङ्हाऱे निङ्वाऱफुमाङ्डिन् नसाःन् मेजोगुबाल्ले चोगुल्ले साऱरिक् ओमु मेलऱरेरो ॥

35 कुदाःन्दिक्मा बा खेन् येक्यक्कोबा सुहाङ्ग्युक्पाहाऱे हाराऱ पुङ्लाइङ्बाल्ले खेन् मनाहाऱ पुङ्लाहिम्मोलाम् पेःक्मा पाङ्घुसिनि फाऱआङ् तिलिङ्गाहाऱलाम् इङ्जाःङ् मेहाक्तुरो ॥

36 हेक्केःल्ले पुङ्लाइङ्बाल्ले पावलेन् अक्खे मेत्तु, “सुहाङ्ग्युक्पाहाऱे खेनेऱ नु सिलासेन् लेप्मादेःमानेसिङ्फाऱआङ् इङ्जाःङ् मेहाङ्गुआङ् मेवाऱ ॥ हेक्केःल्ले खिन्छिऱ पेःक्मा केसुक्सुरो ॥ नुःरिक्काङ् पेसेत्छेऱओ ॥”

37 कर पावलरे खेन् तिलिङ्गाहाऱे मेत्तुसि, “आन्छिगेऱ रोमि यक्युङ्बासिगेसाङ्* थेमाआङ् तुःन्देऱ मेःन्ने मनालुम्मो आन्छिगे याप्पि तेःम्भुक् मेयाक्तेत्छिगेआङ् पुङ्लाहिम्मो याप्पि मेसाक्ते ॥ आल्ल खेङ्हाऱे स्वाःत्ताङ् लेप्मादेःमा मेगोःतेत्छिगेबाबि? कङ्ग पोःङ्मा मेसुक्नेःनलो! हाराऱ सुहाङ्ग्युक्पाहाऱे कप्पो मेदाआङ् मेलेत्छिगेरे पोःङ्लो ॥”

* 16:37

38 हेक्क्याङ् तिलिङ्गाहाऱरे सुहाङ्क्युक्पाहाऱ बाकन् पाःन्हाऱ मेमेत्तुसि ॥ खेङ्हाऱरे पावल नु सिलासेन् रोमि यक्युङ्बासि फाऱआङ् निङ्वाऱ मेघोःसुआङ् खेङ्हाऱ मेगिसेरो ॥

39 हेक्क्याङ् खेङ्हाऱ खेप्पो मेद्दयेआङ् मेनःम्सिङ्गल खेङ्हाऱनु लेप्पि मेनाःक्तेरो ॥ हेक्क्याङ् खेङ्हाऱ पुङ्गलाहिम्मोलाम् लाःक्कात् मेलःत्तुसिआङ् आल्ल कन् येक्यक्कोलाम् पेसेछेऱओ फाऱआङ् पेलि मेभाक्तुसिरो ॥

40 हेक्क्याङ् पावल नु सिलासेन् खेप्पोलाम् लिदियारे कुहिम्मो पेसि ॥ खेप्पो खेङ्हाऱरे लिदिया नु वेऱ नसानिबा फुऱनुसाऱहाऱ तुमेत्छुर आःन्छिङ्मा पिरैत्छुआङ्खेप्पोलाम् पेसिरो ॥

17

थिस्सलोनिकाओ निङ्घुम्

1 पावल नु सिलासेन् अम्फिपोलिस नु अप्पोलोनिया पोःक्खेसिर थिस्सलोनिका येक्यक्को केरेत्छि ॥ खेप्पो यहुदि चुम्लुङ्हिम्धिक् नेस्से ॥

2-3 पावलरे नाःम्सिङ्गेन् थप्पे खुनेऱ यहुदि चुम्लुङ्हिम्मो पेःल्ले सुम्लेङ् नाःम्सिङ्मा येन्नो खेप्पोबा मनाहाऱ आक्खेलऱरिक् निङ्वाऱफुमाङ्ङिल्ले सेःन्दुबा ख्रिस्तेन्तुक्खे चाआङ् सिःऱ हेक्क्याङ् सिःमेन्लाम् हिङ्गलऱरिक् साम्योसाप्लालाम् ओसेःन्धाक्तुसि ॥ “इङ्गाऱ इङ्गोःसुङ्बा कन् येसुःन्ने निङ्वाऱफुमाङ्ङिल्ले सेःन्दुबा ख्रिस्तरो” मेत्तुसि ॥

4 खेप्पो केवाऱबा कुभा यहुदिहाऱ कन् पाःन्निल्ले खुनिऱ निङ्वाऱ त्येआङ् हुऱसाम्बा मेबोःक्खेरो ॥ खेप्पोआङ् निङ्वाऱफुमाङ्ङिन् सेवा केजोःक्पा यरिक् ग्रिक्हाऱ नु मिङ्गसोदाङ्मा मेन्छुमाहाऱरेआङ् नसाःन् मेजोगुरो ॥

5 कर नसाःन् मेन्जोःकमनाबा यहुदिहाऱे खेङ्हाऱ नामेहेत्तुसिआङ् खेन् येक्यक्कोबा आलेप्पा लेगेबाहाऱ मेसुप्सुसिआङ् मेहुसुसि, हेक्क्याङ् खेङ्हाऱे येक्यक्को पयम् हयङ्किल्लिङ् मेजोगुआङ् येसोनरे कुहिम्मो मेबेआङ् पावल नु सिलासेन्मनाहाऱो तेऱमा पिमासि फाऱआङ् निङ्वाऱ मेजोगुरो ॥

6 कर खेङ्हाऱे खेप्पो पावल नु सिलासेन् मेन्दुमुन्सिन्, हेक्केःल्ले येसोन नु वेऱ फुऱनुसाऱ नसानिबाहाऱ येक्यक्कोबा सुहाङ्ग्युक्पाहाऱो अक्खेलऱरिक् मेअःक्तेर मेउःक्खु मेदारुसि, “कन् मनाहाऱे आत्तिसाङ् तुक्खे मेदारुआङ् मेवाऱो ॥ खेङ्हाऱग आल्लो आनिऱ येक्यक्कोआङ् मेद्वेआङ् मेवाऱो ॥

7 येसोनरे खेङ्हाऱ कुहिम्मो लाङ्दाःकमा पिरुसिआङ् वाऱ ॥ खेङ्हाऱेग ‘येसु मेप्पनाबा आनिऱ वेऱ हाङ् वाऱ’ मेबाःत्तुर रोमि पयम् हाङ्डिल्ले कुड्ङ्जाःङ्डिल्ले कुदक्केङ्वाओ याःम्बक् मेजोःक्लो ॥”

8 कन् पाःन्निन् येक्यक्कोबा सुहाङ्ग्युक्पाहाऱ नु वेऱ मनाहाऱे मेघेप्सुआङ् खुनिऱ सिक् पोगेरो ॥

9 हेक्क्याङ् खेङ्हाऱे येसोन नु वेऱ फुऱनुसाऱहाऱ साम्बाःन् मेगुःत्तुसिआङ् मेलेरु मेदेःसुसिरो ॥

बेरिया येक्यक्को पावल नु सिलासेन्

10 हेक्क्याङ् सेन्दिक् पोःक्खेआङ् खिमो नसानिबा फुऱनुसाऱहाऱे पावल नु सिलासेन् बेरिया पाङ्जुम् लेप्पाङ् मेबाङ्घु मेदेःसुसि ॥ खेप्पो केरेत्छिआङ् यहुदि चुम्लुङ्हिम्मो पेसिरो ॥

11 बेरियास्मा मनाहाऱग थिस्सलोनिकाबा मनाहाऱनुःल्लेआङ् साऱरिक् खुनिऱ निङ्वाऱ केहम्बा मेजोगे ॥ खेङ्हाऱे साऱरिक् नुःरिक्काङ् येसुरे कुयाःम्बेओ सुनाङ् मेघेप्सुआङ् थिक्क्याःन्धक्

पावलरे पाःतुबान् सेक्खाबि मेःम्बि फाःआङ् साम्योसाप्लाओ मेगोःतु मेनिःरुरो ॥

12 खेङ्हाःओ यरिक् यहुदिहाःरे नसाःन् मेजोगु, हेक्क्याङ् मिङ्सो इङ्धाःङ्साबा ग्रिक येम्बित्छाः मेन्छुमाहाःरेआङ् नसाःन् मेजोगुरो ॥

13 कर थिस्सलोनिकाबा यहुदिहाःरे बेरियाओ पावलरे निङ्वाःफु पाःन्जाक्किन् इङ्भोःसुर वाः केलःबा मेघेप्सु, हेक्केःल्ले खेप्मोआङ् मेद्येआङ् मनाहाः खुनिः तक्लेङ्वाओ मेहुसुसिर मेभोःक्खुसिरो ॥

14 खिमो नसानिबा फुःनुसाःहाःरे वालाम्दिःक् चोःक्से पावलेन् वाहङ्डिल्ले कुयाओ मेबाङ्घु मेदेःसुरो ॥ कर सिलास नु तिमोथिःन् नेप्माङ् बेरियाओ वये लारेत्छिरो ॥

15 पावलेन् केसाबा मनाहाः खुनेःनुए एथेन्स येक्यक् थारिक् मेबे ॥ हेक्क्याङ् खेङ्हाः याम्मो याङ्ना बेरियाओ मेनुःक्खे मेद्येआङ् पावलरे पाःतुबा कुइसिःक् सिलास नु तिमोथिःन् हाराए केबित्छिआङ् खुनेः केदुम्सुमुरो फाःआङ् खेङ्हाः मेमेत्तुसिरो ॥

पावलरे एथेन्सओ इङ्भोःसु

16 पावलरे एथेन्सओ सिलास नु तिमोथिःन् हाङ्घुसिर वयेल्ले येक्यक्को यरिक् नावाइत्लाहाः निःसुआङ् साःरिक्के कुलुङ्माः योःन्देरो ॥

17 हेक्केःल्ले खुनेः यहुदि चुम्लुङ्हिम्मोबा यहुदिहाः नु निङ्वाःफुमाङ्डिन् सेवा केजोःक्पा थिम्मैन्दङ् सुवाङ्हाः हेक्क्याङ् पाङ्जुम्मो थिक्याःन्धक् केदाःबा केबेःक्पा मनाहाःनु पाःन्थक्तेरो ॥

18 खेप्मो एपिक्युरि नु स्तोकि सिक्साम्बाहाःरेआङ् खुनेःनु पाःन् मेधक्तेरो ॥ कुभा अक्खे मेमेत्छिङ्, “कन् अःअबाल्ले थेमाःन् पाःतुबे?” वेःहाःरे अक्खे मेमेत्तु, “कल्लेग कुसङ्

वेह साम्माङ्ज्याङ् नु माङ्पाःन् चेक्खु पाःत्तुबा हेक्के लहरो॥”
पावलरे येसुःनुनु सिःमेन्लाम् याम्मो हिङ्मारं कुयाःम्बेओ इङ्भन्
चोगुबाल्ले खेङ्हाःरे अक्खे मेबाःत्तुबारो॥

19 हेक्क्याङ् खेङ्हाःरे पावलेन् अरियोपागस मेप्पनाबा
चुम्लुङ्ङो मेदारुआङ् अक्खे मेमेत्तु, “कन् केबाःत्तुर केवाःबा
कुसङ् निसाम्मिन् आनिगेआङ् खेम्मा सिराः थाङ्गेआङ् वाःहरो॥

20 खेनेः केबाःत्तुबा कुभा पाःन्हाःग आनिगेओग कुसङ् नु
निङ्वाः केमाबा चोःक्पा निःसुम्बे॥ खेल्ले कुबेःन्निङ्ग थेमाबे?
याप्पि आमेत्तेःओ॥”

21 (एथेन्सबा काक् यक्युङ्बाहाः नु माःङ्घा लाजेःलाम्
केदाःबा मनाहाःरे कुसङ् पाःन् चेङ्मा नु खेम्माओरक् नाम्
मेधासुरो॥)

22 हेक्केःल्ले अरियोपागसबा चुम्लुङ्ङिल्ले कुलुम्मो पावलेन्
येम्सिङ्ङाङ् अक्खे मेत्तुसि, “एथेन्सओ केयुङ्बा आदाङ्बासे,
खिनिःग साःरिक् साम्योसाबा केजोगिः फाःआङ् इङ्गाः निङ्वाः
खोःसुङ्लो॥

23 थेआङ्भेल्ले खिनिः येक्यक्को लाङ्घेगाङ् ल पत्छाङ्ङिल्ले
खिनिः सेवा केजोगिबा तेन्हाः ओमेत्तुङ्ङिल्ले कुसिङ् मेन्निःतेबा
माङ्ङिल्लेन् लःरिक् साप्तेबा साङ्बेधिक् निःसुङ्लो॥ खेल्ले
चोगुल्ले, आल्लो खिनिः कुसिङ् मेन्निःते सेवा केजोगुम्बा
माङ्ङिल्ले कुयाःम्बेओ आङ् इङ्गाः इङ्भन् चोगुङ्लो॥

24 निङ्वाःफुमाङ्ङिङ्ग साङ्ग्राम्पेदाङ् नु इक्सादिङ्
खाम्बेःकमाल्ले कुन्दाङ्बारो॥ खुनेःए इक्सादिङ् खाम्बेःकमान् नु
खेप्पो केवाःबा केरेक् चोगुसिबाल्ले खुनेः मेन्छाम् याप्पिहाःरे
मेजोगुबा माङ्ङिहम्मो मेयुङ्ङिन्लो॥

25 हेक्क्याङ् मेन्छाम् याप्पिरेन् कुभाः खुनेः चाहाबा
मेजोःक्नेन्, थेआङ्भेल्ले मेन्छाम् याप्पिहाः नेत्तिगेन् हिङ्मन् नु

साःङ्गुगेन् सक्मा हेक्क्याङ्काक् पाःन्हाः केबिबा खुनेःएरो ॥

26 खुनेःए थिक् मेन्छाम् याप्मिलाम् काक् मेन्छाम् सुवाङ्हाः चोगुसिआङ् इक्सादिङ् खाम्बेःकमो सिदाक् युङ्मा पाङ्घुसिबारो ॥ खुनेःए खेङ्हाः आत्तो युङ्मा पोःङ् आप्फाल्ले युङ्मा पोःङ् फाःआङ् तगिसा निङ्सेःक् चोगुआङ् वये ॥

27 खुनेः मेगोःतुल्ले मेघोःसुनि फाःआङ् हेक्के चोगु पिरुसिबारो ॥ हेक्केसाङ् निङ्वाःफुमाङ्ङिङ्ग आनिःनु माःङ्घा होःप्लो ॥

28 मनाधिकले अक्खे पाःतुआङ् वाः, ‘खुनेः चोगुल्लेए आनिः आहिङ्, लाङ्आघेःक्काङ् हिङ्मन्नो आवारो ॥’ खिनिः कुभा साम्मिला साम्बाहाःरेआङ् अक्खे मेबाःतुआङ् वाः, ‘आनिःआङ् खुनेः कुमुःइदाङ्सासिरो ॥’

29 आनिः निङ्वाःफुमाङ्ङिल्ले कुमुःइदाङ्सा आबोःक्खेबाल्ले चोगुल्ले, आनिःग निङ्वाःफुमाङ्ङिङ्ग मेन्छाम् याप्मिरे हुक्साप्पेन् सुम्बोधारे चोःकमनाबा साम्म्याङ्, युप्पा, नु लुङ्नावाइत्ला कुइसिःक् चोःक् फाःआङ् आनिः इःप्पा मेनुःनेन्लो ॥

30 पेबा येम्मो निङ्वाःफुमाङ्ङिल्ले मेन्छाम् याप्मिहाःरे मेन्नि मेन्धाए फेन् याःम्बक् मेजोगुबाओ खुम्दिङ् मेबिरुन्सिन्, कर आल्ल खेङ्हाः आत्तान् पिसाङ्साङ् मनाहाः फेन् याःम्बक् कुधिम् हिङ्मन्लाम् मेहिन्ल फाःआङ् इङ्जाःङ् पिरुसिआङ् वारो ॥

31 निङ्वाःफुमाङ्ङिल्ले सेगुबा कन् मनालाम् इक्सादिङ् खाम्बेःकमोबा याप्मिहाः साम्योनिबा खासेन् चोःक्मा सुयेम् निःन्धो चोगुआङ् वारो ॥ हेक्क्याङ् खुनेःग खेन् सेगुबा मनाःन् सिःमेन्लाम् कुहिङ्वेत् चोगुआङ् कन् पाःन्निन् ओसेःन्आधाक्तेआङ् वारो ॥”

32 पावलरे सिःमेन्लाम् याम्मो हिङ्माल्लेन्पाःन् पाःतुबा

मेधेप्सुआङ् कुभाऱे खुनेऱ किनाःन्दि मेऱबिरुसाङ् वेऱहाऱे अक्खे मेमेत्तु, “आनिगे केबाःतुबा कन् पाःन्निन् याम्मोआङ् खेम्मा सिराऱ थाङ्गेआङ् वाऱरो ॥”

33 हेक्क्याङ् पावलेन् चुम्लुङ्गलाम् लःन्दे पे ॥

34 कर कुभा मनाहाऱ पावलरो मेद्वेऱआङ् येसुःन् नसाःन् मेजोगु ॥ खेङ्गहाऱओ देउनिसियस मेप्पनाबा अरियोपागसरेन् पासिङ्गपादाङ् नु दामारियस मेप्पनामा मेन्छुमाऱ नु वेऱ मनाहाऱआङ् मेवयेरो ॥

18

पावलेन्कोरन्थि येक्यक्को

1 खेन् एगाङ् पावलेन्एथेन्सलाम् कोरन्थि येक्यक्को पे ॥

2 खेप्पो खुनेऱ अक्खिला मेप्पनाबा यहुदिधिक् तुमु ॥ खेन् पोन्तस लाजेऱबा वये ॥ खेन् खारक् इतालिलाम् मेलिङ्गेन् कुमेःत् प्रिस्किलाःन्नु त्येसिआङ् वयेत्छि, थेआङ्भेल्ले पयम् हाङ् कलाउदियसरे काक् यहुदिहाऱ रोम येक्यक्किन् पक्थ्येम्मेऱआङ् पेगेम्मेऱ फाऱआङ् इङ्जाःङ् पिरुसिआङ् वयेरो ॥ खेङ्गहाऱे खुनिऱ तुम्से पावलेन् पे,

3 हेक्क्याङ् खुन्छिऱ हेक्केए खुनेऱआङ् साःङ्गाहिम् खाप्पा तेःत् केधाक्पा वयेबाल्ले खेङ्गहाऱनुए सौरिक् वयेर याःम्बक् चोगेरो ॥

4 हेक्क्याङ् काक् नाःम्सिङ्गेन् थप्पे खुनेऱ यहुदि चुम्लुङ्गहिम्मो पेआङ् यहुदिहाऱ हेक्क्याङ् थिम्मेन्दङ् सुवाङ्गहाऱनु पाःन्थक्तेर खेङ्गहाऱेआङ् येसुःन् नसाःन् मेजोगुर फाऱआङ् पोधक् चोगुसिरो ॥

5 सिलास नु तिमोथिःन् मेसेदोनियालाम् खेप्पो केरेत्छिआङ् पावलेन् काक् येम्मो सुनाङ्ग सेःमा नु यहुदिहाऱ खिनिऱ केगोःत्तुम्बा निङ्गवाऱफुमाङ्गिल्ले सेःन्दुबा खिस्तेन्येसुःन्नेरो फाऱआङ् ओसेःन्धाक्मा याःम्बक्को आल्लसाङ् साऱरिक् फन्छिङ्गलो ॥

6 कर यहुदिहारै खुनेः मेअतुर कुना मेधासुल्ले निड्वाःफुमाड्डिन् खेड्हाःनु सिच्छिड्डाड् वाः लःरिक् ओसेःन्धाक्मासि फाःआड् पावलरे खुनिः तक्लेड्वाओ कुदेःत्तिन् साक्खुर अक्खे मेत्तुसि, “खिनिः साम्दिड् पिमा आयाःम्बक्किन् चुरेरो॥ खिनिः केस्येःइ केमेगिसाड्डिड्गाः थेआड्आप्तिक्मेघोआन्लो॥ आल्लआड्धोग इड्गाः थिम्मिन्दड् सुवाड्हारो सुनाइड् इड्भोःसे पेगाड्लो॥”

7 हेक्केलःरिक् पावलेन् यहुदि चुम्लुड्हिम्माम् लःन्देआड् खेल्ले कुबेसाड्बा निड्वाःफुमाड्डिन् सेवा केजोःक्पा तितस मेप्पनाबा युस्तसरे कुहिम्मो वाःसे पे (खुनेः थिम्मिन्दड् सुवाड् वये)॥

8 क्रिस्पस मेप्पनाबा यहुदि चुम्लुड्हिम्मोबा लाम्लोःबेन् नु कुहिम्मसयड्हारैआड् नसाःन् मेजोगु॥ हेक्केलःरिक् कोरन्थिबा यरिक् वेः मनाहारै सुनाइड् मेघेप्सुआड् नसाःन् मेजोगुर बप्तिस्मा मेबोःक्खेरो॥

9 थिक् सेन्दिक् तादिगेन् सेप्पाड्मो दाड्बाल्ले पावलेन् अक्खे मेत्तु, “खेनेः मेगिसेन्नेःओ, कर स्वाःत् मेवयेन्नेः, चक्केल्लःए सुनाइड् सेःस्सेःर वयेःओ!

10 इड्गाःग खेनेःनुए वाःआरो, हेक्क्याड् हाःत्लेआड् थेआड् केम्मेत्नेल्लो, थेआड्भेल्ले कन् येक्यक्को चक्केल्लःए सुनाइड् इड्गेभोःसुने फाःग्र नसाःन्नो ताःमा यरिक् आमनाहाः मेवाःरो॥”

11 हेक्केलःरिक् खेप्पो पावलरे तड्बे थिक्काड् कुभेःड् थारिक् निड्वाःफु पाःन्जाक्किन् हुःरुसिर वयेरो॥

12 हेक्क्याड् गालियो मेप्पनाबा मनाःन् अक्खैया लाजेःबा रोमि सुहाड्गेम्बा वयेल्ले यहुदि लाम्लोःबाहाः थिक्हुप् मेबोःक्खेआड् पावलेन् मेदेम्सु हेक्क्याड् रोमि सुहाड्गेम्बाल्ले कुदगि खासेन् लोःन्छे मेदारु॥

13 खेङ्हाःरे अक्खे मेमेत्तु, “कन् मनाःल्ले निङ्वाःफुमाङ्ङिन् आनिगे साम्योथिम्नु मेन्दङ्मना सेवा चोःक्मा मनाहाः हुसुसिआङ् वारो॥”

14 हेक्केःल्ले पावलेन् पाःप्मा इःत्तेआङ् वयेल्ले गालियोरे खेन् यहुदिहाः मेत्तुसि, “यहुदिसे, कन् मनाःल्ले चोगुबा ताप्फेःम्बा नु कन् मनाःल्ले रोमि थिम् फेःन्दुबा पाःन् वाःने फाःग्न इङ्गाः खिनिः पाःन् खेम्माआङ् खासेन् लोःम्मा नुःबाए पोःङ्॥

15 कर कन् पाःन्निन् खिनिः साम्योथिम्मोबा मिङ्हाः, सुत्लाहाः नु थिम्मिल्लेन्लक् वाःबाल्ले चोगुल्ले कङ्ग खिनिः आबाडे तङ्घेम्मेःओ॥ इङ्गाःग कन् पाःन्हाः खासेन् मेलोःन्नान्लो॥”

16 हेक्क्याङ् खेङ्हाः केरेक् खासेन्हिम्मलाम् लाःक्कात् पाङ्घुदेःसुसिरो॥

17 हेक्केःल्ले खेङ्हाः केरेक्ले यहुदि चुम्लुङ्हिम्मोबा लाम्लोःबा सोस्थेनसेन् मेदेम्सुआङ् खासेन्हिम् तगिए मेलःप्सुरो॥ कर गालियोरे खेङ्हाः खेम्मेम्माङ् मेलान्तुसिन्॥

18 पावलेन्कोरन्थिओ नसानिबा फुःनुसाःहाःनु यरिक् येन् वये, हेक्क्याङ् खेप्पोलाम् प्रिस्किला हेक्क्याङ् कुर्येम्बाः अक्विलाःन्नु सिरिया लेप्पाङ् वालाम्दिःक् चोगे॥ कर खुनेः पेःक्मानुःल्ले तगि, माङ्हेक् चोगुबा कुइसिःक् पावलरे किङ्क्रिया येक्यक्को कुधेगेःक् नःक्खुरो॥*

19 खेङ्हाः एफिससओ मेगेरेआङ् पावलरे प्रिस्किला नु अक्विलाःन् खेप्पो पक्थसि॥ कर खेप्पो वयेल्ले खुनेः यहुदि

* 18:18

चुम्लुङ्हिम्मो पेआङ् यहुदिहाऱनु पाःन्थक्तेरो ॥

20 खेङ्हाऱरे कुभा येन् आनिगेनुए वयेऱ फाऱआङ् पेलि मेभाक्तुसाङ् खुनेऱ वाऱमा मेदेन्देन्लो ॥

21 हेक्केःल्ले खेङ्हाऱ अक्खे मेत्तुसि, “निङ्वाऱफुमाङ्ङिल्ले कुनिङ्वाऱ पोःङ्ने फाऱग्र इङ्गाऱ ख्विनिऱओ याम्मो ताआरो ॥” हेक्के मेत्तुधसिआङ् खुनेऱ एफिससलाम् सिजरिया लेप्माङ् वालाम्दिःक्को थासिङ्लो ॥

22 हेक्क्याङ् खुनेऱ सिजरियाओ केरेआङ् खेप्पोनु थाःङ् यरुसलेम्मो पेआङ् खेप्पोबा सेसेहुप्लक्कोबा नसानिबाहाऱओ चुङ्जिगेन् सेवा तोःन्दु ॥ हेक्क्याङ् खुनेऱ खेप्पोलाम् एन्तिओक्को थ्येरो ॥

23 खेप्पो कुभा येम् याःक्तेआङ् खेप्पोलाम् पावलेन् गलातिया नु फ्रिगियास्मा तेङ्गप्पो याम्मो लाम्दिःक् चोगेऱ खेप्पोबा नसानिबाहाऱ नसाःन्नो केधुम्बा चोगुसिरो ॥

अप्पोलोसरे एफिसस नु कोरन्थिओ इङ्भोःसुऱ

24 खेन् येम्मो अलेक्जेन्द्रिया* येक्यक्को सागेवाःन्छिङ्बा अप्पोल्लोस मेप्पनाबा यहुदिधिक् एफिससओ त्ये ॥ खुनेऱग साऱरिक् नुःरिक् पाःप्मा केसुकपा चोगे, हेक्क्याङ् साम्योसाप्लाआङ् नुःरिक् लेस्सुआङ् वयेरो ॥

25 खुनेऱग दाङ्बाल्ले कुमनाहाऱ आक्खेलऱरिक् हिङ्मा पोःङ् केलऱबान् हुऱरुसिआङ् वये, हेक्क्याङ् साऱरिक् नुःरिक्काङ् कुसिक् समेऱ येसुरे कुयाःम्बेबा सेक्खा पाःन्हाऱ हुऱरुसिरो ॥ हेक्केसाङ् खुनेऱग युहुन्नारे बप्तिस्मा पिरुसिल्ले हुऱरुसिबान्लक् लेस्सुआङ् वयेरो ॥

* 18:24 □□□□□□□□□□□□□□□□-□□□□□□□□□□□□□□ □□□□ □□□□□□□□ □□□□□□ □□□□, हेक्क्याङ् रोमि हाङ्जुम्मोबा लत्छा केयेक्पा येक्यक् वयेरो ॥

26 खुनेऱ पयम् आःन्छिङ्मानु यहुदि चुम्लुङ्हिम्मो पारेऴले प्रिस्किऴा नु अक्विलारे खेऴले कुबाःन्निन् खेप्सेत्छुआङ् खुन्छिऱ हिम्मो उःतेत्छु, हेक्कयाङ् खेन्निङ्वाऱफुमाङ्डिल्ले कुनिङ्वाऱ हेक्के हिङ्मा केऴऱबान् नुःरिक्काङ् कुसिङ् निःतुर फाऱआङ् पोधक् चोगु पिरेत्छुरो ॥

27 अप्पोलोस अक्खैया थुम्मो पेःक्मा निङ्वाऱ चोगुऴले एफिसस्बा नसानिबाहाऱरे खुनेऱ खेप्पो पेःक्मा आःन्छिङ्मा मेबिरुर खेप्पोबा नसानिबाहाऱ खिनिऱओ अप्पोलोसेन् तार पत्, नुःरिक्काङ् लाङ्दाःक्मा पिरेम्मेऱओ लऱरिक् सक्डङ्घङ् मेहाक्तुसि ॥ हेक्कयाङ् खुनेऱ खेप्पो केरेआङ् निङ्वाऱफुमाङ्डिल्ले कुलुङ्गुम्लाम् नसाःन् केजोःक्पा नसानिबाहाऱ यरिक् कुभाऱ पिरुसिरो ॥

28 थेआङ्भेऴले खुनेऱग मनालुम्मोए खेप्पोबा यहुदिहाऱनु साऱरिक् पाःन्थक्तेआङ् खुनिऱ पाःन्निन् अतुर साम्योसाप्लालाम् येसुःन्ने निङ्वाऱफुमाङ्डिल्ले सेःन्दुबा ख्रिस्तरो फाऱआङ् ओसेःन्धाक्तुसिर याःन्दुसिरो ॥

19

येसुरे कुमिङ्डो बप्तिस्मा

1 अप्पोलोसेन् कोरन्थि येक्यक्को वयेऴले पावलेन् एसिया तेङ्गप् सिगाङ् लाम्दिःक् चोगेऱ एफिसस येक्यक्को केरे त्येरो ॥ खेप्पो कुभा नसानिबाहाऱ तुमुसिआङ्

2 सेःन्दोसुसि, “नसाःन् केजोगुम्मिल्ले सेसेमाङ्डिन् केघोःसुम्बि?”

खेङ्हाऱरे नोगप् मेबिरु, “आनिगेग सेसेमाङ् वाऱ केऴऱबा पाःङ्ग मेङ्घेम्मे वयिगेरो ॥”

3 हेक्केःल्ले पावलरे खेङ्हाऱ सेःन्दोसुसि, “हेक्केने फाऱग्र आक्तङ्बा बप्तिस्मा केबोःक्खिबे?”

खेङ्हाऱरे नोगप् मेबिरु, “आनिगे नसाःन् चोःक्मनाःल्ले युहुन्नारे हुऱरिगेबा बप्तिस्मान् पोःक्खिगेरो ॥”

4 पावलरे मेत्तुसि, “युहुन्नारेग लायोलाम् केहिम्बाहाऱ बप्तिस्मा पिरुसिर इस्त्राइलिहाऱ अक्खे मेत्तुसि, ताःन्दि आएगाङ् केदाःबार केबप्पेन्नसाःन् चोगेम्मेऱओ, खुनेऱए येसुरो ॥”

5 खेङ्हाऱरे कन् पाःन्निन् मेघेप्सुआङ् दाङ्बा येसुरे कुमिङ्डो बप्तिस्मा मेबोःक्खे ॥

6 पावलरे खुनिऱ सम्दाङ् हुक् नेस्सु पिरुसिल्ले सेसेमाङ्डिन् खुनिऱ सम्दाङ् थ्येआङ् खेङ्हाऱ वेऱ पाःन्दाङ्हाऱ नु माङ्निङ्वाऱपाःन् मेबारेरो ॥

7 खेप्पो केरेक्को थिक्-नेत् (१२) यारिक् येम्बित्छाऱहाऱ मेवयेरो ॥

8 पावलेन् यहुदि चुम्लुङ्हिम्मो पेर ला सुम्सि थारिक् हाङ्हाङ् लऱरिक् मनाहाऱनु पाःन्धङ् चोगुर निङ्वाऱफुहाङ्जुम्मिल्ले कुयाःम्बेओ खुनिऱ निङ्वाऱ ताःमा पिमासि तम्सिन् चोगु ॥

9-10 कुभारे सुनाइङ्डिन्नसाःन् मेजोगु, कर कुभाग खुनिऱ निङ्वाऱ केधुङ्बा मेवयेआङ् नसाःन् चोःक्मा मेन्देन्देन्नाङ् दाङ्बारे कुलाम्मिल्ले कुदक्केङ्डो मनाहाऱरे खुनिऱ तगिए ताप्फेःम्बा मेबाःत्तु ॥ हेक्केःल्ले पावलरे खेङ्हाऱ पक्थसिआङ् कुहुऱसाम्बाहाऱ वेऱस्मा तेन्नो तेऱरुसि ॥ हेक्क्याङ् तिरानस मेप्पनाबा मनाःल्ले कुनिसाम्हिम्मो थिक्क्याःन्धक् तङ्बे नेत्छि थारिक् मनाहाऱनु पाःन्धङ् चोगु ॥ अक्खेलऱरिक् एसिया तेङ्गप्पोबा काक् यहुदिहाऱ नु थिम्मेन्दङ् सुवाङ्हाऱरे दाङ्बाल्ले कुयाःम्बेओ कुबाःन्जाक्किन् मेघेप्सुरो ॥

एफिससओ निङ्वाऱ केमाबा याःम्बक्

11 निड्वाःफुमाड्डिल्ले पावललाम् निड्वाः केमाबा याःम्बक्हाः चोगुरो ॥

12 अक्खेलहरिक् खुनेः सुस्सुबा पड्गेन्हाः नु पथाड्हाः मेदेःरुआड् केदुक्पा केयःबा सम्दाड् मेनेस्सु मेबिरुसिल्ले खेड्हाः तुक्मा यःमालाम् मेवेःतेःआड् फेन्साम्हाः मेलःन्दे मेबेरो ॥

13 खेप्पो ताक्कन्नु फेन्साम् केलःप्पा कुभा यहुदिहाःआड् मेवये ॥ खेड्हाःरे दाड्बा येसुरे कुमिड्डिन् ओगप् चोःक्मा तम्मिन् मेजोगुर खेड्हाःरे फेन्साम्मिन् अक्खे मेमेत्तु, “पावलरे इड्भोःसुबा येसुरे कुमिड्डो लःन्दे पेगेः फाःआड् इड्गाः इड्जाःड् पिनेरो ॥”

14 खेप्पो स्केवास मेप्पनाबा यहुदि तुम्निड्वाःफुसाम्बाल्ले नुसि कुस्साः येम्बित्छाःहाःरेआड् हेक्कतड्बा याःम्बक् मेजोगु ॥

15 हेक्के मेजोगुल्ले फेन्साम्मिल्ले अक्खे मेत्तुसि, “इड्गाः पावलेन् कुसिड् निःत्तुड्, येसुःन् कुसिड् निःत्तुड्, कर खिनिःग हाःत्तिड्बे?”

16 खेन् फेन्साम्मिल्ले युक्तुबा मनाःन् पित्चाक् पिन्देः खेड्हाः फत्तुसिर युक्तुसिआड् खेल्ले खुनिः तेःत्हाः थेःक्खुबिरुसिर खाःन्दुसिआड् खेन् हिम्मोलाम् खेड्हाः लेक्खाबेधिःक् मेलःन्देआड् मेलोःक्ते मेबेरो ॥

17 हेक्क्याड् एफिससओ केवाःबा काक् यहुदिहाः नु थिम्मैन्दड् सुवाड्हाःरे कन् मेघेप्सुआड् मेगिसेरो ॥ खेड्हाःरे दाड्बा येसुरे कुमिड्डिन् पयम् इड्धाःड् मेबिरु थाःड्धाःड् मेजोगुरो ॥

18 यरिक् नसाःन् केजोःक्पाहाः खेप्पो मेद्वेआड् वेः नसानिबा तगि खुनिः मेजोगुबा फेन् याःम्बक्हाः याम्मो मेजोगुम्बेन् फाःआड् मेबाःत्तुरो ॥

19 अक्खेलहरिक् यरिक् कित्चाक् याःम्बक् केजोःक्पा कन् मनाहाः खेप्पो मेद्वेआड् कित्चाक् साप्लाहाः मेसुप्सुआड् मना तगिए मेहाःन्दु मेदेःसुरो ॥ खेन् कित्चाक् साप्लाहाःरे कुमेल्लुड्ग

हेन्छिङ् डाबोःड्नुःल्लेआड्यरिक्(५०,०००) युप्पायाङ् वयेरो ॥

20 हेक्क्याङ् अक्खेलरिक् दाङ्बारे कुयाःम्बेओ कुबाःन्जाक्किन् मुक्साम्नु कुधिम् सेःरेर पेरो ॥

एफिससओ हयङ्तेन्धङ्

21 कन् पाःन्हाः पोःक्खे चुरेआङ् पावलरे मेसेदोनिया नु अक्खैया थुम् पोःङ्मार यरुसलेम पेःक्मा निङ्वाः चोगु ॥ हेक्क्याङ् खेल्ले अक्खे मेत्तुसि, “इङ्गाःग खेप्पो पेःक्माआङ् रोम येक्यक्कोआङ् पेःक्माए पोःङ्लो ॥”

22 हेक्क्याङ् खुनेः कुभाः केबिबा नेप्फु कुन्जुम्हाः तिमोथि नु इरास्तसेन् तगि मेसेदोनियाओ पाङ्घुसिआङ् खुनेःग एसिया तेङ्गप्पोए कुभा येन् याःक्तेरो ॥

23 बा खेन् येम्मो एफिससओ दाङ्बाल्ले कुलाम्मिल्ले कुदक्लेङ्ङो यम्बा हयङ्किल्लिङ् पोःक्खेरो ॥

24 देमेत्रियस मेप्पनाबा युप्पा चोबेगुधिक् वये ॥ खेन् आर्तेमिस* साम्माङ्ङिल्लेन् चुजुक्सा युप्पा माङ्हिम् केजोःक्पा वये हेक्क्याङ् खेन् याःम्बक्कोलाम् यरिक् नावाइत्ला केजोःक्पाहाररे हिम्ब्राम् मेजोगुआङ् मेवयेरो ॥

25 हेक्क्याङ् कन् नावाइत्ला याःम्बक् केजोःक्पाहाः नु वेः हेक्तङ्बा याःम्बक् केजोःक्पाहाः केरेक् सुप्सुसिआङ् चुम्लुङ् चोगुर अक्खे मेत्तुसि, “तेःङ्जुम्से, कन् याःम्बक्कोलाम् आनिःग साःरिक्के यरिक् याङ् आधगुम्बान् खिनिः केनिःसुम्माङ् वाःरो ॥

26 आल्ल खिनिः आबाडे केनिःसुम्माङ् केघेप्सुम्माङ् केवयिः, कन् पावल मेप्पनाबा मनाःल्ले एफिससओरक् मेःन्, कर एसिया

* 19:24

33 कुभा यहुदिहाऱे अलेक्जेन्दर मेप्मनाबा मनाःन् कन् हयङ्किल्लिङ्ङिन् थेआङ् पोःक्खेबा फाऱआङ् चेङ्से खुनेऱ तगि मेजन्दु ॥ हेक्क्याङ् अलेक्जेन्दरले थिक् नेत्छि नाङ्सिङ्मा पाःन्हाऱ पाःप्मा फाऱआङ् हुक्फोःक्खुर मनाहाऱ स्वाःत् चोःक्मासि निङ्वाऱ चोगुरो ॥

34 कर खुनेऱ यहुदि फाऱआङ् निङ्वाऱ मेघोःसुआङ् मनाहाऱ साऱरिक् थिक्हुप् मेबोःक्खेआङ् खप्मे कुमुक् नेत्छि थारिक् अक्खे लऱरिक् मेअःक्ते, “एफिसस्मा आर्तेमिस साम्माङ्ङिन्ने साऱरिक् पयम् यम्बा साम्माङ्लो!”

35 हेक्क्याङ् कुनुप्पो येक्यक् सुहाङ्गेम्बाल्ले काक् मनाहाऱ स्वाःत् चोगुसिआङ् मेत्तुसि, “तेःङ्जुम्से, कन् एफिसस्मा तेङ्गप्पिङ्ग पयम् आर्तेमिस माङ्ङिल्ले कुमाङ्हिम् नु ताङ्साक्पोलाम् मक्केधाःबा कुनावाइत्ला केगप्पा फाऱआङ् काक् मनाहाऱे निङ्वाऱ मेघोःसुआङ् मेवाऱरो ॥

36 आत्तिल्लेआङ् कन् पाःन्निन् अप्पा मेसुक्तुन्लो, थेआङ्भेल्ले काक्के कन् पाःन्निन् सेक्खाएरो फाऱआङ् मेनिःसुआङ् मेवाऱरो ॥ हेक्केःल्ले आल्लो खिनिऱग मेन्डःते थेआङ् इनोगेन् तुक्खे केदाःबा याःम्बक् मेजोगेम्मिन्नेओ ॥

37 खिनिऱ कन् नेप्फु मनाहाऱ केदारुम्मिसम्माङ् वाऱसि, कर कङ्हाऱे माङ्हिम्मोलाम् थेआङ् मेङ्घुःते वाऱसि, हेक्क्याङ् आनिऱ आर्तेमिस माङ्ङिल्ले कुदक्केङ्वाओ माङ्चेऱया पाःन्नाङ् मेम्बाःते वाऱसिरो ॥

38 देमेऱियस नु कुयाःम्बक् केजोःक्पा कुभा मनाहाऱे तक्केङ्वाओ आप्तिक् वाऱने फाऱग्र खासेन्हिम् नु सुहाङ्हिम् वाऱ, हाराऱ खेप्पो मेदारुनि ॥

39 कर खेन्नाङ्धो वेऱ पाःन् केगत्तुम्ने फाऱग्र चोःक्थिम् चुम्लुङ्ङोलाम् पाःन् केमा पोःङ्लो ॥

40 हेक्केःल्ले आइन् केबोःड्बा कन् हयङ्किल्लिड्रेन् आप्तिकिक्कन् रोमि सुहाङ्क्युक्पाहाऱरे आनिऱ आमगुःप्पा पोःक्खेरो॥ हेक्केःल्ले कन् थे पोःक्खेबा फाऱआङ् थेआङ् पाःप्पा आन्छुक्तुम्मिन्लो॥”

41 येक्यक् सुहाङ्मिबाल्ले हेक्के मेत्तुसिआङ् केदाःबा मनाहाऱ पाङ्घुदेःसुसिरो॥

20

पावलेन् मेसेदोनिया नु ग्रिस लाजेऱओ लाम्दिःक् चोःक्

1 हेक्क्याङ् खेन् हयङ्किल्लिड् लऱमेन् चिजिखक्खक् पोःक्खेआङ् पावलरे एफिसस्मा नसानिबा फुऱनुसाऱहाऱ उःत्तुसिआङ् आःन्छिड्मा पिरुसि॥ हेक्क्याङ् खेङ्हाऱनु सेम्मुऱड् चोगुआङ् खुनेऱ खेप्पोलाम् मेसेदोनियाओ पेरो॥

2 हेक्क्याङ् खेन् थुम्मो पोःक्खेर लाम्दिःक् चोगेऱले नसानिबाहाऱ आःन्छिड्मा पिरुसि॥ हेक्केलऱरिक् खुनेऱ ग्रिस लाजेऱओ केरेआङ्

3 खुनेऱ खेप्पो ला सुम्मि थारिक् याःक्ते॥ हेक्क्याङ् खुनेऱ खेप्पोलाम् सिरिया लेप्पाङ् वालाम्दिःक् चोःक्माआङ् पेःक्मा यारिप् पोःक्खेआङ् वयेऱ्ले यहुदिहाऱरे खुनेऱ सेप्पा इड्मेदङ्घुआङ् वाऱ फाऱआङ् निड्वाऱ खोःसुआङ् खेप्पोलाम् खुनेऱ मेसेदोनियालाम् लाङ्घेःक्माआङ् पेःक्मा निड्वाऱ चोगु॥

4 हेक्क्याङ् बेरिया केयुड्बा पुरसरे कुस्साः सोपात्रोस, थिस्सलोनिकालाम् अरिस्ताख्स नु सिकन्दस, दर्बिलाम् गायस, गलातियालाम् तिमोथि, हेक्क्याङ् एसियास्मा तेङ्गप्पोलाम् तुखिकस नु त्रोफिमससि खुनेऱनुए मेवयेरो॥

5 खेङ्हाऱ आन्छिगेनु तगि मेबेआङ् त्रोआसओए याप्मि मेहाङ्घिगेरो॥

6 आनिगे सिदाऱ मेम्भःन्नेबा खरेःङ् चामा तङ्नामकुएगाङ् वालाम्दिःक्को फिलिप्पिलाम् थासिङ्मनाआङ् डासि येन् एगाङ् वेऱ फुऱनुसाऱहाऱ त्रोआसओ तुम्नासि हेक्क्याङ् खेप्पो नुसि (७) येन् सोरिक् वाऱमनारो ॥

पावलरे थाङ्बेन्धिकसिःमेन्लाम् कुहिङ्वेत् चोगुऱ

7 हेक्क्याङ् तेनेबा येन्निल्लेन् युःन्छिक् आनिगे नसानिबा फुऱनुसाऱहाऱनु दाङ्बाल्लेन् साभाङ्जा चामा फाऱआङ् सोरिक् चुम्नारो ॥ कन् नसानिबा फुऱनुसाऱहाऱनु पावलेन् सेत्लुम्भक्तेर थारिक् पारे, थेआङ्भेल्ले खुनेऱग कुनाम्दाःप्पा खेप्पोलाम् केबेःक्पा वयेरो ॥

8 आनिगे चुम्लुङ् चोःक्मनाबा थोःस्मा याक्फाओ यरिक् सेमिहाऱ मेहाःन्दुआङ् युङ्गेरो ॥

9 खेप्पो युताइकस मेप्मनाबा नालिङ्गेन् थाङ्बेन्धिक पेधाःप्पो पेआङ् युङ्सिङ् ॥ पावलेन्चक्मेल्लऱए पारेऱ पत्छेल्ले खेन् थाङ्बेन्निन् कुमिक्युःसेआङ् इम्धक्वा लोरेऱ युङ्गे ॥ हेक्क्याङ् खेन् साऱरिक् इप्सेल्ले सुम्सिगेःक्समा खाम्लोओनु यो मक्थ्येआङ् स्येरो ॥ मनाहाऱरे मेबेआङ् ओमेमेत्तुल्लेग आन्देःन्छा स्येआङ् नेस्सेरो ॥

10 कर पावलेन् यो पेआङ् खुनेऱ सम्दाङ् सल्लिक् सन्छिङ्गुल हेप्प्रेक्हेप्तुआङ् मनाहाऱ मेत्तुसि, “खिनिऱ निङ्वाऱओ मेगिसेम्मिन्नेऱओ, खुनेऱग कुहिङ्वेत् वाऱरो!”

11 हेक्क्याङ् थोःस्मा याक्फाओ मेबेआङ् दाङ्बाल्लेन् साभाङ्जा सोरिक् मेजरो ॥ खुनेऱ खाओःत्तेर थारिक् खुनिऱनु ताऱजेक्खे, हेक्क्याङ् खेप्पोलाम् सेम्मुऱइ पोःक्खेआङ् थासिङ्गुलो ॥

12 खेङ्हाऱरे खेन् थाङ्बेन्निन् कुहिङ्वेत्ते कुहिम्मो मेदेऱरुआङ् खेङ्हाऱ साऱरिक्के हाङ्हाङ् मेलऱरेरो ॥

त्रोआसलाम् मिलेतस लेप्माङ्ग वालाम्दिःक्

13 आनिगे वालाधालाम् तगि अस्सोस येक्यक्को पेःकमना ॥
खेप्पोए पावलेन् वालाधालाओ केःप्मा पाःन् वये, थेआङ्गभेल्ले
खुनेऱ खेप्पो थारिक् लाङ्घेःकमार पेःकमा निङ्वाऱ चोगुआङ्ग
वयेरो ॥

14 हेक्क्याङ्ग पावलरे अस्सोसओ याम्पि तुमिगे हेक्क्याङ्ग
वालाधाओ केःप्मनाआङ्ग खेप्पोलाम् मित्तिलेनि वागप्खाम्
लेप्माङ्ग थाम्पिङ्गमनारो ॥

15 खेप्पोलाम् आनिगे कुदाःन्दिक्मा खियस वागप्खाम्मो
केप्मना ॥ हेक्क्याङ्ग कुआत्छिन्दाःन् सामोस वागप्खाम्मो
केप्मनाआङ्ग कुआक्खेन्दाःन् मिलेतस येक्यक्को ताःम्नारो ॥

16 पावलरे एसियास्मा तेङ्गप्पो मेन्नाःम्सिङ्गे, हेक्क्याङ्ग
एफिससओ मेन्लःन्ने कुबेसाङ्ग पोःङ्गमार पेःकमाआङ्ग हाराए
यरुसलेम केप्मा निङ्वाऱ चोगु, थेआङ्गभेल्ले पेन्तिकोस्त
तङ्गनाम्मो खेप्पो वाऱमा केल्ऱबा कुनिङ्वाऱ वये ॥

पावलेन्एफिसस्मा तुम्लाम्लोःबाहाऱनु सेम्मुङ्गइ नाःक्

17 पावलरे मिलेतस्लाम् एफिसस्मा सेसेहुप्लकपा
तुम्लाम्लोःबाहाऱ कुदुम्से उःत्तुसि ॥

18 खेङ्गहाऱ खेप्पो मेगेरेआङ्ग पावलरे मेत्तुसि, “इङ्गाऱ
एसियास्मा तेङ्गप्पो केराङ्गबा थिक्सगेःक्समा येन्नाङ्गधोए
आक्खेलऱरिक् खिनिऱनु वयाङ्ग केल्ऱबा खिनिऱ नुःरिक्काङ्ग
केनिःसुम्माङ्ग केवयिरो ॥

19 इङ्गाऱग चुङ्गजिगेन् नःम्नःमनु मिक्वा सोरिक् यहुदि
निङ्गुम्मोआङ्ग दाङ्गबाल्ले कुसेवा चोगुङ्गलो ॥

20 हेक्क्याङ्ग खिनिऱ निःमा थाःमा केबोःङ्गबा काक् पाःन्हाऱ
मेत्तिङ्गडाङ्ग वयाङ्ग हेक्क्याङ्ग मनालुम्मो इङ्गभन् चोःकमा नु

खिनिः हिम्हिम् ताक्कम्मर निसाम् हुःमा इङ्गाः चक्मेःल्लःए
चोगुङ्ङाङ् वयाङ्बाङ्ग खिनिः केनिःसुम्माङ्ङे केवयिःरो ॥

21 यहुदिहाः नु थिम्मेन्दङ् सुवाङ्हाः लायोःलाम् हिन्देम्मेःआङ्
निङ्वाःफुमाङ् लेप्माङ् नुःक्खेम्मेः मेप्मासि नु आनिः दाङ्बा येसु
खिस्त सम्दाङ् नसाःन् चोःक् पाङ्मासि फाःआङ् इङ्गाः साम्दिङ्
पिरुङ्सिङ्ङाङ् वाःआरो ॥

22 आल्ल सेसेमाङ्ङिल्ले ओसेःन्धाक्ताङ्बा कुइसिःक्
यरुसलेम पेःक्कार पत्तारो ॥ खेप्पो थे पोःङ् केःलःबा इङ्गाः
थेआङ् निङ्वाः मेगत्तान्लो ॥

23 कर केरेक् इङ्गाः पेगाङ्बा येक्यक्को सेसेमाङ्ङिल्ले
इङ्गाः मेत्ताङ्बा कुइसिःक्, पुङ्लाहिम् नु तुक्खेरे खेप्पो हाङ्ङार
वाःआरो ॥

24 कर आहिङ्मन्नो दाङ्बा येसुरे पिराङ्बा याःम्बक्किन्
चोःक्मा सुःप्मा हेक्क्याङ् निङ्वाःफुमाङ्ङिल्ले कुलुङ्गुम्मिल्ले
कुयाःम्बेओ सुनाइङ्घङ् इङ्भोःमाआङ्धो वेः थेआङ्
मेइःत्तुङ्ङिन्लो ॥

25 आल्ल निङ्वाःफुहाङ्जुम्मिन् इङ्भन् चोःक्निङ्बा खिनिः
आत्तिल्लेआङ् इङ्गाः याम्मो याप्पि केन्निःसिन् फाःआङ्
निःसुङ्लो ॥

26 खेल्ले चोगुल्ले खिनिः आत्तिल्लेन्नाङ् मेक्माल्लेन्इङ्गाः
आप्तिक्मेघोआन्लो फाःआङ् आइन् इङ्गाः मेत्तिङ्लो ॥

27 थेआङ्भेल्ले इङ्गाःग निङ्वाःफुमाङ्ङिल्ले काक्
कुनिङ्सेःक् इङ्भन् चोःक्मा एगाङ् मेम्बप्पेन्लो ॥

28 हेक्केःल्ले केरेक् लाम्लोःबाहाःरे खिनिः लक्पेन्नो केवाःबा
मनाहाः नुःरिक्काङ् ओमेत्तेम्मिस्सिम्मेःओ ॥ सेसेमाङ्ङिल्ले खिनिः
कम्बाङ् केमेप्पा केजोगिआङ् वाः ॥ निङ्वाःफुमाङ्ङिल्ले
लुङ्माः तुक्तुबा आबुगेन् कुस्साःल्ले कुमाक्खिःइल्ले इङ्बा

सेसेहुप्लक्किन् कम्ब्राड् मेतेम्मेः ॥

29 थेआड्भेल्ले इड्गाः पक्थानिड्डाड्ग किप्पा केघुःबा पराबाहाः मेदाआड् मेल्लुक् लुप्हाः मेन्नच्छुन्सिन्बा कुइसिःक् खिनिः लुम्मोए इड्लेक्पा सिक्साम्बाहाः मेलःन्नाड् खिनिः केमेन्दाड्धिन् केलःबा इड्गाः निड्वाः कत्तुड्लो ॥

30 हेक्क्याड् खिनिः लुम्मोनुए इड्लेक्पाहाः मेलःन् मेदाआड् नसानिबाहाः इड्मेलेक्तुसिआड् लाम् मेभोःत्तु मेदेःरुसिरो ॥

31 हेक्केःल्ले हेक्तड्बाहाःनु सिड्सिड् लःरेम्मेःओ! थेआड्भेल्ले तड्बे सुम्सि थारिक् लेन्दिक् सेन्दिक् इड्गाः मिक्वारे कुधिम् पोःक्खाड्ल खेड्हाःरे मेबाःत्तुबा पाःन्निन् मेघेप्सेम्मिन्नेः फाःआड् साम्दिड् पिनिड्ल वयाड्लो ॥

32 आल्ल निड्वाःफुमाड् नु लुड्गुम्गेन् कुबाःन्जाक्लेन् कम्ब्राड्डो इड्गाः हुक्सुप्पिड्लो ॥ चक्मेल्लःए खुनेः नसाःन् चोगेम्मेः, खुनेः कुलुड्गुम्मो ताड्गेसेःप्तिः लःरिक् मेत्तिड्लो ॥ खेल्ले खिनिः केधुम्बा चोःक्मा नु सेसे केबोःड्बा कुमनाहाःनु युक् खोःमान् पिमा केसुक्तिःरो ॥

33 इड्गाःग आत्तिन्हाःरेन्नाड् खुनिः साम्म्याड् युप्पा नु नुःबा तेःत्फुड्हाःओ मिक्मेड्गेःपान्लो ॥

34 हेक्केलःरिक् इड्गाः आबाडे याःम्बक् चोगुड्डाड् याड् थगुड्डाड्आन्जुम्हाः नु इड्गाः चाहाबा केजोःक्पा चिगःक्वाहाः तड्गाम् चोगुड्डाड् वयाड्बान् खिनिः आबाडे केनिःसुम्माड् केवयिःरो ॥

35 चामा थुड्मा आबाडे तड्गाम् चोःक्मा मेन्छुक्मनाबाहाः कुभाः पिमासि फाःआड् आक्खेलःरिक् याम्बुधिकपा पोःड्मा पोःड् केलःबा इड्गाः ओसेःन्धाक्किन्ड्डाड् वाःआ ॥ हेक्क्याड् ‘ताःक्मानुःल्ले पिमाओए यरिक् मुःइसाम् वाः’ लःरिक्दाड्बा येसुरे पाःत्तुबा पाःन्निन्नाड् निड्वाः इःतेम्मेःओ ॥”

36 हेक्क्याड् पावलरे कन् पाःन्हाः पाःतु सुरुआड् खेड्हाः काक् थुड्बोहजः मेयुड्सिड्डाड् तुवा मेजोगेरो ॥

37 खेड्हाः पावलेन् मेहेप्तुआड् मेहाबेर चुप् मेमेतुरो ॥

38 पावलरे खेड्हाः मेत्तुसिबा वेः पाःन्हाःनुःल्लेआड् आप्फाल्लेआड् आनाराःन् केन्निःसुम्मिन्लो मेत्तुसिबाल्ले खेड्हाः सारिक् निड्साम्मो मेध्ये ॥ हेक्क्याड् खेड्हाः पावलेन् वालाधाओ थारिक् मेसमेधःरो ॥

21

पावलरे यरुसलेम लेप्माड् लाम्दिःक् चोगुः

1 आल्ल एफिससस्मा तुम्लाम्लोःबाहाः सेम्मुःड् पिरुसिआड् खेप्पोनु वालाधालाम् कोस वागप्खाम् लेप्माड् पेःक्मना ॥ हेक्क्याड् कुदाःन्दिक्मा रोदोस मेप्पनाबा वागप्खाम् केप्पनाआड् खेप्पोलाम् पतारा येक्यक्को ताःमनारो ॥

2 खेप्पो सिरियास्मा फोनिसिया तेड्गप् लेप्माड् केबेःक्पार केबप्पा वेः वालाधाधिक् खोःमना, हेक्क्याड् खेप्पो लाःप्पनाआड् थसिड्मनारो ॥

3 हेक्क्याड् सैप्रस लाजेःड्निधाःबेआड् आनिगे चुप्साड् लेप्माड् पोःड्मनार सिरिया लेप्माड् थसिड्मना ॥ वालाधाःल्ले वागक्हाः तायर येक्यक्को लःप्मा फाःआड् खेप्पो नाःम्सिड्लो ॥

4 खेप्पो नसानिबा फुःनुसाःहाः कोःप्पनासिआड् खेड्हाः तुम्मनासि हेक्क्याड् येत्नाम् थारिक्खेड्हाःनु वाःमना ॥ खेड्हाः सेसेमाड्लाम् पावलेन् यरुसलेम्मो मेबेगेनेः फाःआड् मेमेतुरो ॥

5 कर खेन् येत्नाम् एगाड् खेड्हाःनु सेःम्नाआड् थसिड्मना ॥ केरेक् नसानिबा फुःनुसाः नु खुनिः मेःत् साःहाः आनिगे साःसे

येक्यक् लाःक्कात् थारिक् मेभेरेआङ् आनिगे सोरिक् वाहङ्ङिल्ले
कुर्याओ थुङ्बोहज् युङ्मनार तुवा चोःक्मनारो ॥

6 सेम्मुङ्ङ चोःक्मनाआङ् आनिगे वालाथाओ लासिगेआङ्
खेङ्ङहात् खुनिङ् हिम्मो मेनुःक्खे मेबेरो ॥

7 आनिगे तायरनु वालाम्दिःक् चोःक्मनार तोलेमाइस केप्पना ॥
खेप्पो नसानिबाहात्नु सेवा मःमनाआङ् थिक्येन् याःक्मना ॥

8 कुदाःन्दिकमा सिजरि केप्पनाआङ् सुनाइङ्ङुङ्ङ इङ्ङभन्
केजोःक्पा फिलिपरे कुहिम्मो पेःक्मनारो ॥ खुनेङ्ङ यरुसलेम्मो
मेमेदुमाहात् माङ्ङसेवा याःम्बक्को सेःक्युक्मिबाहात् कुभात् पिसे
मेसेगुसिबा नुसि मनाहात्ओ थिक् वयेरो ॥

9 खेल्लेन् माङ्ङनिङ्ङवात्पाःन् केबाःप्पा लिसि मेःक्खिक्
मेन्जोःक्के केवात्मा कुस्साःहात् मेवये ॥

10 आल्ल खेप्पो वयिगेबा कुभा येन् एगाङ् यहुदियालाम्
अगाबस मेप्पनाबा माङ्ङनिङ्ङवात्पाःन् केबाःप्पाधिक्त्ये ॥

11 खेन् आनिगे वयिगेबाओ त्येआङ् पावलरे कुभङ्ङःन्
फाःक्खुआङ् आबाडे कुलाङ् कुहुक्को इधेःङ्ङिसिङ्ङल
अक्खेलरिक् पाःत्तु, “सेसेमाङ्ङिल्ले अक्खे पाःत्तु, ‘कन्
फङ्ङ दाङ्ङबान् यरुसलेम्मो यहुदि लाम्लोःबाहात्ते मेदेम्सुआङ्
अक्खेलरिक् इमेधेःक्खु, हेक्क्याङ् थिम्मेन्दङ्ङ सुवाङ्ङहात्ते
खुनिङ् हुक्को हुक्मेसुत्तु ॥’ ”

12 हेक्क्याङ् आनिगे कन् पाःन्निन् खेम्मनाआङ् आनिगे नु वेह
खेप्पो केवात्ता मनाहात्ते यरुसलेम मेबेगेन्नेङ् फात्आङ् खुनेङ्नु
चक्खेल्लेत्तए पेलि फाक्मना ॥

13 कर पावलरे आनिगे अक्खे मेत्तिगे, “खिनिङ् थेआङ्
केहाबिआङ्ङआसाङ्ङ यक्क केयाःन्दुम्बाबे? इङ्ङगात्त यरुसलेम्मो
दाङ्ङबा येसुरे कुलागि साक्सिङ्ङमारक् मेःन्, कर सिःमा पोःङ्ङाङ्
यारिप् वात्आरो ॥”

14 हेक्क्याङ् आल्ल खुनेऱ कुनिङ्वाऱ नुःक्मा सुक्मेदेत्नेन्बा निःमनाआङ् अक्खे पाःप्मना, “दाङ्बाल्ले कुनिङ्वाऱ हेक्केए पोःङ्निरो ॥”

पावलेन् यरुसलेम्मो मेदेऱरुऱ

15 खेन् एगाङ् यारिप् पोःङ्मनाआङ् यरुसलेम लेप्माङ् पेःक्मनारो ॥

16 सिजरियालाम् कुभा नसानिबाहाऱआङ् आनिगेनुए मेधासिङ्ङाङ् सैप्रस वागप्खाम्बा तगि नसान् केजोःक्पा मनासोनेऱ कुहिम्मो वाऱमा फाऱआङ् याप्मि तेऱरेरो ॥

17 हेक्क्याङ् यरुसलेम केप्मनाःल्ले खेप्मोबा नसानिबाहाऱरे लुङ्मेन्दिङ् याप्मि लाम्मेदाःक्तिगेरो ॥

18 हेक्क्याङ् कुदाःन्दिक्मा पावलेन् आनिगे लाम्लोःबा याकुबरे कुहिम्मो आनिगेनु पे ॥ खेप्मो केरेक् तुम्लाम्लोःबाहाऱ मेजुप्सेआङ् मेयुङ्गेरो ॥

19 पावलरे खेङ्हाऱ केरेक् सेवा मेत्तुसिआङ् खुनेऱ कुहुक्कोलाम् थिम्मेन्दङ् सुवाङ्हाऱरो अक्खेलऱरिक् निङ्वाऱफुमाङ्ङिल्ले याःम्बक् चोगु केलऱबा काक् पाःन्हाऱ चेक्तुसिरो ॥

20 हेक्क्याङ् खेङ्हाऱरे खेन् मेघेप्सुआङ् निङ्वाऱफुमाङ्ङिल्ले कुनारा मेभोःसु, हेक्क्याङ् खेङ्हाऱरे खुनेऱ अक्खे मेमेत्तु, “नुसाऱए, ओमेत्तेऱना, कप्पोआङ् यरिक् हेन्छिङ् यहुदिहाऱरे येसुःन्नसान् मेजोगुआङ् मेवाऱरो ॥ खेङ्हाऱ मोसारे साप्तुबा साम्योथिम्मिन् इःप्मा नाःप्मा खुनिऱ सिक् केसम्बा मेजोःक् ॥

21 थिम्मेन्दङ् सुवाङ्ळुम्मो केयुङ्बा यहुदिहाऱ मोसारे कुसाम्योथिम्मिन् लेप्मादेःमा हेक्क्याङ् खुनिऱ येम्बित्छाऱसाःहाऱआङ् हर्दा हेक्मा पिमासि मेःन्, हेक्क्याङ्आनिऱ यहुदि साम्योथिम्माङ् नाःप्मा मेःन् लऱरिक् केहुऱरुसिरो फाऱआङ् खेनेऱ केयाःम्बेओ खेङ्हाऱरे मेघेप्सुआङ् मेवाऱरो ॥

22 खेनेः कप्पो केदयेआङ् केवाःबा पाःन्निन् खेङ्हाःरे सेक्खासाङ् मेघेप्सुः ॥ आल्ल थे चोःक्माबे?

23 खेल्ले चोगुल्ले आनिगे सुजा पिआसिगेबा कुइसिःक्के खेनेः चोगेःओ ॥ कप्पो आनिगेनु निङ्वाःफुमाङ्डो माङ्गेहेक्सिङ्बा लिसि फुःनुसाःहाः मेवाःरो ॥

24 खेनेःआङ् कङ्हाः माङ्हिम्मो तेरेसेःआङ् खेङ्हाःनुए सोरिक् सेसे पोःक्खेःओ ॥ खेङ्हाःरे सिदुङ्जभा चोःक्मारे लागि खेन् थिम्मो चाहाबा केजोःक्पा चिगःक्वाहाः खेनेः केःते पिरेसेःओ ॥ खेङ्हाःरे माङ्हेक्सिङ्मान् केरेरो केलःबा ओसेःन्धाक्से खुनिः थेगेःक्किन् हाराः मेनःक्खुनिरो ॥ अक्खेलःरिक् खेनेः साम्योथिम्मिन् केनाःतुबा केइःतुबा यहुदिहाःरे मेनिःसुआङ् केयाःम्बेओ मेघेप्सुबा पाःन्निन् सेक्खा मेःन्लेछ फाःआङ् केरेक्के निङ्वाः मेघोःसुरो ॥

25 कर नसाःन् केजोःक्पा थिम्मेन्दङ् सुवाङ्हाःरेग, हाराः नावाइत्लाओ सिदुङ्जभा चोःक्मनाबा चाःन् मेन्जःनेन्ल, सामाक्खिक् नु कुसित्ला यःमना सेप्पनाबा सा चामा मेनुःनेन्लो, हेक्क्याङ् चाराम्मोलाम् एक् मेवाःनिरो केलःबा आनिगे निःन्धो पाःन्हाः सक्इङ्घङ्डो साप्तुम्बेआङ् पत्तो ॥”

पावलेन् मेदेम्सुः

26 हेक्केलःरिक् पावलेन् तेन्देआङ् कुदाःन्दिक्मा खेन् लिसि मनाहाः तेरुसिआङ् खेङ्हाःनु सोरिक् यहुदि थिम् कुइसिःक् सुत्थो चोःक्सिङ् ॥ हेक्क्याङ् सेसे पोःङ्मा येन्निन् आप्फाल्ले चुःत्ताङ् काक्के लागि सिदुङ्जभा तोःम्मा पोःङ् केलःबा निङ्वाःफुसाम्बान् इङ्घङ् पिसे खुनेः माङ्हिम् सिगाङ् लाःसेरो ॥

27 सेसे चोःक्सिङ्मा नुसिगेःक्समा येन् केप्पा इःत्तेआङ् वयेल्ले कुभा एसियास्मा यहुदिहाःरे पावलेन् माङ्हिम् सिगाङ् मेनिःसुआङ् मनाहाः मेहुसुसिर खुनेः मेदेम्सुरो ॥

थक्तुम्बेल्ले सेक्खा पाःन् थेआड् कुसिड् निःप्मा मेसुक्तुन्लो ॥
खेल्ले चोगुल्ले कुमनाहाऱ पावलेन् थक्सुबा यक्को थाःड् तेऱमा
पाङ्घुसिरो ॥

35 हेक्क्याड् खेड्हाऱ थरेऱडन् मेऱिडुर मेबत्छेल्ले मनाहाऱरे
आत्तिति हयड्किल्लिड् मेजोगुआड् पावलेन् सेप्मा मेगोःतुल्ले
थक्सुबाहाऱरे पावलेन् मेबक्खुआड् मेदेऱरुरो ॥

36 खेड्हाऱ खुनिऱ एःक्एःक् खेन् मनाःन् सेऱेम्मेऱ, सेऱेम्मेऱ लऱरिक्
मेअःक्तेर मेदिम्दुसिरो ॥

पावलेन् नाड्सिड्

सेःक्युक्मिबाहाऱ ९.१-१९, २६.१२-१८

37 खेड्हाऱरे पावलेन् थक्सुबा यक्को तेऱमा मेडःतुल्ले पावलरे
थक्तुम्बेन् अक्खे मेत्तु, “आदाड्बे, इड्गाऱ खेनेऱनु कुभा पाःन्
पाःप्मा सुक्काबि?”

हेक्क्याड् खेन् थक्तुम्बाल्लेआड् अक्खे मेत्तु, “खेनेऱ गिक्
पाःन्नाड् पाःप्मा केलेस्सुबि?”

38 हेक्केने फाऱग्र कुभा तड्बे तगि हाड्बिपयुड् केहेःक्पा
खेन् मिस्त्रि मनाःङ्ग खेनेऱएबिलाबे फाऱआड् निड्वाऱ इःतुड्लो ॥
खेल्ले येःड्घादेन्नो हेन्छिड् लिसि (४०००) हाड्बिपयुड्बाहाऱ
लाम्लोसुसिआड् वयेरो ॥”

39 पावलरे मेत्तु, “इड्गाऱ मेःन्नाऱरो, इड्गाऱग यहुदिआ,
हेक्क्याड् सिलिसिया थुम्मोबा तार्सस्सो सावाःन्छिड्डाड्बा ॥
इड्गाऱ केयेक्पा येक्क्यक्कोबा यक्युड्बाआ ॥ आदाड्बे, कन्
मनाहाऱनु इड्गाऱ पाःप्मा पाङ्घाड्डेऱओ ॥”

40 थक्तुम्बेल्लेआड् पाःप्मा तेन्दिड् पिरु ॥ हेक्क्याड् पावलेन्
थरेऱले नाड्सेःक्को येम्सिड्डाड् मनाहाऱ हुक्चाःल्लिक् पिरुसिरो ॥
हेक्केःल्ले खेन् मनाहाऱ स्वाःत् मेबोःक्खेआड् खेन् मनाहाऱनु
पावलेन् हिब्रु पाःन्नो पाःप्मा हेःक्तेरो ॥

हक्चघत् ताड्साकपोलाम् इङ्गाऱ आघिरि सेन्दाङ्गेन् ओःत्तिःन् लेक्तेरो ॥

7 इङ्गाऱ खेप्पो हर्गुप् चोःन्दाङ्ङिल्ले अक्तड्बा इक्लाधिक् खेप्सुङ्, 'सावलए, सावलए, इङ्गाऱ थेआङ् तुक्खे केजाःत्ताबाबे?'

8 हेक्क्याङ् इङ्गाऱआङ् सेःन्दोसुङ् 'खेनेऱग हाःत्नेबे, आदाङ्बे?'

हेक्केःल्ले खुनेऱ नोगप् पिराङ्, 'इङ्गाऱग तुक्खे केजाःत्तुर केवाऱबा नासरतबा येसुआरो ॥'

9 खेप्पो इङ्गाऱनु सोरिक् लाम्दिःक् केजोःक्पा मनाहारै सेन्दाङ्गेन् ओःत्तिःङ्ग मेनिःसु, कर इङ्गाऱनु केबाःप्पा इक्लाःन् मेघेप्सुसाङ् कुसिङ् मेनिःतुन्लो ॥

10 इङ्गाऱ याम्मो सेःन्दोसुङ्, 'आदाङ्बे, आल्ल इङ्गाऱ थे चोगुङ्बाबे?'

हेक्क्याङ् दाङ्बाल्ले मेत्ताङ्, 'पोगेऱआङ् दमस्कसओ पेगेऱ ॥ खेप्पो खेनेऱ चोःक्मा केबोःङ्बा पाःन्हाऱ कुभारे केम्मेत्लो ॥'

11 खेन् सेन्दाङ्गेन् ओःत्तिःन् लेक्तेबाल्ले आमिक्किन् चेमुआङ् खानिःमा मेन्छुक्के मिक्फःम्बा कुइसिःक् पोःक्खाङ्लो ॥ हेक्केःल्ले इङ्गाऱनु सोरिक् लाम्दिःक् केजोःक्पा आन्देःङ् आन्जुम्हारै आहुक्को मेदेम्साङ् ल दमस्कसओ मेगेत्ताङ्लो ॥

12 हेक्क्याङ् खेप्पो हननिया मेप्पनाबा आनिऱ यहुदि साम्योथिम् केनाःप्पा केइःप्पा साम्योनिबा मनाधिक् आदुम्से त्ये ॥ खेङ्ग दमस्कसओ केवाऱबा काक् यहुदिहारै मिङ्सी इङ्धाःङ् मेबिरुबा मना वयेरो ॥

13 खुनेऱ इङ्गाऱ वयाङ्बा तेन्नो त्येआङ् अक्खे मेत्ताङ्, 'नुसाऱ सावलए, आल्लो खेनेऱ याम्मो निःमा केसुकपा पोःक्खेऱओ,' हेक्क्याङ् इङ्गाऱ खिमो खुनेऱ निःमा सुक्कुत्तुङ्लो ॥

14 खेल्ले मेत्ताड्, 'खेनेऱग आनिऱ सुधेबा ताक्थेबाहाऱरे खुनिऱ निड्वाऱफुमाड्डिल्ले कुनिड्वाऱ कुसिड्निःप्मा, साम्योनिबा कुमना येसुःन् निःमा हेक्क्याड् खुनेऱ पाःत्तुबा पाःन् खेम्मा फाऱआड् केसेगेआड् केवाऱरो ॥

15 खेनेऱ केनिःसुबा नु केघेप्सुबा पाःन्हाऱरेन् काक् मनाहाऱओ कुदोःन्दि केबोःड्लो ॥

16 आल्ल थेःन् केहाड्घुबाबे? पोगेऱआड् बप्तिस्मा पोःक्खेऱ, हेक्क्याड् येसुःन्नसाःन् चोगेऱआड् केलायोलांम सेसे पोःक्खेऱओ ॥'

17 हेक्क्याड् इड्गाऱ यरुसलेम्मो याम्मो नुःक्खाड् पेगाड्डाड् माड्हिम्मो तुवा चोःक्कि युडाड्डिल्ले इड्गाऱ सुफो निःसुड्लो ॥

18 खेप्पो दाड्बाल्ले इड्गाऱ अक्खे मेत्ताड्लो, 'यरुसलेमलांम हारा लाःक्कात् लःन्दे पेगेऱ, थेआड्भेल्ले कप्पोबा मनाहाऱरे इड्गाऱ आयाःम्बेओ खेनेऱ केबिरुबा तोःन्दिन् मेन्दाःक्तुन्लो ॥'

19 हेक्केःल्ले इड्गाऱ खुनेऱ मेत्तुड्, 'आदाड्बे, इड्गाऱ यहुदि चुंम्लुड्हिंम्हाऱओ पेगाड्डाड् खेनेऱ नसाःन् केजोःक्पा मनाहाऱ तेम्सुड्सिड्डाड् लःप्सुड्सिड् हेक्क्याड् पुड्लाहिम्मो साक्तुड्सिड्बा पाःन्हाऱग खेड्हाऱरे मेनिःसुरो ॥

20 हेक्क्याड् स्तिफनसेन् मेसेरुल्ले इड्गाऱग तोःन्दि पोःक्खाड्डाड् खेन् पाःन्निन् तेन्दिड् चोगुड्डाड् खेन् मना केसेप्पाहाऱरे खुनिऱ चाड्देःत्हाऱ कोसुड्ल येबाड्लो ॥'

21 कर दाड्बाल्ले इड्गाऱ मेत्ताड्, पेगेऱ, 'थेआड्भेल्ले खेनेऱ माःड्घा माःड्घा थारिक् थिंमेन्दड् सुवाड्हाऱरो आयाःम्बेओ इड्भन् चोःक्से पाड्नेऱरो ॥' "

22 कन् पाःत्तुर थारिक् मनाहाऱरे पावलरे कुबाःन्निन् मेघेप्सुरो, कर थिंमेन्दड् सुवाड् लऱरिक् पाःन्सुत्लाःन् पाःत्तुनामेःन्ने खेड्हाऱ

मेअःक्तेर अक्खे लप्मा मेहेःक्ते, “कन् सेप्माए पोःइ! आल्ल कन् मनाःन् कुहिङ्खेत् लेप्मा मेनुनेन्लो!”

23 अक्खेलरिक् सिक्किल्ले आबाडे खुनिः सुङ्घेःक्वाहाः मेधेःक्खुर खाहिःक्हाः थो मेसेःसुर मेअःक्ते ॥

पावलरे रोमि यक्युङ्खाआ पाःत्तुः

24 आल्ल रोमि थक्पेबाल्ले कन् निःसुआङ् पावलेन् तुरा हिम्मिगाङ् ताःप्माआङ् कन् मनाःल्ले कुदक्खेङ्खाओ थेआङ् यहुदिहाः मेअःक्तेबाबे? लरिक् निङ्खाः खोःमा फाःआङ् तेःम्भुक् याक्मा इङ्जाःङ् पिरुसिरो ॥

25 तिलिङ्गाहाःरे तेःम्भुक् याक्मा फाःआङ् पावलेन् इधेःङ्मा मेहेःक्तुल्ले कुबेसाङ् केयेप्पा थक्तुम्बेन् पावलरे अक्खे मेत्तु, “रोमि यक्युङ्खान्नाङ् आप्तिक् मेःन्ने तेःम्भुक् याक्मा रोमि थिम्मिल्ले केबिरिबि?”

26 थक्तुम्बेल्ले खेन् थक्पेबान् पेआङ् मेत्तु, “आदाङ्बे, कन् थेःन् केजोगुर केबप्पे? कन् मनाःङ्ग रोमि यक्युङ्खामुरो!”

27 खेन् थक्पेबान् त्येआङ् पावलेन् अक्खेलरिक् सेःन्दोसु, “खेनेः सेक्खाए रोमि यक्युङ्खानेन्बि?”

हेक्क्याङ् पावलरे ओरो लरिक् नोगप् पिरु ॥

28 खेन् थक्पेबाल्ले मेत्तु, “कर इङ्गाःग यरिक् याङ्साकुन्धेरे कन् रोमि यक्युङ्खा युक्किन् इङ्खारो ॥”

पावलरे नोगप् पिरु, “इङ्गाःग सावाःन्छिडाङ्डिल्लेसा रोमिआरो ॥”

29 कर खुनेः सेःन्लाप्पा यारिप् केबोःङ्खाहाःरे हक्कघत् खुनेः मेलेरु मेधःआङ् मेबे, हेक्क्याङ् पावलेन् रोमि यक्युङ्खा केलःबा निङ्खाः खोःसुआङ् खेन् थक्पेबान्नाङ् किःसेरो, थेआङ्भेले खुनेः खासेन् मेन्लोःन्ने खेन् इधेःक्खुआङ् वयेरो ॥

पावल यहुदि येजुम्भो तगि

30 कर कुदाःन्दिक्मा खेन् रोमि थक्पेबाल्ले थेआङ् यहुदिहाऱरे पावलेन् आप्तिक् मेगुःतुबा फाऱआङ् कुसिङ्निःप्मा निङ्वाऱ चोगुआङ् खेन् लेरु ॥ हेक्क्याङ् काक् तुम्निङ्वाऱफुसाम्बाहाऱ नु येजुम्भो चुम्लुङ् चोःक्मा इङ्जाःङ् पिरुसिर पावलेन् खेप्पो मेदारुआङ् खुनिऱ तगि मेयेप्सुरो ॥

23

1 पावलरे येजुम्भोःन् नुःरिक्काङ् ओमेत्तुआङ् अक्खेलऱरिक् पाःत्तु, “आम्भुऱ आन्साऱसे, इङ्गाऱ निङ्वाऱफुमाङ्डिल्ले कुनिःमाओ आङ्न् थारिक् आहिङ्मन्नो सेसे खासिङ्डो माङ्सेवा चोगुङ्डाङ् वाऱआरो ॥”

2 कन् खेप्सुआङ् मानिङ्वाऱफुसाम्बा हननियारे पावलरे कुबेसाङ् केयेप्पा थक्तुम्बान् पावलरे कुमुराओ हिप्तेऱ फाऱआङ् इङ्जाःङ् पिरुरो ॥

3 पावलरेआङ् हननियाःन् मेत्तु, “खेनेऱ कुनिङ्वाऱ केजिःप्पाए! निङ्वाऱफुमाङ्डिल्ले खेनेऱआङ् केहिप्लो ॥ खेनेऱग खेप्पो मोसारे पिरुबा साम्योथिम् कुइसिःक् इङ्गाऱ आघासेन् लोःम्मा फाऱआङ् केयुङ्, कर खेनेऱग साम्योथिम्मिल्ले कुदक्लेङ्वाओ खासेन् लोःम्मानुःल्ले तगिए इङ्गाऱ याप्पि हिप्पा केबाङ्घुसिबि?”

4 हेक्क्याङ् कुबेसाङ् केयेप्पा मनाहाऱरे पावलेन् मेमेत्तु, “खेनेऱ निङ्वाऱफुमाङ्डिल्लेन् मानिङ्वाऱफुसाम्बाल्ले कुनाधाःमा आक्खेआङ् केआःन्छिङ्बे?”

5 पावलरे नोगप् पिरु, “आम्भुऱ आन्साऱसे, खुनेऱग मानिङ्वाऱफुसाम्बा फाऱआङ् इङ्गाऱ मेन्निःबेन्लो ॥ साम्योसाप्लाओग अक्खे साप्तेआङ् पत्, ‘खिनिऱ लाम्लोःबाल्ले कुदक्लेङ्वाओ फेन् पाःन् मेबारेम्मिन्नेऱओ ॥’ ”

6 हेक्क्याङ् पावलरे खेप्पो फरिसि नु सदुकिहाऱ मेवाऱ केलऱबा निङ्वाऱ खोःसु, हेक्क्याङ् खेङ्हाऱरे सिःमेन् एगाङ्

थे पोःङ् केलरबा पाःन्नो खुनिर नसाःन् मेदडेन्बा निःसुआङ् यम्बा इक्लाओ येजुम्भोओ अक्खेलरिक् मेत्तुसि, “आम्भुत् आन्सात्से, इङ्गात्ग फरिसिःल्ले कुस्साः फरिसिआरो ॥ इङ्गात्ग केसिःबाहात् मेहिङ् लरिक् निङ्साङ् चोगुङ्बाल्ले आइन् कन् तुःन्देत्तुओ थ्याङ्डाङ् वात्तारो ॥”

7 खुनेत्तु कन् पाःन्निन् पाःत्तुनेःन्ने फरिसि नु सदुकिहात्ते खुनिर लुम्मो खेमात्तु पोगेआङ् खेङ्हात्तु मेसेःरे मेबेरो ॥

8 (थेआङ्भेल्ले सदुकिहात्ते सिःमेन्लाम् याम्मो हिङ्माओ हेक्क्याङ् माङ्लाइङ्बाहात्तु नु साम्हात्तु मेवात्तु केलरबा पाःन्निन्नसाःन् मेन्जोगुन्लो ॥ कर फरिसिहात्ते कन् सुम्सि पाःन्निन्नसाःन् मेजोगुरो ॥)

9 हेक्क्याङ् मनाहात्तु सात्तुरिक् मेअःक्ते ॥ खेप्पो फरिसि लक्कोबा कुभा साम्योथिम्साम्बाहात्तुआङ् मेबोगेआङ् वेत्तहात्तु सात्तुरिक् मेअत्तुसिर मेबाःत्तु, “कन् मनाःल्ले याःम्बक् फेःन्दुबा थेआङ् मेनिःसुम्बेन्लो ॥ माङ्लाइङ्बाहात्तु इग्र साम्हात्तुआङ्सा सेक्खाए कन्नु पाःप्पा मेसुक्सेबा!”

10 हेक्क्याङ् पाःन्धङ्डिन् पोःरेर पेबाल्ले थक्त्तुम्बाल्ले पावलेन्नाङ् मेधेःक्खु मेसेरु फात्तुआङ् किःसेरो ॥ खेल्ले चोगुल्ले थक्सुबाहात्तु यो पाङ्घुसिआङ् पावलेन् थक्सुबा यक्को थाक्त्तेम्मेत्तु लरिक् इङ्जाःङ् पिरुसि, हेक्क्याङ् खेङ्हात्तुलाम् पावलेन् साक्केल्लेक्काङ् थक्सुबा यक्को मेधाक्त्तुरो ॥

11 बा खेन् सेन्दिक् पावलरे कुबेसाङ् दाङ्बेन् ओसेःन्धाक्सिङ्डाङ् अक्खे मेत्तु, “पावलए, खेनेत्तु हाङ्हाङ् मेत्तिछिङ्डेत्तुओ, थेआङ्भेल्ले अक्खेलरिक् कन् यरुसलेम्मो इङ्गात्तु आयाःम्बेओ तोःन्दि केबिरुबा कुइसिःक् रोम लाजेत्तुओआङ् तोःन्दि केबिरु पौःङ्लो ॥”

पावलेन् सेप्पा चेम्फन्

12 कुदाःन्दिक्मा यहुदिहाऱ मेभुड्सिङ्ङाङ् थिक्हुप् मेबोःक्खेर इङ्मेदङ्घुरो ॥ खेङ्हाऱरे पावलेन् मेन्छेत्ते थारिक् थेमाआङ् मेजाम्बेन् मेधुङ्गुम्बेन् लऱरिक् माङ्मेहेक्सिङ्लो ॥

13 कन् चेम्फन् केजोःक्पा मनाहाऱ लिबोःङ्ङाङ्(४०) थो मेवयेरो ॥

14 खेन् चेम्फन् केजोःक्पा मनाहाऱरे तुम्निङ्वाऱफुसाम्बाहाऱ नु यहुदि तुम्लाम्लोःबाहाऱरो मेबेआङ् अक्खे मेमेत्तुसि, “आनिगेग पावलेन् मेन्छेत्ते थारिक् थेआङ् मेजाम्बेन् मेधुङ्गुम्बेन् लऱरिक् माङ्हेक्सिङ्मनाआङ् वयिगेरो ॥

15 खेल्ले चोगुल्ले आल्ल खिनिऱ नु येजुम्भोःन् तङ्ङासिम्मेऱआङ् रोमि थक्तुम्बेल्लो पेगेम्मेऱ, हेक्क्याङ् ‘खेन् पावलेन् चुम्लुङ्ङो युरेऱ’ मेत्तेम्मेऱ फाऱआङ् पेलि फाक्कासिगेरो ॥ खेल्ले कुयाःम्बेओ चुम्लुङ्ङिल्ले यरिक् पाःन्हाऱ कुसिङ् निःप्पा वाऱरो लऱरिक् पाःन् चोगेम्मेऱओ ॥ कर खुनेऱ कप्पो मेयुरु मेबत्तिल्ले लाम्मोसा आनिगे सेरुम्बेऱरो ॥”

16 कर पावलरे कुल्लाम्साऱइल्ले कन् चेम्फन् मेजोगुबा पाःन्निन् निङ्वाऱ खोःसुआङ् थक्सुबा यक्को पेआङ् कन् पाःन्हाऱ काक् पावलेन् चेक्तुरो ॥

17 हेक्क्याङ् पावलरे खेप्पो केवाऱबा थिक् थक्तुम्बेन् उःत्तुआङ् अक्खे मेत्तुरो, “आदाङ्बे, कन् थाङ्बेन्निल्ले कुभा ताऱजेङ् पाःन्हाऱ थक्तुम्बेन् मेप्पा कत्तुरो ॥”

18 हेक्केःल्ले खेन् सुहाङ्गुक्पेल्ले पावलरे कुल्लाम्साऱइन् थक्तुम्बाल्लो तेऱरुआङ् अक्खे मेत्तु, “आदाङ्बे, पुङ्लाधाबा पावलरे इङ्गाऱ उःत्ताङ्ङाङ् कन् मनाःल्ले आदाङ्बानु ताऱजेङ्मा कुभा पाःन्हाऱ कत्तुरो लऱरिक् मेत्ताङ्ङाङ् कन्कप्पो तारुङ्बारो ॥”

19 हेक्केःल्ले पावलरे कुल्लाम्साऱइल्ले कुहुक्किन्तेम्सुआङ् थिक्लेप्पाङ् तेऱरुआङ् थक्तुम्बाल्ले सेःन्दोसु, “इङ्गाऱनु ताऱजेङ्

पाःन्हाः थेमा केगत्तुः, लु पाःतेः।”

20 खेल्ले मेत्तु, “आदाङ्बे, कुभा यहुदि युक्सबाहाः ताःन्दिक् पावलेन् यो येजुम्भोओ युरेः फाःआङ् खेनेःनु पेलि फाक्मा इङ्मेदङ्घुआङ् मेवारो ॥ हेक्क्याङ् कन् चुम्लुङ्ङिल्लेग पावलेः कुर्याःम्बेओ यरिक् पाःन्हाः कुसिङ् निःप्मा वाः फाःआङ् पाःन् मेजोगुआङ् वारो ॥

21 कर खेङ्हाः खुनिः पाःन्निन् मेघेप्सेन्नेःओ, थेआङ्भेल्ले लिबोःङ्ङाङ्धो मनाहाः पावलेन् सेप्मा फाःआङ् मेसुगुआङ् मेयुङ्लो ॥ खेङ्हाः खुनेः मेन्छेते थारिक् थेआङ् मेजाम्बेन् मेधुङ्म्बेन् लःरिक् माङ्मेहेक्सिङ्ङाङ् यारिप् मेबोःक्खेआङ् मेवाः ॥ खेङ्हाः खेनेः केनिङ्वाः पाःन्लिल्ले इङ्जाःङ् खोःमारक् मेहाङ्घुआङ् मेयुङ्लो ॥”

22 हेक्केःल्ले थक्तुम्बेल्ले खेन् मनाःन् अक्खे मेत्तुआङ् साम्दिङ् पिरुर पाङ्घुदेःसु, “कन् इङ्गाः केजेक्ताङ्बा पाःन्निन् हाःताङ् मेमेतेन्नेःओ ॥”

पावलेन् सिजरियाओ मेबाङ्घुः

23 हेक्क्याङ् खेन् थक्तुम्बाल्ले नेप्फु सुहाङ्गुक्पाहाः उःत्तुसिआङ् अक्खे मेत्तुसि, “आक्खो सेन्दिक् कुमुक् फाङ्सि (९) मुक्किल्ले किप्नेत्छि (२००) थक्सुबाहाः, नुबोःङ्(७०) अन् केयुक्पा थक्सुबाहाः हेक्क्याङ् किप्नेत्छि लाःक् केयाङ्बा थक्सुबाहाः सिजरियाओ पेःक्मा यारिप् चोगेत्छेः,

24 हेक्क्याङ् पावल नु कुन्देःङ्बाहाः खुनिः युक्मा अन्हाःरेन्नाङ् तङ्गाम् चोगेत्छेःओ ॥ खुनेः नुःरिक्काङ् थेआङ् मेम्बोःङ्डे सुहाङ्गेम्बा फेलिक्सरो केतेछेःओ ॥”

25 थक्तुम्बेल्ले अक्खेलःरिक् सुहाङ्गेम्बा फेलिक्सेन् सक्इङ्घङ् हाक्तुरो-

26 “तुत्तु आदाङ्बा सुहाङ्गेम्बा फेलिक्से,

क्लाउदियस लुसियसलाम्, आसेवारो ॥

27 कन् मनाःन् यहुदिहाऱरे मेदेम्सुआङ् सेप्मा मेगोःतुआङ् मेवये, कर इङ्गाऱ कन् मनाःङ्ग रोमि यक्युङ्बा फाऱआङ् निङ्वाऱ खोःसुङ्डाङ् थक्सुबाहाऱनु पेगाङ्डाङ् यहुदिहाऱलाम् सेःप्तुङ्लो ॥

28 कन् मनाःन् थे आप्तिक् मेगुःतुबा फाऱआङ् कुसिङ् निःप्मा निङ्वाऱ चोगुङ्डाङ् खुनिऱ येजुम्भोओ तेऱरुङ्,

29 कर खुनिऱ आबाडे यहुदि साम्योथिम्मोबा निङ्वाऱ मेन्दाःमना पाःन्नोरक् कन् मनाःन् आप्तिक् मेगुःतुआङ् मेवारो ॥ कन् मनाःल्ले सिःमेल्ले खुम्दिङ् खोःमा नु पुङ्लाधाबा पोःङ्मा थेआङ् याःम्बक् मेम्भेःन्ने वाऱबा निङ्वाऱ खोःसुङ्लो ॥

30 हेक्क्याङ् कन् मनाःन् सेप्मा फाऱआङ् यहुदिहाऱरे चेम्फन् मेजोगुर मेयाक् केलऱबा इङ्गाऱ इङ्घङ् खोःसुङ् ॥ हेक्केःल्ले कन् मनाःन् खेनेऱओए पाङ्मा निङ्वाऱ चोगुङ्लो ॥ हेक्क्याङ् खुनेऱ आप्तिक् केगुःप्पाहाऱआङ् हाराऱ खेनेऱओए मेयुआङ् खुनेऱ कुदक्लेङ्डो मेगुःतुबा आप्तिकहाऱआङ् खेनेऱए केम्मेत्ल, फाऱआङ् मेत्तुङ्सिङ्डाङ् मेवारो ॥”

31 हेक्केःल्ले थक्सुबाहाऱरे खेन् इङ्जाःङ्डिन् तेन्दिङ् मेजोगुआङ् खेङ्हाऱरे पावलेन् मेदेऱरुआङ् सेन्दिक्सा एन्तिपत्रिस* येक्यक्को मेगेत्तुरो ॥

32 हेक्क्याङ् कुनाम्दाःप्मा थक्सुबाहाऱरे खुनेऱ अन् केयुकपा थक्सुबाहाऱनु पेःक्विन फाऱआङ् पक्मेधसिआङ् यक्को मेनुःक्खे मेदयेरो ॥

33 अन् केयुकपा थक्सुबाहाऱरेआङ् सिजरिया मेगेरेआङ् सक्इङ्घङ्डिन् नु पावलेन्नाङ् सुहाङ्गेम्बाल्लो मेदोःन्दु मेबिरुरो ॥

34 सुहाङ्गेम्बाल्ले खेन् सक्इङ्घङ्डिन् निःरुआङ् पावलेन्

* 23:31 □□□□□□□□□□□□□□□□ □□□□□□□□□□□□ □□□□□□□□□□□□ □□□□□□ □□□□□□ □□□□□ □□□□□□

आत्तिन् तेङ्गपस्मा फाऱआङ् सेःन्दोसुल्ले खुनेऱ सिलिसियास्मा
फाऱआङ् निङ्वाऱ खोःसु ॥

35 हेक्क्याङ् अक्खे मेत्तु, “खेनेऱ केदक्केङ्वाओ आप्तिक्
केगुःप्पाहाऱ मेदाःआङ्लक् केदुःन्देन् ओमेत्तुङ्लो ॥” हेक्क्याङ्
हेरोद हाङ्ङिल्ले कुहाङ्ङहिम्मो खिनिऱ लक्पेन्नो कत्तेम्मेऱ फाऱआङ्
थक्सुबाहाऱ इङ्जाःङ् पिरुसिरो ॥

24

यहुदिहाऱरे पावलेन् आप्तिक् मेगुःत्तुऱ

1 ड़ासि येन् एगाङ् मानिङ्वाऱफुसाम्बा हननियारे कुभा यहुदि
तुम्लाम्लोःबाहाऱ नु तरतुलस मेप्पनाबा कुभाङ्सेम्बान् तेऱरुआङ्
यो सिजरिया येक्यक्को पे, खेप्पो सुहाङ्गेम्बाल्ले कुदगि पावलरे
कुदक्केङ्वाओ खुनिऱ आप्तिक् पाःन्निन् मेदोःन्दुरो ॥

2 पावलेन् खेप्पो मेऱःत्तुआङ् तरतुलसरे खुनेऱ आप्तिक् पाःन्निन्
अक्खेलऱरिक् फेलिक्सरे कुदगि युक्खुरो-

“आदाङ्बा तुत्तु सुहाङ्गेम्बाए, खेनेऱ सिकुम्निबा केलाम्लोःल्ले
यरिक् तङ्बेआङ्धो आनिगे सनारुङ्ङो वाऱमा
खोःसुम्बेआङ् वयिगे, हेक्क्याङ् आनिगे लाजेऱओ
थोबोआङ् पोःक्खेआङ् वाऱरो ॥

3 आनिगे आत्तिसाङ् आप्फाल्लेसाङ् खेनेऱ नु नुःबूनुःबा
केयाःम्बक्हाऱ निङ्वाऱ इःत्तुम्बेल्ले निङ्वाऱ सिगाङ्लाम् खेनेऱ
नोगेन् पिआसिगेऱरो ॥

4 हेक्केःल्ले यरिक् हम्मासिगेसाङ् नासि थःत्तेऱआङ् आनिगे
पेलिगेन् पाःन्निन् चुक्कुक्को खेप्सेऱ आबिरेऱओ ॥

5 कन् मनाःन् आनिगे कुऱङ् केभेऱबा निःसुम्बेआङ् वयिगेरो ॥
कल्ले इक्सादिङ् खाम्बेःक्को आत्तिसाङ् यहुदि लुम्मो

बिफ्युङ् चोगुरो॥ कन् मनाःन् नासरि साम्यो नसाःन्बा*
लाम्लोःबाआङ्लो॥

6 कन् मनाःल्ले माङ्हिम्मिन् चिःम्मा कोःतुल्ले आनिगे
तेम्सुम्बेबारो॥ ((हेक्क्याङ् साम्योथिम् कुइसिःक् खासेन्
लोःन्दुम्बेमेन्

7 कर थक्तुम्बा लुसियसरे साक्केल्लेक् आनिगे हुक्कोलाम् कन्
मनाःन् नाप्तिगेआङ् तेऱरुरो॥

8 हेक्क्याङ् थक्तुम्बा लुसियसरे आप्तिक् केगुःप्पा मनाहाऱ
आदाङ्बा सुहाङ्गेम्बाल्लो मेदानि फाऱआङ् इङ्जाःङ् पिरुसिरो॥))
आदाङ्बारे आबाडे कन् मनाःन् सेःन्गेदोःसुने फाऱग्र आनिगे
कुदक्लेङ्वाओ कुःतुम्बेबा आप्तिक्किन् सेक्खारो फाऱआङ्
निङ्वाऱ केघोःसुरो॥”

9 खेप्पो वेऱ यहुदिहाऱरेआङ् खेन् आप्तिक्किन् सेक्खाएरो
फाऱआङ् मुरा मेदङ्घुरो॥

10 हेक्क्याङ् सुहाङ्गेम्बाल्ले पावलेन् पारेऱ फाऱआङ्
हुक्चाःल्लिक् पिरुआङ् पावलेन् अक्खेलऱरिक् पारे, “आदाङ्बा
सुहाङ्गेम्बाए, कन् लाजेऱओ खासेन्लोःम्बा केबोःक्खेबा यरिक्
तङ्बे केरे केलऱबा इङ्गाऱ निङ्वाऱ क्तुङ्लो॥ हेक्केःल्ले इङ्गाऱ
आनाङ्सिङ्मा आबाःन्निन् युङ्मा आसिराऱ थाङ्लो॥

11 यरुसलेम्मो माङ्सेवा चोःक्से इङ्गाऱ पेगाङ्बा थिक्-नेत्
येन्नाङ् मेङ्गेत्ते वाऱ केलऱबाङ्ग आदाङ्बारे उसुरु निङ्वाऱ
केघोःसुरो॥

12 याप्मि आप्तिक् केगुःप्पाहाऱरे मेदुमाङ्डिल्ले इङ्गाऱ
माङ्हिम्मो पाःन् थक्कि यागाङ्बा, यहुदि चुम्लुङ्हिम्मो नु
येक्यक्को आत्तिसाङ् मनाहाऱ हुसुङ्सिङ्ल वयाङ्बा होःप्तेरो॥

* 24:5 □□□□ □□□□□ □□□□□-□□□□□□□ □□□□□□□□□□ □□□□
□□□□, हेक्क्याङ् कुहुऱसाम्बाहाऱ नासरतबा मनाःन् केदिम्बासिरो फाऱआङ्
कुसिङ्मेनिःतुसिआङ् वये॥

13 खेङ्हाऱरे मेगुःत्ताङ्बा आप्तिकले तोःन्दिआङ् ताःप्मा मेन्छुक्तुन्लो ॥

14 करसाङ्, इङ्गाऱग आनिगे थाःक्थेबाहाऱरे सेवा मेजोगुबा निङ्वाऱफुमाङ्ङिन् सेवा चोगुङ्बा पाःन्निन् आदाङ्बारे केदगि तेन्दिङ् चोगुङ्लो ॥ खेन् इःत्तुङ् नाःत्तुङ्बा येसुरे कुलाम्मिन्, खेङ्हाऱरे फोत्याबा मेमेत्तुरो ॥ मोसारे साप्तुबा साम्योथिम् साप्लाओ नु माङ्निङ्वाऱपाःन् केबाःप्पाहाऱरे मेसाप्तुबा साप्पन्नो साप्तेआङ् केबप्पा काक् पाःन्हाऱ नसाःन् चोगुङ्लो ॥

15 इङ्गाऱ खुनिऱ हेक्केए साम्योनिबाहाऱ नु लायोबाहाऱ सिःमेन्लाम् याम्मो मेहिङ् केल्ऱबा पाःन्निन् निङ्वाऱफुमाङ्ङो निङ्साङ् चोगुङ्लो ॥

16 हेक्केल्ऱऱरिक् इङ्गाऱग सदादिङ् निङ्वाऱफुमाङ्ङो नु मेन्छाम्गेन् याप्पिरे खुनिऱ तगि सेसे खासिङ् कप्मा तम्सिन् चोःक्कारो ॥

17 यरुसलेम्मोनु लाःक्कात् वयाङ्बा यरिक् तङ्बे पोःक्खेआङ् खारक् इङ्गाऱ याङ्गेसाऱबा यहुदियास्मा आमनाहाऱ एन्तिओक्लाम् सुम्मनाबा हुक्सो याङ् हुम्मासि नु निङ्वाऱफुमाङ्ङिन् सिदुङ्जभा चोःक्मा फाऱआङ् कप्पो त्याङ्लो ॥

18 इङ्गाऱ खारक् माङ्हिम्मो सेसे पोःङ्मा थिम् चोगुङ् सुरुङ्डाङ् वयाङ्ङिल्ले कुभा यहुदिहाऱरे इङ्गाऱ मेनिःसाङ् ॥ इङ्गाऱनु यरिक् मनाहाऱआङ् मेहोःप्ते, हयङ्किल्लिङ्डाङ् होःप्ते ॥

19 कर खेप्पो एसिया तेङ्गप्लाम् केदाःबा कुभा यहुदिहाऱआङ् मेवये ॥ खेङ्हाऱरे आदक्लेङ्वाओ आप्तिक् मेगुःत्ताने फाऱग्र हाराऱ आदाङ्बारे केदगि आप्तिक् तोःन्छे मेदाररो ॥

20 मेःन्ने फाऱग्र हाराऱ कप्पो केवाऱबाहाऱरेआङ् येजुम्भोओ नाङ्सिङ्से येबाङ्ङिल्ले आदक्लेङ्वाओ आप्तिक् मेघोःसुबा

पाःन्निन् आदाङ्बारे केदगि मेदारुल्ले पोःङ्लो,

21 कर इङ्गाऱग खुनेऱ तगाङ् अक्खेलऱरिक्कल् अःक्ताङ्ल येबाङ्लो, ‘इङ्गाऱग केसिःबा केबेःक्पाहाऱ मेहिङ् केलऱबा पाःन्निन् नसाःन् चोगुङ्बाल्ले चोगुल्ले आइन् आघासेन् केलोःन्दिऱ केबत्तिऱरो ॥’ ”

22 फेलिक्सरे कन् येसुरे कुसङ् कुलाम्मिल्ले कुयाःम्बेओ नुःरिक्काङ् लेस्सुआङ् वयेआङ् बा खेन् येम्मोए खासेन् लोःम्माआङ् केसुकपा चोगे, कर खेल्ले अक्खे पाःत्तुर चुम्मुङ्ङिन् नुप्सु, “आल्ल थक्कुम्बा लुसियसेन् युःआङ् खासेन् लोःन्दुङ् पिनिङ्लो ॥”

23 हेक्क्याङ् फेलिक्सरे पावलेन् कोमा थक्कुम्बाहाऱ युङ्मासि हेक्क्याङ् वाऱमा पेःक्मा साऱरिक् साक्मा मेःन्नाङ्कुन्जुम् कुन्देःङ्हाऱरे खुनेऱ चाहाबा केजोःक्पा चिगःक्वाहाऱ मेदारु मेबिरुनि फाऱआङ् थक्कुम्बान् इङ्जाःङ् पिरुरो ॥

पावले फेलिक्स दुसिल्लाःन्नु पाःत्

24 हेक्क्याङ् कुभा येन् एगाङ् फेलिक्सेन् कुमेःत् दुसिल्लाःन्नु त्येत्ति ॥ दुसिल्लाःन् यहुदि वयेरो ॥ फेलिक्सरे पावलेन् उःत्तुआङ् ख्रिस्त येसुःन्नसाःन् चोःक्मनाबाल्ले कुयाःम्बेओ खुनेऱलाम् खेप्सु ॥

25 पावलरे ताऱधक्कुर तेऱरुल्ले साम्योनिबा, निङ्वाऱ हाङ्गेम्सिङ्मा नु ताःन्दि केदाःबार केबप्पा पयम् खुम्दिङ्ङिल्ले कुयाःम्बेओआङ् पोधक् चोगुरो ॥ कर फेलिक्सेन् किःसेआङ् मेत्तु, “आल्ल खेनेऱ पेगेऱ, इङ्गाऱ याःन्दिक् ताआल्ले याम्मो उःत्तेआङ् केबाःन्निन् खेप्सुङ्लो ॥”

26 खुनेऱग पावललाम् सुरुत्-याङ् खोःसुङ्बि फाऱआङ् निङ्वाऱ चोगुआङ् वये ॥ खेल्ले चोगुल्ले एत्लेङ् उःत्तुर ताऱजेक्खेसाङ् पावलरे थेआङ् मेबिरुन्लो ॥

27 आल्ल तड्बे नेत्छि एगाङ् फेलिक्सरे कुलेक्वा पोर्कियस फेस्तसेन् सुहाङ्गेम्बा पोःक्खेआङ् त्येरो, कर फेलिक्सरे यहुदिहाऱरे खुनिऱ निङ्वाऱ ताःमा पिमासि फाऱआङ् पावलेन् पुङ्लाहिम्मोए लेरुधआङ् पेरो ॥

25

सुहाङ्गेम्बा फेस्तसरो पावलरे कुदुःन्देऱइन्

1 फेस्तसेन् सुहाङ्गेम्बा पोःक्खेआङ् रोमलाम् यहुदिया थुम्मो त्येबा सुम् येन् एगाङ् सिजरियालाम् थो यरुसलेम् पे ॥

2 खेम्पो तुम्निङ्वाऱफुसाम्बाहाऱ नु यहुदि लाम्लोःबाहाऱरे खुनेऱ कुदगि पावलरे कुदक्लेङ्वाओ आप्तिकहाऱ मेयुक्खुरो ॥

3 हेक्क्याङ् खेङ्हाऱरे फेस्तसेन् पावलरे कुदुःन्देऱलेन् खासेन् लोःन्छे यरुसलेम्मो थाक्मा आबिरेऱओ फाऱआङ् पेलि मेभाक्तु, थेआङ्भेल्ले पावलेन् खेङ्हाऱरे लाम्मोसा सेप्मा केल्ढबा चेम्फन् मेजोगुआङ् मेवयेरो ॥

4 कर फेस्तसरे खेङ्हाऱ नोगप् पिरुसि, “पावलेङ्ग सिजरियास्मा पुङ्लाहिम्मो साक्तेआङ् वाऱ ॥ इङ्गाऱए सिजरियाओ हारा पेःक्कार पत्ता ॥

5 हेक्केःल्ले खिनिऱओ कुभा लाम्लोःबाहाऱ इङ्गाऱनुए थ्येम्मेऱ हेक्क्याङ् खेन् मनाःल्ले सेक्खाए पाःन् फेःन्दुआङ् वाऱने फाऱग्र कुदक्लेङ्वाओ हाराऱ खेम्पोए आप्तिक कुःत्तेम्मेऱओ ॥”

6 हेक्क्याङ् फेस्तसेन् यरुसलेम्मो येत्छि येन्नाङ्धो थिबोःङ् येन् थारिक् याःक्तेआङ् खुनेऱ सिजरियाओ थ्येबेरो ॥ यरिक् यहुदि लाम्लोःबाहाऱआङ् खेम्पो मेबे ॥ सिजरिया केरेबा कुदाःन्दिकमा खासेन् युक्नाओ युङ्सिङ्ङाङ् पावलेन् खेम्पो मेदारुनि फाऱआङ् इङ्जाःङ् पिरुसिरो ॥

7 पावलेन् खेम्पो मेदारुआङ् यरुसलेम्माम् केयुःबा यहुदिहाऱ खुनेऱ कुधिरि मेयेम्सिङ्ङाङ् पयम् यम्बा आप्तिकहाऱ कुःप्मा

मेहेःक्तु, कर खुनेऱ मेगुःतुबा आप्तिकहाऱ सेक्खाए फाऱआड् ओसेःन्धाक्मा मेन्छुक्तुन्लो ॥

8 हेक्कयाड् पावलरे नाड्सिड्ल अक्खे मेत्तुसि, “आदाड्बे, इड्गाऱग यहुदि साम्योथिम्, माड्हिम् नु रोमि हाड्जुम्मिल्ले कुदक्लेड्वाओ थेआड् फेन् याःम्बक् मेन्जोःक्के वाऱआरो ॥”

9 कर फेस्तसरे यहुदि लाम्लोःबाहाऱरे खुनिऱ सिराऱ थाड्ल केलऱबा निड्वाऱ चोगुआड् पावलेन् सेःन्दोसु, “खेनेऱ केम्गुःत्तेबा आप्तिकिल्लेन् तुःन्देऱरे खासेन्निन् थो यरुसलेम्मो आदगि पोःड्नि केलऱबा निड्वाऱ केजोगुबि?”

10 पावलरे नोगप् पिरु, “मेःन्लो, आदाड्बे, इड्गाऱग सिजरेल्ले कुघासेन् युक्नाःल्ले कुदगि येप्पाऱरो ॥ कप्पोए इड्गाऱ आदुःन्देल्लेन्खासेन् पोःड्मा पोःड्लो ॥ थेआड्भेल्ले यहुदिहाऱ खुनिऱ तक्लेड्वाओ इड्गाऱ थेआड् फेन् याःम्बक् मेन्जोःक्के वाऱआ केलऱबा आदाड्बारे कुसिड् केनिःतुआड् केवाऱरो ॥

11 सिःमेल्लेन् खुम्दिड् खोःमा थिम् फेःन्दुड्डाड् वाऱआने फाऱग इड्गाऱ सिःमा पोःड्साड् मेअत्तुड्डिन्लो ॥ कर इड्गाऱ मेगुःत्ताड्बा आप्तिक् पाःन्नो सेक्खा पाःन् होःप्पाल्ले चोगुल्ले आत्तिल्लेआड् इड्गाऱ खुनिऱओ हुक्सुप्पा मेन्छुक्कान्लो ॥ इड्गाऱ रोमओ हाड्युक्पा सिजरेल्लो आदुःन्देल्लेन् खासेन् पोःड्ल फाऱआड् येक्पेलि चोःक्कारो!”

12 फेस्तसेन् कुसुजासाबाहाऱनु ताऱजेक्खेआड् पावलेन् मेत्तु, “खेनेऱ सिजरलो येक्पेलि* केजोगुआड् केवाऱ ॥ खेल्ले चोगुल्ले खेनेऱ सिजरलोए पाड्नेऱरो ॥”

फेस्तसेन् अग्रिपा हाड्डिन्नु सुजा चोःक्

* 25:12 □□□□ □□□□□□□□-□□□□ □□□□□□□□□□□□ □□□□□□□□□□□□ □□□□ □□□□□□□□□□ □□□□□□□□ □□□□□□ □□□□□□□□□□

13 कुभा येन् एगाड् अग्रिपा हाड् नु कुन्जेलि बर्निसेन्सुहाड्गेम्बा फेस्तसेन् तुम्दुम् लाड्दाःक्से सिजरियाओ त्येत्छिरो ॥

14 खुन्छिऱ यरिक् येन् वयेत्छिल्ले फेस्तसरे अग्रिपा* हाड्डिन् पावलरे कुयाःम्बेओ अक्खेलरिक् मेत्तु, “फेलिक्सेन् कप्पोलाम् पेःल्ले पावल मेप्पनाबा पुड्लाधाबान् पक्थःआड् वये ॥

15 इड्गाऱ थो यरुसलेम्मो पेगाड्डिल्ले तुम्निड्वाऱफुसाम्बाहाऱ नु यहुदि तुम्लाम्लोःबाहाऱरे खेल्ले कुयाःम्बेओ आप्तिक् मेदोःन्दुआड् हाराऱ खुम्दिड् खोःसुनि फाऱआड् पेलि मेभाक्तुरो ॥

16 इड्गाऱ खेड्हाऱ ‘आप्तिक्साबाहाऱरे खुनेऱ मेगुःत्तुबा आप्तिक्ले कुदक्लेड्वाओ नाड्सिड्मा सुयेम् मेम्बिए आप्तिक् केगुःप्पाहाऱ खेन् हुक्सुप्पा रोमिथिम् होःप्लो’ लरिक् मेत्तुड्सिड्लो ॥

17 हेक्केःल्ले खेड्हाऱ इड्गाऱनुए सोरिक् सिजरियाओ मेदयेआड् इड्गाऱ मेन्नाःम्सिड्डे कुदाःन्दिक्माए खासेन्हिम्मो उःत्तुड्सिड्डाड् खेन् पावलेन्नाड् खेप्पो ताःप्पा पाड्घुड्सिड्लो ॥

18 हेक्क्याड् खुनेऱ आप्तिक् केगुःप्पाहाऱ मेयेम्सिड्डाड् आप्तिक् कुःप्पा मेहेःक्त्तु, कर इड्गाऱ निड्वाऱ इःत्तुड्बा हेक्के पयम् आप्तिक् थेआड् कुःप्पा मेन्छुक्त्तुन्लो ॥

19 कर कुआप्तिक्किड्ग आबाडे खुनिऱ साम्योथिम्मिल्ले निड्वाऱ मेन्दड् पाःन्धड्हाऱ नु केसिःबाआड् केबेःक्पा येसु मेप्पनाबा मनाःल्ले कुयाःम्बेओरक् वयेरो ॥ खेन् आल्लोआड् कुहिड्वेत् वाऱ लरिक् पावलेन् चक्मैल्लऱए हादिड् थक्तेरो ॥

20 हेक्क्याड् कन् पाःन्निन् अक्खेलरिक् कोःम्भो चोःक्मा इड्गाऱ थेआड् कुसिड् मेन्निःत्ते वयाड् ॥ हेक्केःल्ले पावलेन्

* 25:14 □□□□□□□□□□ □□□□□□ □□□□□□ □□□□□□□□□□□□ □□□□□□ □□□□□□ □□□□□□ □□□□□□□□□□□□ □□□□□□

थो यरुसलेम्मो केदुःन्देऱरे खासेन् लोःम्मा केसिराऱ थाड्बि?
फाऱआड् सेःन्दोसुड्लो ॥

21 कर पावलरे खुनेऱ कुदुःन्देऱलेन् खासेन्निन् रोमि
हाड्युकपाल्ले चोगुनि लऱरिक् येक्पेलि चोगुबाल्ले इड्गाऱआड्
खुनेऱ पयम्हाड् सिजरेल्लोए पाड्मादेःमा निड्वाऱ चोगुड्डाड्
खुनेऱ मेम्बाड्डे थारिक् तिलिड्गाहाऱ कोमाआड्कप्पा इड्जाःड्
पिरुड्सिड्लो ॥”

22 हेक्केःल्ले अग्रिपा हाड्डिल्ले फेस्तसेन् मेत्तु, “कन् मनाःल्ले
पाःत्तुबा पाःन्निन् इड्गाऱ आबाडेआड् खेम्मा निड्वाऱ चोगुड्लो ॥”

फेस्तसरे नोगप् पिरु, “पोःड् आदाड्बे, खेनेऱ ताःन्दिक्
खेप्सेऱओ ॥”

23 हेक्क्याड् कुदाःन्दिक्मा अग्रिपा हाड् नु बर्निसेन्आत्तात्तान्ने
मिड्सो इड्धाःड्नु त्येत्छिआड् चुम्लुड्हिम्मो थक्तुम्बाहाऱ नु
येक्यक्कोबा मिड्सोदाड्बाहाऱनु लाःसेत्छि ॥ हेक्क्याड् फेस्तसरे
पावलनेन् ताःप्पा इड्जाःड् पिरुसिआड् खुनेऱ खेप्पो मेदारु ॥

24 हेक्क्याड् सुहाड्गेम्बा फेस्तसरे पाःत्तु, “आदाड्बा अग्रिपा
हाड् नु कप्पो केदाःबा तुत्तुगेन् तुम्म्याड्हाड्से, खिनिऱ केरेक्ले कन्
मनाःन् केनिःसुम् ॥ कल्ले कुयाःम्बेओ यरुसलेम नु कप्पोबा कुभा
यहुदिहाऱरे कल्ले आल्ल हिड्मा मेघोःसुन्नि, खेन् सिःमाए पोःड्
लऱरिक् मेअःक्तेर इड्गाऱओ पेलि मेदोःन्दुआड् मेवाऱरो ॥

25 कर कन् मनाःल्ले सिःमेल्ले खुम्दिड् खोःमा थेमाआड् पाःन्
मेम्भेःन्ने वाऱ केलऱबा निड्वाऱ खोःसुड् ॥ याम्मो कन् मनाःल्ले
पयम्हाड्सिजरलो येक्पेलि चोगुबाल्ले इड्गाऱआड् सिजरेल्लोए
रोम्मो खेन् पाड्मा निड्वाऱ निःन्धो चोगुड्डाड् वाऱआरो ॥

26 कर खेल्ले कुयाःम्बेओ पयम् हाड् सिजरेन् सक्इड्घड्डो
थे साप्पा पोःड् केलऱबा इड्गाऱ मेनिआन्लो ॥ खेल्ले चोगुल्ले
कन् मनाःन् कुत्चिओ खेनेऱ आदाड्बा अग्रिपा हाड्डिल्ले केदगि

तारुङ्गाङ् वारुआरो ॥ हेक्केलरिक् सोरिक् आनिऱ कोःम्भो
आजोगुम्मिल्ले साप्पा पाःन् कुभा इङ्गाऱ खोःसुङ्डेरो ॥

27 थेआङ्भेल्ले पुङ्लाधाबाल्ले कुदक्लेङ्वाओ सेक्खा
आप्तिक् पाःन्हाऱ मेन्छापे सिजरलो पाङ्मा इङ्गाऱ नुःबा
मेन्निःबेन्लो ॥”

26

अग्रिपा हाङ्डिल्ले कुदगि पावलेन् नाङ्सिङ्

1 अग्रिपा हाङ्डिल्ले पावलेन् मेत्तु, “खेनेऱ केनाङ्सिङ्मा
पाःन्निन् युङ्मा केघोःसुरो ॥”

पावलरेआङ् कुहुक्हाऱ सन्छुर कुनाङ्सिङ्मा पाःन्निन्
अक्खेलरिक् युक्खु-

2 “आदाङ्बा अग्रिपा हाङ्डे, इङ्गाऱग आङ्न् यहुदिहाऱरे
मेगुःत्ताङ्बा आप्तिक्ले कुदक्लेङ्वाओ नाङ्सिङ्मा पाःन् केदगाङ्
युङ्मा सुयेम् खोःसुङ्बाओ इङ्गाऱ आबाडे कुदऱयाःन्केनुऱबा
चोःक्का फाऱआङ् निङ्वाऱ इःत्छिङ्डारो ॥

3 थेआङ्भेल्ले कुत्चिओग खेनेऱ नुःरिक्काङ् आनिगे यहुदि
चोःक्थिम् नु येमेन्दङ् पाःन्हाऱरे कुयाःम्बेओ केनिःसु केलेस्सुरो ॥
हेक्केःल्ले आबाःन्निन् नासि थःत्तेऱआङ् खेप्सेऱओ फाऱआङ्
पेलि फाक्नेऱरो ॥

4 इङ्गाऱ चुक्ताङ्गाङ्धोए आबाडे आलाजेऱसाबालुम्मो नु
यरुसलेम्मो वयाङ्डिल्ले आहिङ्मन् आक्तङ्बा वये फाऱआङ्
यहुदिहाऱरे मेनिःसुरो ॥

5 उन्छेःन्नाङ्धोए खेङ्हाऱरे आयाःम्बेओ मेनिःसुआङ् मेवाऱरो,
हेक्केःल्ले निङ्वाऱ मेजोगुने फाऱग इङ्गाऱग आनिगे साम्योथिम्मो
काक्नु केसाक्पा हेन्थिम्बा फरिसि साम्योलक्कोबा वयाङ्
फाऱआङ् कप्पोआङ् तोःन्दि पिमा मेसुक्तुरो ॥

6 निङ्वाऱफुमाङ्ङिल्ले आनिऱ थाःक्थेबाहाऱनु चोगुबा माङ्ङेक्किन्केत् लऱरिक् निङ्साङ् चोगुङ्बाल्ले इङ्गाऱग आइन् कप्पो खासेन् लोःम्मा तेन्नो येप्पारो ॥

7 बा खेन् माङ्ङेक्किन्खोःमा निङ्साङ् मेजोगुर आनिगे थिक्-नेत् थाःक्सुवाङ्हाऱरे सेन्दिक्लेन्दिक् निङ्वाऱफुमाङ्ङिन् सेवा मेजोगुरो ॥ आदाङ्बा हाङ्डे, बा खेन् निङ्साङ्ङिल्ले चोगुल्ले आइन् कन् यहुदिहाऱरे आप्तिक् मेगुःत्ताङ्डाङ् वाऱआरो ॥

8 हेक्क्याङ् निङ्वाऱफुमाङ्ङिल्ले केसिःबा मनाहाऱ कुहिङ्वेत् चोगुसिऱ केलऱबा पाःन्नो थेआङ् खिनिऱ नसाःन् चोःक्मा केन्छुक्तुम्मिम्बाबे?

9 इङ्गाऱ आबाडे नासरतबा येसुरे कुदक्लेङ्वाओ यरिक् पाःन्हाऱ चोःक्मा पोःङ् केलऱबा इःत्छिङ्डाङ् वयाङ्डाङ्

10 यरुसलेम्मो बा हेक्केए चोगुङ्लो ॥ तुम्निङ्वाऱफुसाम्बाहाऱरोलाम् युक् खोःसुङ्डाङ् निङ्वाऱफुमाङ्ङिल्ले कुमनाहाऱ पुङ्लाहिम्मो थेक्तुङ्सिङ्, हेक्क्याङ् सिःमेल्ले खुम्दिङ् मेबिरुसिल्ले इङ्गाऱआङ् तेन्दिङ् पिरुङ्सिङ्लो ॥

11 इङ्गाऱ यरिक्लेङ् यहुदि चुम्लुङ्हिम् थप्पे पेगाङ्डाङ् खेङ्हाऱ खुम्दिङ् पिरुङ्सिङ्, हेक्क्याङ् येसुरे कुदक्लेङ्वाओ साक्केल्लेक्काङ् माङ्चेऱया पाःप्मा पाङ्घुङ्सिङ्लो ॥ साऱरिक् आसिक्किन् पोगेबाल्ले येसुःन्नसाःन् केजोःक्पा माःङ्घा लाजेऱओबा येक्क्यक्कोआङ् खेङ्हाऱ तुक्खे चाःत्छे पेगाङ्लो ॥

12 थिक्येन् कन् याःम्बक्को यरुसलेम्मोबा तुम्निङ्वाऱफुसाम्बाहाऱरोलाम् नसाःन् केजोःक्पाहाऱ तेम्मासिआङ् साक्मासि केलऱबा युक् नु इङ्दत् खोःसुङ्डाङ् दमस्कसओ पेगाङ् ल पत्छाङ् ॥

13 आदाङ्बा हाङ्डे, लेन्दिक् लाम्मो पेगाङ् ल पत्छाङ्ङिल्ले

ताङ्साकपोलाम् नाम्मिन्नुःल्लेआङ् साऱरिक् केलेक्पा सेन्दाङ्गेन् ओःत्तिःन् आनिगे खिरि मिक्किन् चैमुऱ लेक्तेरो ॥

14 आनिगे काक् लाम्दिःक् केजोःक्पाहाऱ लाम्मो हर्गुप्सा चोःन्दिगेरो ॥ हेक्क्याङ् हिब्रु पाःन्नो अक्तङ्बा इक्लाधिक् खेम्मना, 'सावलए, सावलए, इङ्गाऱ थेआङ् तुक्खे केजाःताबाबे? इङ्गाऱनु थङ् केजोःक्ने फाऱग्र आबाडेऱक् केघुम्लो ॥'

15 इङ्गाऱआङ् दाङ्बे, खेनेऱग हाःत्नेन्बे? फाऱआङ् सेःन्दोसुङ् ॥

दाङ्बाल्ले अक्खे पाःत्तुर नोगप् पिराङ्, 'इङ्गाऱग तुक्खे केजाःत्तुर केवाऱबा येसुआरो ॥

16 आल्ल पोगेऱ, आइन् खेनेऱनु ओसेःन्धाक्सिडाङ्डाङ् आसेवारोबा नु आदोःन्दि केबिबा चोःक्नेआङ् वाऱआरो ॥ खेनेऱ आइन् केनिःसुबा पाःन्निन् नु ताःन्दि तायेम्मो ओसेःन्धाक्नेबा पाःन्हाऱ वेऱ मनाहाऱ इङ्गेभोःसुसिर पोःङ्लो ॥

17-18 इङ्गाऱ खेनेऱ केमनाहाऱ नु थिम्मन्दङ् सुवाङ्हाऱ नेप्जाङ्लाम् ताङ्सेःप्नेऱरो ॥ हेक्क्याङ् खुनिऱ मिक्हाऱ हन्छे, माक्चिगेन् खादाम्मोलाम् सेन्दाङ्गेन् ओःत्तिओ ताःत्छे हेक्क्याङ् माफेन्साम्मिल्ले कुयुक्कोलाम् निङ्वाऱफुमाङ्डिल्ले कुयुक्को ताःत्छे खेङ्हाऱरो पाङ्नेऱरो ॥ हेक्केलऱरिक् खेङ्हाऱरे इङ्गाऱ नसाःन् मेजोगाङ्बाल्ले चोगुल्ले खुनिऱ लायोलाम् लेप्पि मेघोःसुऱ, हेक्क्याङ् निङ्वाऱफुमाङ्डिल्ले आबाडे सेसे चोगुसिबा कुमनाहाऱनु खुनिऱ युङ्देन् मेघोःसुऱरो ॥'

19 हेक्केःल्ले आदाङ्बा अग्रिपा हाङ्डे, इङ्गाऱग साङ्ग्राम्पेदाङ्लाम् खोःसुङ्बा सुफोरे इङ्जाःङ्गेम्बाए पोःक्खाङ्लो ॥

20 काक्नु तगि दमस्कसओ हेक्क्याङ् यरुसलेम नु काक् यहुदिया लाजेऱबा, हेक्क्याङ् थिम्मन्दङ् सुवाङ्हाऱआङ् खिनिऱ लायोलाम् हिन्देम्मेऱआङ् निङ्वाऱफुमाङ्डिल्लो नुःक्खेम्मेऱ हेक्क्याङ् खिनिऱ

लायोलांम केहिन्दिबा कुइसिःक् निड्वाऱफुमाड्डिल्ले कुनिड्वाऱ तासेम्मेऱओ फाऱआड् इड्भन्चोगुड्सिड्लो ॥

21 हेक्केलऱरिक् इड्भन् चोगुड्बाल्ले चोगुल्लेए यहुदिहाऱरे माड्हिम्मो इड्गाऱ मेदेम्साड्डाड् सेप्पा मेगोःताड्बारो ॥

22 कर आइन् थारिक् निड्वाऱफुमाड्डिल्ले कुभाऱ पिराड्डाड् वाऱआ ॥ हेक्केःल्लेए इड्गाऱ चुक्पा यम्बा केरेक्ले खुनिऱ तगि येप्पाआड् येसुरे कुयाःम्बेओ तोःन्दि पिमा सुयेम् खोःसुड्डाड् वाऱआरो ॥ मोसा हेक्क्याड् वेऱ माड्निड्वाऱपाःन् केबाःप्पाहाऱरे ताःन्दि पोःड् लऱरिक् मेबाःतुबान्नाड्धो, वेऱ थेआड् इड्गाऱ मेम्बाःत्ते वाऱआरो ॥

23 हेक्केलऱरिक् निड्वाऱफुमाड्डिल्ले सेःन्दुबा ख्रिस्तेल्ले तुक्खे चामाआड् सिःमाए पोःड्, सिःमेःन्लाम् कुहिड्वेत् पोःड्मा हेक्क्याड् काक्नु तुम्बा पोःड्डाड् सेःन्लप्रेःन्ओःत्तिःन् यहुदिहाऱ नु थिम्मेन्दड् सुवाड्हाऱ इड्भोःसुसिरो लऱरिक् खेड्हाऱरे मेबाःतुआड् मेवयेरो ॥”

24 अक्खेलऱरिक् पावलरे नाड्सिड्मा पाःन्निन् पाःत्तुर पत्छेल्ले सुहाड्गेम्बा फेःस्तसरे फेःक्तु, “पावलए, खेनेऱग केनाक्खे केबेरो! खेनेऱग यरिक् निसाम्मिल्ले केनाक्खे केबेरो ॥”

25 कर पावलरे नोगप् पिरु, “आदाड्बा सुहाड्गेम्बाए, इड्गाऱग मेःन्नाड्डे वाऱआ ॥ इड्गाऱग सेक्खा सेनिड्वाऱओ पाःत्तारो ॥

26 आदाड्बा अग्रिपा हाड्डिल्लेआड् कन् पाःन्निन् नुःरिक्काड् निःसुबाल्ले खुनेऱ कुदगि हाड् हाड्डाड् पाःप्पा सुक्कारो ॥ हेक्क्याड् इड्गाऱ पाःत्तुड्बा कन् पाःन्हाऱग नुःरिक्काड् कुनिड्वाऱओ युक्खुआड् वाऱ लऱरिक् इड्गाऱ निस्से चोगुड्डाड् वाऱआरो, थेआड्भेल्ले इड्गाऱ पाःत्तुड्बा येसुरे कुयाःम्बेबा पाःन्हाऱग केरेक्ले मेनिःसुरो ॥”

27 हेक्क्याड् पावलरे मेत्तु, “अग्रिपा हाड्डे, खेनेऱ

माङ्निङ्वाऱपाःन् केबाःप्पाहाऱरे मेसाप्तुबा पाःन्हाऱ नसाःन् केजोगुबि? सेक्खासाङ् खेनेऱ केजोगु केल्बा इङ्गाऱ निःसुङ्लो ॥”

28 अग्रिपा हाङ्डिल्ले पावलेन् मेत्तु, “सप्फारेसा खेनेऱ इङ्गाऱआङ् ख्रिस्तानि चोःकमा निङ्वाऱ केजोगुबि?”

29 पावलेरे नोगप् पिरु, “आल्लोसाङ् ताःन्दिसाङ्, आदाङ्बारक् मेःन्, कर आइन् इङ्गाऱ पाःत्तुङ्बा पाःन् केघेम्बा केरेक् मनाहाऱ कन् पुङ्ला थाःमाओरक् मेःन्नाङ्ग वेऱ इङ्गाऱ हेक्केए नसानिबा मेबोःङ्नि फाऱआङ् निङ्वाऱफुमाङ्डो तुवा चोःककारो ॥”

30 हेक्क्याङ् अग्रिपा हाङ्, सुहाङ्गेम्बा फेस्तस नु बर्निस हेक्केल्हाऱरिक् खेप्पोबा वेऱ मनाहाऱ मेबोगेआङ्

31 खेप्पोलाम् लाःक्कात् मेलःन्देर मेबत्छेल्ले खेङ्हाऱ अक्खे मेमेत्छिङ्लो, “कन् मनाःल्लेग पुङ्लाधाबा पोःङ्मा नु सिःमेल्लेन् खुम्दिङ् खोःमाग थेआङ् याःम्बक् मेम्भेःन्ने वाऱरो ॥”

32 हेक्क्याङ् अग्रिपा हाङ्डिल्ले सुहाङ्गेम्बा फेस्तसेन् मेत्तु, “कल्ले सिजरेन् येक्पेलि मेन्जोःक्के वयेल्लेग लेप्मादेःमाआङ् सुक्तेतेबारो ॥”

27

पावलेन् रोम पेःक्

1 आल्ल आनिगे इतालि* लेप्माङ् वालाम्दिःक् चोःकमा पोःङ् केल्बा निङ्वाऱ निःन्धो पोःक्खे ॥ खेङ्हाऱरे पावल नु वेऱ पुङ्लाधाबाहाऱ पयम् हाङ्डिल्लेन् तुरा मेप्मनाबा तुरारेन् थक्तुम्बा जुलियसरे कुहुक्को लक्पेन्मेबिरुसिरो ॥

* 27:1 □□□□-□□□□ □□□□□ □□ □□□□□□ □□□□□□□□□□
□□□□ □□□□□□□□□□ □□□□□□□□□□□□ □□□□□□□□
□□□□□□□□□□□□□□□□□ □□□□ □□□□□□□□□□□□

2 हेक्क्याड् आनिगे एसियास्मा तेङ्गप्पोबा वागप्खेःड्हाः लेप्माड् वालाम्दिःक् चोःक्मा यारिप् केबोःड्बा आद्रामितेनसलाम् केभम्बा वालाधाओ लाःप्मनाआड् लाम्दिःक् चोःक्मनारो ॥ आनिगे नु थिस्सलोनिकालाम् केदाःबा अरिस्तार्खस मेप्मनाबा मेसेदोनियालि नसानिबा चुम्धिक्काड् वयेरो ॥

3 हेक्क्याड् कुदाःन्दिक्मा आनिगे सिदोन्नो केप्मनाआड् थक्तुम्बा जुलियसेल्ले पावलेन् लुङ्माः तुक्तुआड् कुन्देःड् कुन्जुम्हाःनु तुम्मा हेक्क्याड् चाहाबा केजोःक्पा चिगःक्वा तड्गाम् चोःक्मा तेन्दिड् पिरुरो ॥

4 खेप्मोलाम् आनिगे तगि पोःड्मनार पेःक्मना कर सुरित् केजड्डिन् आनिगे तक्लेड्वा लेप्माड्लाम् हुःरेबाल्ले चोगुल्ले खेन् सुरित्मान्नु सेःप्सिड्मा फाःआड् आनिगे सैप्रस वागप्खाम्मिल्ले थोहाड्लेप्माड्नु कुया कुया पोःड्मनार पेःक्मनारो ॥

5 हेक्क्याड् सिलिसिया नु पाम्फिलिया तेङ्गप्पे कुयाओ पोःड्मनार पेःक्मनाआड् लिसिया थुम्मोबा मडरा पाड्जुम्मो केप्मनारो ॥

6 खेप्मो थक्तुम्बेल्ले मिस्रस्मा अलेक्जेन्द्रियालाम् केभम्बाआड् इतालि लेप्माड् लाम्दिःक् चोःक्मा यारिप् केबोःड्बा वेः वालाधाःन् खोःसु, खेल्ले चोगुल्ले आनिगे खेप्मो चत्छिड्मनारो ॥

7 हेक्क्याड् खेप्मोलाम् यरिक् येन् नडेःक्काड् वालाम्दिःक् चोःक्मनार पयम् तुक्खेनु निदस मेप्मनाबा येक्यक्किल्ले कुबेसाड् केप्मनारो ॥ हेक्क्याड् खेप्मोलाम् इतालि लेप्माड् पेःक्मा सुरित् केजड्डिल्ले मेबिरिगेन्बाल्ले चोगुल्ले क्रेत मेप्मनाबा वागप्खाम्समा सालमोनेनु लाङ्गेत् लेप्माड् पोःड्मनाआड्

8 क्रेतरे लाङ्गेत् पिसाड् कुया कुया पोःक्खिगेर पयम् तुक्खेवानु

आनिगे लसिया पाङ्जुम्मिल्ले कुबेसाङ्बा “सेःप्सिङ्देन्”
मेप्मनाबा तेन्नो केप्मनारो ॥

9 खेङ्हाः वालाम्दिःक् चोःक्मा मेसुसेबाल्ले चोगुल्ले, हेक्क्याङ्
सुरित् केजङ् हुःमा येम्मिन् निःताङ्डे त्येर पत्छेबाल्ले, खेप्पोनु तगि
लाम्दिःक् चोःक्मा किप्मा केघुःबा पोःक्खेआङ् वये ॥* हेक्केःल्ले
पावलरे वादोचाःक्पाहाः सुजा पिरुसि,

10 “आदाङ्बासे, आल्ल तगिबा वालाम्दिःक् चोःक्मा
किप्मा केघुःबा पोःक्खेबा निःसुङ्लो ॥ चक्मेल्लए वालाम्दिःक्
आजोगुम्ने फाःग्र, वालाधा नु वागक्रे पयम् इम्मोःक्लक् मेःन्,
कर आनिःआङ् सिःमा आसुक्लो ॥”

11 कर थक्तुम्बेल्ले पावलरे पाःत्तुबा
पाःन्निन्नुःल्लेआङ्वादोयुक्पेन् नु वादोदाङ्बाल्ले लाम्दिःक्
चोगि लःरिक् पाःत्तेत्तुबा पाःन्नोए निङ्वाः पिरुरो ॥

12 कन् तेन्निन् चुङ्वाःम्माओ वाःमा नुःबा मेजोगेम्बाल्ले
चोगुल्ले यरिक्दङ्बा मनाहाः लाम्दिःक् चोःक्माआङ् फोनिक्स
येक्यक्को केप्माआङ् चुङ्वाःम्माओ वाःमा निङ्वाः मेजोगुरो ॥
खेन् वागप्खेःङ्ङिङ्ग क्रेतस्मा थाङ्गेत् नाम्धा नु लाङ्गेत् नाम्धा
लेप्माङ् तक्केमेप्पा नुःबा वागप्खेःङ्चोगेरो ॥

13 लाङ्गेत् पिसाङ्लाम् येम्येम्गेन् सुरित् केजङ् हुःमा
हेःक्तेआङ् वादोचाःक्पाहाःरे कङ्ग वालाम्दिःक् चोःक्मा नुःबा
मिक्सेःन्लो फाःआङ् निङ्वाः मेङ्ःत्तु ॥ हेक्क्याङ् वादोखेःक्चुरिन्
मेउःक्खुआङ् क्रेतरे लाङ्गेत् पिसाङ्लाम् कुया कुया मेबोःक्खेर
नाम्धा पिसाङ् लेप्माङ् लाम्दिःक् चोःक्मा मेहेःक्तुरो ॥

* 27:9 00000 000000000000 “0000 0000000000 00000 0000000000
00000000000 00000000 0000000 0000000000” 00000000000 000000
00000000000 0000 00000000000 00000000000000, तङ्बेबा खेन्येम्मो,
सुरित् केजङ् साःरिक्हुःमा हेःक्ते ॥

14 कर हाराए खेप्मो “थाङ्गेत्-नाम्गेन्” मेप्मनाबा इधुगेबा सुरित् केजङ्ङिन् वागप्खाम्लाम् किप्मा खुःसेर हुःमा हेःक्तेरो ॥

15 खेल्ले वालाधाःन् हिप्तुआङ् सुरित् केजङ् केहुबा लेप्माङ् तगि पोःमा केसाक्पा पोःक्खेआङ् वालाधाःन् आनिगे सुरित् केजङ्ङोए लेप्मनादेमनारो ॥

16 हेक्क्याङ् आनिगे काउदा मेप्मनाबा चुक्सा वागप्खाम्लिल्ले कुयाओ इःम्मिङ्मनार पेःक्मना ॥ खेप्मो वालाधाःन् फेत्लाआङ्निःम्मिल्ले सेःप्सिङ्से ओगप् चोःक्मनाबा खःङ्बेहाऱ आनिगे सुक्मेन्छुक् च्वाःत्तोलाम् थो उःक्खुम्बेआङ् इघेःङ्मनाआङ्ताङ्मनारो ॥

17 खेङ्हाऱरे खेन् थो मेउःक्खुआङ् वालाधाःन् मेयःनेन्ल फाऱआङ् कुसिगाङ्लाम् इदाःक्किल्ले चिगेक् चिगेक् इमेघेःक्खुरो ॥ सिरतिस* मेप्मनाबा येःङ्घा वाजिम्बेओ आधाः फाऱआङ् मेगिसेआङ् यम्बा वादोसारिःन् यो मेधाःसु ॥ हेक्क्याङ् सुरित् केजङ् हुरेबा लेप्माङ् वालाधाःन् मेलेरु मेदेःसुरो ॥

18 चक्मेल्लऱए सुरित् केजङ् किप्मा खुःसेर हुरेर नेस्से ॥ खेल्ले चोगुल्ले कुदाःन्दिक्मो खेङ्हाऱरे वागक्हाऱ च्वाःत्तो लाप्फुमा मेहेःक्तुरो ॥

19 कुआत्छेन्दाःन् वालाधाःन् याङ्याङ् चोःक्मा फाऱआङ् याम्मो खेङ्हाऱरे वादोसामाहाऱ* च्वाःत्तो आबाडे लाप्पेभुसुरो ॥

20 यरिक् येन् थारिक् किप्मा खुःसेर सुरित् केजङ्ङिन् हुरेर नेस्सेबाल्ले चोगुल्ले लाम् केलोःबा खेसेऱ, नाम् थेआङ् आनिगे निःमा मेसुक्तुम्बेन्नाङ्लो ॥ हेक्केःल्ले आहिङ् केलऱबा निङ्साङ्ङाङ् माःमनादेःमनारो ॥

21 वालाधाओबा मनाहाऱ चा मेन्जाएबा यरिक् येन्

* 27:17 □□ □□□□□□□□□□ □□□□□□□□□□□□□□□□□□□□ □□□□□□ □□□□□□□□□□ * 27:19 □□□□□□□□□□-□□□□ □□□□□□ □□□□□□ □□□□□□□□□□□□□□□□

पोःक्खेआङ् वयेबाल्ले पावलेन्खुन्छिण् लुम्मो येम्सिङ्ङाङ्
अक्खे मेत्तुसि, “आदाङ्बासे, आबाःन् केघेप्सुम्माङ्
क्रेतलाम् आन्धासिङ्ङिन्निन्ल्लेग अक्खेलणरिक् इम्मोःक्
मेबोःक्खेम्बारो ॥

22 कर आल्ल हाङ्हाङ् लणरेम्मेण् फाण्आङ् पेलि फाक्किण्ङलो,
थेआङ्भल्ले आनिण्ण लत्थिक्काङ् आन्छिःनेन्लो, कर कन्
वालाधाःन्लक् इम्मोःक् पोःङ्लो ॥

23 इङ्गाण् सेवा चोगुङ्बा निङ्वाण्फुमाङ्ङिल्ले
कुमाङ्लाइङ्बेन् आन्देःन् सेन्दिक् इङ्गाण्नु ओसेःन्धाक्सिङ्ङाङ्

24 अक्खे मेत्ताङ्, ‘पावलए, मेगिसेन्नेण्ओ, खेनेण्ण सिजरले
कुदगि खासेन् लोःन्छिङ्से येप्माए पोःङ्लो ॥ हेक्क्याङ्
निङ्वाण्फुमाङ्ङिल्ले खेनेण्नु लाम्दिःक् केजोःक्पाहाण्आङ्
हिङ्घुसिण्णरो ॥’

25 खेल्ले चोगुल्ले आदाङ्बासे, हाङ्हाङ् लणरेम्मेण्ओ! इङ्गाण्ण
निङ्वाण्फुमाङ्ङिन् नसाःन् चोगुङ्लो ॥ हेक्क्याङ् इङ्गाण् मेत्ताङ्बा
कुइसिःक् केत्तलो ॥

26 हेक्केसाङ् आनिण्ण कुभा वागप्खाम्मो आहाक्सिङ्लो ॥”

27 खाम्दोलुम् वरक्को सुरित् केजङ्ङिल्ले याप्पि मुःत्तेबा
थिक्-लि (१४) येन् पोःक्खे चुरेआङ् वयेरो ॥ सेत्तुम्भक्तेल्ले
वादोचाःक्पाहाण्णे लाजेण्णे कुबेसाङ् मेगेरेबा निङ्वाण् मेघोःसुरो ॥

28 हेक्केःल्ले खेङ्हाण्णे च्वाःत्तिल्ले कुभिःम्मेण् आक्खेम्प्याक्
नेबे फाण्आङ् लुङ्ङिन् इदाःक्किल्ले इमेघेःक्खुआङ् च्वाःत्तो
मेधासुआङ् मेसिःक्तुल्ले हुक्सिक् येत्किप् (८०) मेघोःसु ॥
हेक्क्याङ् सप्फाङ् मेसिःक्तुल्ले हुक्सिक् तुक्किप् (६०)
मेघोःसुरो ॥

29 हेक्क्याङ् खेङ्हाण् कुयाओबा पयम् लुङ्ङो आदोःक्पिला
फाण्आङ् साण्णरिक् मेगिसेआङ् वालाधाःल्ले कुएःक्केप्पाङ्नु

लिसि वादोखेःक्चुरिहाः मेधासुआड् आल्ल हारा खाओःत्तिरो
फाःआड् तुवा चोःक्मा मेहेःक्तुरो ॥

30 हेक्क्याड् वादोचाःक्पाहाःरे वालाधाल्लेन् तकलेप्माड्नु
वादोखेक्चुरिहाः केधाःबा मेलाम्मिड्ल खेत्छिड्मा फाःआड्
खःड्बेन् यो च्वाःतो थाःमा मेहेःक्तुरो ॥

31 कर पावलरे थक्तुम्बा नु थक्सुबाहाः मेत्तुसि, “कन्
वादोचाःक्पाहाः कन् वालाधाओ मेन्याःक्नेन्ने फाःग्र खिनिः
केन्हिड्डिन्लो ॥”

32 खेल्ले चोगुल्ले थक्सुबाहाःरे खःड्बेन् केभोःम्बाआड्
केबप्पा इदाःक्हाः मेघक्तु मेदेःसुआड् खःड्बेन् च्वाःतो मेलेरु
मेदेःसुरो ॥

33 आल्ल खाओःत्तेर पत्छेल्ले पावलरे खेड्हाः कुजासिक्
चेम्मेः फाःआड् पेलि फाक्तुसि, “खिनिःग केगिसिबाल्ले
चोगुल्ले थेआड् मेन्जाए केवयिबा थिक्-लि (१४) येन् पोःक्खे ॥

34 हिड्मारे लागि थेड्ग चामाए पोःड्, हेक्केःल्ले चाजेम्मेः
फाःआड् पेलि फाक्विन्ड्लो ॥ खिनिः थेगेःक्इधिक्काड् थेआड्
मेबोःड्नेल्लो ॥”

35 पावलरे हेक्के मेत्तु सुरुसिआड् कुभा खरेःड् खप्सुआड्
केरेक्ले खुनिः तगि निड्वाःफुमाड्डिन् नोगेन् पिरुर चामा
हेःक्तुरो ॥

36 खेड्हाः काक् हाड्हाड् मेलःरेआड् चाजामा मेहेःक्तु ॥

37 आनिगे वालाधाओ किपथिक् नेत्छिआड् नु-तुक् (२७६)
मनाहाः याक्मनारो ॥

38 केरेक्ले खुनिः खाघा चा मेजआड् वालाधाःन् याड् याड्
चोःक्मा फाःआड् सि-जाहाः च्वाःतो लाप्पेभुसुरो ॥

39 हेक्क्याड् नाम्बिन्देआड् वादोचाःक्पाहाःरे वारक्
क्याओबा येःड्घा तेन् मेनिःसु, कर लाजेःड्नु कुसिड् मेन्निःत्तुन् ॥

हेक्क्याड् कुर्याओ तेऱमाआड् केलुम्सिड्बाआड् केनेबा
येःड्घाओ वालाधाःन् हाक्मा निड्वाऱ निःन्धो मेजोगुरो ॥

40 खेल्ले चोगुल्ले खेड्हाऱरे वादोखेःक्चुरि इदाःक्हाऱ
मेघक्तुआड् वरक्को मेनिःबे हेक्क्याड् खेड्हाऱरे कुदोःम्मा
कुहिमा सिड्डिन् केधम्बाआड् केबप्पा इदाःक्हाऱआड्
मेभाःक्खु मेदेःसुरो ॥ खेड्हाऱरे वादोसारिःन् मेभाःक्खुआड्
मेभोःन्दु ॥ हेक्केलऱरिक् सुरित्माल्ले वालाधाःन् मुःत्तुर कुर्याओ
तेऱरुरो ॥

41 कर वालाधाःल्लेन् तक्लेप्माड्बेन् वरक्किल्ले कुर्याओ
केलुम्सिड्बाआड् केनेबा येःड्घाओ साऱरिक् हाक्सिड्डाड्
मुम्माआड् मेन्छुक्मना पोःक्खे, हेक्क्याड् एःक्लेप्माड्बान्
वाभेल्लेड्डिल्ले हिप्तुआड् यम्मा हेःक्तेरो ॥

42 थक्सुबाहाऱरे पुड्लाधाबाहाऱ वामेजाःक्काड् मेघेत्छिड्
मेबेःक् फाऱआड् सेप्मासि निड्सेःक् मेजोगु ॥

43 कर थक्तुम्बाल्ले पावलेन् ताड्सेःप्मा फाऱआड् माऱरुआड्
वाजाःक्मा केलेबाहाऱ तगि मेबिन् मेधानिआड् वामेजाःक्काड्
कुर्याओ मेबेःक्नि हेक्क्याड्

44 वाजाःक्मा मेल्लेःमनाबाहाऱ सिड्भेल्लेक् नु केयम्बा वालाधा
सिड् हेप्पो मेघिम्सिड्डाड् वामेजाःक्ल कुर्याओ मेबेःक्नि फाऱआड्
इड्जाःड् पिरुसि ॥ हेक्केलऱरिक् केरेक् थेआड् मेम्बोःड्डे आनिगे
कुर्याओ केप्मनारो ॥

28

पावलेन् माल्ता वागप्खाम्मो

1 हेक्क्याड् आनिगे केरेक् थेआड् मेम्बोःड्डे कुर्याओ
लःन्दिगेआड् कन् वागप्खाम्मिल्ले कुमिड् माल्ता वयेबान्
निड्वाऱ खोःमनारो ॥

2 खेप्मो केयुड्बा पाड्तिबा यक्युड्बाहाऱे आनिगे साऱरिक् लुड्माऱ मेदुक्तिगेआड् मिमेदुप्तुआड् लाड्दाःक्मा मेबिरिगेरो, थेआड्भेल्ले वाहिह्त्मान् थ्येर पत्छेआड् चुड्जिःक्तेरो ॥

3 पावलरे सिड्मुजिऱ सुप्सुर मिओ केःतुल्ले मिःल्ले येम्दुआड्असेःक्पेन्खेन् सिड्मुजिऱओनु लःन्देआड् पावलरे कुहुक्को किच्छिड्लो ॥

4 पाड्तिबा यक्युड्बाहाऱे पावलरे कुहुक्को असेःक्पेन्किच्छिड्बा मेनिःसुआड् अक्खे मेमेच्छिड्, “कड्ग सेक्खासाड् मना केसेप्पाएरो ॥ कन् वाहड्डोलाम् हिडेसाड् कन् खासेन् केलोःम्बा माड्डिल्ले कुघुम्दिड्लाम् पिम्मा मेसुक्तेन्लो ॥”

5 कर पावलरे खेन् असेःक्पेल्ले अःक्मा मेड्घोए मिओ साक्खु केःतुआड् थेआड् मेबोःक्खेन्लो ॥

6 आल्ल पावलेन् थड्दुआड् हर्गुप् चोःन्नाड् सिःऱ लऱरिक् निड्वाऱ मेड्ःतुआड् मनाहाऱे मेहाड्घुरो ॥ यरिक् येम् मेहाड्घुसाड् खुनेऱ थेमाआड् मेबोःक्खेम्बा मेनिःसुआड् खुनिऱ निड्वाऱइन्मेलेक्खुर अक्खे मेमेच्छिड्लो, “कड्ग सेक्खासाड् माड्लो ॥”

7 खेप्मो निःत्ताड्डे खेन् वागप्खाम् युक्पा पब्लियसरे कुलाजेऱ नेस्से ॥ खेल्ले आनिगे कुहिम्मो तेऱरिगेआड् साऱरिक् नुःरिक् मेत्तिगेर सुम्येन् थारिक् तरे याप्पि तोःसेरो ॥

8 पब्लियसरे कुम्बा तुड् नु माक्खिक् हिबिःप्माल्ले तरुआड् नेत्नाओ नेस्से ॥ हेक्केःल्ले पावलेन् कुहिम्मो पेआड् तुवा चोगु पिरुआड् हुक् नेस्सुआड् वेःन्दुरो ॥

9 अक्खे पोःक्खेल्ले वागप्लाजेऱओबा काक् केदुक्पा केयऱबाहाऱ मेदयेआड् मेवेःतेरो ॥

10 खेड्हाऱे यरिक् इड्धाःड् मेबिरिगेर मिक्तोःक् नु

चेस्सुड्हाः मेदोःन्दि मेबिरिगे ॥ याड्सि पेःकमा येम् पोःक्खेल्ले
वालाम्दिःक्को चाहाबा केजोःक्पा केरेक् चिगःक्वाहाः
वालाधाओ मेयाक्तु मेबिरिगेरो ॥

11 हेक्क्याड् खेप्पो ला सुम्सि थारिक् वयिगेआड् खेप्पो
अलेक्जेन्द्रियालाम् केदाःबा काप्साबा ग्रिक माड्हाःरेन्
खोःम्मनाबा इत्छापु केबप्पा वालाधाओ लाःप्पनाआड् आनिगे
वालाम्दिःक्को थासिड्मनारो ॥ खेन् वालाधाःन् चुड्वाःम्माओ
खेन् वागप्खेःड्डो त्येआड् वयेरो ॥

12 हेक्क्याड् आनिगे सिराकस मेप्पनाबा येक्यक्को
केप्पनाआड् सुम्येन् थारिक् खेप्पो नेमना ॥

13 खेप्पोलाम् थासिड्मनाआड् इतालि लाजेःबा रेगियम
मेप्पनाबा येक्यक्को केप्पनारो ॥ हेक्क्याड् कुदाःन्दिक्मा
लाड्गेत् पिसाड्लाम् सुरित् केजड् हुःरे, हेक्क्याड् थासिड्मनाआड्
कुआत्छेन्दाःन् पतिओलि मेप्पनाबा पाड्जुम्पो केप्पनारो ॥

14 खेप्पो आनिगे कुभा नसानिबा फुःनुसाःहाः तुम्मनासि,
हेक्क्याड् खेड्हाःरे येत्नाम्धिक् याःक्तेम्मेः लःरिक् पेलि याम्पि
मेभाक्तेरो ॥ आनिगे खुन्छिःनु येन्नाम्धिक् याःक्मनाआड् रोम
लेप्पाड् थासिड्मनारो ॥

15 रोम्पो केवाःबा नसानिबाहाःरे आनिगे त्येःड्गेर पत्छिगेबा
पाःन्निन् मेघेप्सुआड् अप्पियास्मा पाड्जुम्पु सुम्सि इःक्खिक्
मेप्पनाबा देन्नो आनिगे तुम्से लाम्देःड् थारिक् लाम्लक्से
मेदयेरो ॥ हेक्क्याड् पावलरे खेड्हाः निःसुसिआड् हाड्हाड्
पोःक्खेर निड्वाःफुमाड्डिन् नोगेन् पिरुरो ॥

16 आनिगे रोम्पो केप्पनाआड् खेप्पो थक्सुबा कोमाओ पावलरे
आबाडे तड्गाम् चोगुबा येड्वाहिम्मो वाःमा मेबाड्घुरो ॥

17 सुम्येन् एगाड् पावलरे यहुदि लाम्लोःबाहाः चुम्पुड्डो
उःत्तुसिआड् खेड्हाः मेजुप्सेल्ले अक्खे मेत्तुसिरो, “आम्भुः

आन्साहसे, इङ्गाहग आनिह मनाहाह नु आनिह सुधेबाहाहरे आम्विरे आम्युसेबा साक्थिम्मिल्ले कुदक्लेङ्वाओ थेआङ् मेम्बाःप्पेन्लो, हेक्केसाङ् इङ्गाहग यरुसलेम्मो मेदेम्साङ्डाङ् रोमि सुहाङ्ग्युक्पाहाहरो हुक्मेसुप्ताङ्लो ॥

18 खेङ्हाहरे इङ्गाह मेसाह्राङ्डाङ् याप्पि लेप्पादेःमा निङ्वाह मेजोगु, थेआङ्भेल्ले इङ्गाह सिःमेल्ले खुम्दिङ् खोःमा थेआङ् फेन् पाःन् मेन्जोःक्के वयाङ्लो ॥

19 आनिह आबाडे याप्पिहाहरे खुनिह तक्लेङ्वाओ आप्तिक् थेआङ् मेगत्तान्छाङ् यहुदि लाम्लोःबाहाहरे साह्रिक् मेअत्ताङ्डिल्ले इङ्गाह हाङ् युक्पा सिजरलो येक्पेलि चोःक्माए केबोःङ्बा पोःक्खाङ्लो ॥

20 खेल्ले चोगुल्लेए इङ्गाह खिनिहनु तुम्माआङ् थेआङ् आप्तिक् मेगुःत्ताङ् केलहबा पाःन्निन् चेङ्मा निङ्वाह चोगुङ्डाङ् कप्पो त्येम्मेह फाहआङ् उःत्तिङ्बारो ॥ इसाइलिहाहरे ताः केलहबा निङ्साङ् मेजोगुबा माङ्थुक्पेन्नसाःन् चोगुङ्बाल्ले चोगुल्ले इङ्गाह आङ् कन् इघेःङ्डो थ्याङ्डाङ् वाहआरो ॥”

21 खेङ्हाहरे खुनेह नोगप् मेबिरु, “आनिगेग यहुदियालाम् केयाःम्बेओ थेआङ् सकइङ्घङ् मेङ्घोए वयिगेरो ॥ हेक्क्याङ् खेप्पोलाम् खेनेह केदक्लेङ्वाओ फेन् पाःन्हाह केदाःप्पा फुहनुसाहहाहआङ् मेहोःप्लो ॥

22 कर कन् केनाःत्तु केइःत्तुआङ् केवाहबा निसाम्मिल्ले कुदक्लेङ्वाओ मेबाःत्तुबा आत्तिसाङ् खेप्सुम्बेर वयिगे ॥ कल्ले कुयाःम्बेओ खेनेह केनिङ्वाह थेमा वाहबे फाहआङ् खेम्मा सिराह थाङ्गेआङ् वाहरो ॥”

23 हेक्केःल्ले खेङ्हाहरे पावलनु याम्मो तुम्मा येम् निःन्धो मेजोगु हेक्क्याङ् खेन् येम्मो खेङ्हाह पावलरे कुयेङ्वाहिम्मो यरिक् मेदयेरो ॥ हेक्क्याङ् पावलरे तानाम्नु नाम्थेयरे थारिक्

निङ्वाऱफुहाङ्जुम् नु येसुरे कुयाःम्बेओ खेङ्हाऱ नसाःन्
 केजोःकपा चोःकमासि फाऱआङ् मोसारे साप्तुबा साम्योथिम्
 नु माङ्निङ्वाऱपाःन् केबाःप्पाहाऱरे मेसाप्तुबा साप्लालाम् कुबे
 हन्दुआङ् चेतुसिरो ॥

24 खेङ्हाऱ कुभारेग पावलरे पाःत्तुबान् नामेसारु कर वेऱहाऱरेग
 नामेन्छाऱरुन्लो ॥

25 खेल्ले चोगुल्ले खुनिऱ लुम्मोए निङ्वाऱ मेन्दङ् पोःक्खेरो ॥
 हेक्कयाङ् खेङ्हाऱ पेःक्मानुःल्ले तगि पावलरे अक्खे मेत्तुसि,
 “सेक्खाए नुःरिक्काङ् सेसेमाङ्डिल्ले माङ्निङ्वाऱपाःन्
 केबाःप्पा यसैयाःल्ले कुमुराओलाम् खिनिऱ थाःक्थेबाहाऱ
 अक्खे मेत्तुसिआङ् वाऱरो-

26 ‘कन् मनाहाऱरो पेगेऱआङ् अक्खे मेत्तेसेऱ,
 आबाःन्जाक्किन् खिनिऱ केघेप्सुम् आल्लसाङ् नुःरिक्काङ्
 केघेप्सुम्,
 कर कुसिङ् केन्निःत्तुम्मिन्लो ॥

आयाःम्बक्किन् खिनिऱ ओगेमेत्तुम् आल्लसाङ् नुःरिक्काङ्
 ओगेमेत्तुम् हेक्केसाङ् केन्निःसुम्मिन्लो ॥

27 थेआङ्भेल्ले कन् मनाहाऱरे खुनिऱ निङ्वाऱङ्कधुङ्बा
 पोःक्खेआङ् वाऱरो ॥

खुनिऱ नेक्खोऱहाऱ सुबेआङ् पत्तो ॥

खुनिऱ मिक्हाऱ सुबेआङ् पत्तो ॥

मेःन्ने फाऱग्र मेनिःसु, मेघेप्सु,

कुसिङ् मेनिःत्तुआङ् इङ्गाऱओ मेनुःक्खेबारा

हेक्कयाङ् वेःन्निङ्बा वयेरो लऱरिक् निङ्वाऱफुमाङ्डिल्ले
 पाःत्तुरो ॥ ”

28 हेक्कयाङ् पावलरे कुनुप्पो अक्खे मेत्तुसि,
 “निङ्वाऱफुमाङ्डिल्लेन् सेन्लप्रे सुनाइङ्डिन् थिम्मेन्दङ्

सुवाङ्हाऱो पाङ्घुआङ् वाऱ, हेक्क्याङ् खेङ्हाऱे नुऱिक्काङ् मेघेप्सुऱ केल्बान् कुसिङ् निःतेम्मेऱओ ॥”

29 ((हेक्क्याङ् पावलरे कन् पाःतु सुरुआङ् यहुदिहाऱ खुनिऱ लुम्मो साऱरिक् पाःन्धङ् मेधक्तेर खेप्पोलाम् मेबेरो ॥))

30 तङ्बे नेत्छि थारिक् पावलरे आबाडे तङ्गाम् चोगुबा येङ्वाहिम्मो याःक्तेआङ् कुदुम्से केदाःबा केरेक् मनाहाऱ लाङ्दाःक्मा पिरुसिर वयेरो ॥

31 हेक्क्याङ् मेङ्गिए हाङ्हाङ् लऱरिक् निङ्वाऱफुहाङ्जुम्मिल्ले कुयाःम्बेओ इङ्भन् चोगुर केदाःबा केबेःक्पाहाऱ दाङ्बा येसु ख्रिस्तरे कुयाःम्बेओ हुरुरुसिरो ॥ आत्तिन्हाऱेआङ् हेक्के चोःक्मोलाम् खुनेऱ साक्मा मेङ्गोःतुन्लो ॥

**Yesu khristarε kunisaam
New Testament in Limbu (NP:lif:Limbu)**

copyright © 2009 Wycliffe Bible Translators, Inc.

Language: Limbu

Translation by: Wycliffe Bible Translators, Inc.

Limbu (Devanagari)

Annapurna SIL script necessary to read

lim

Nepal

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789937217637

The New Testament

in Limbu

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files dated 29 Jan 2022

1f7c9586-188f-5463-80d8-d2bbafbcfacf